

Santoli

1



Digitized by the Internet Archive
in 2014

<https://archive.org/details/vincentiimariae00sant>

VINCENTII MARIÆ SANTOLI

V. J. DOCTORIS ET ARCHIPRESBYTERI

ROCCÆ SANCTI FELICIS

DE MEPHITI ET VALLIBUS ANXANTI

LIBRI TRES.

CUM OBSERVATIONIBUS SUPER NONNULLIS URBIBUS
HIRPINORUM, QUORUM LAPIDES ET ANTI-
QUITATUM RELIQUIÆ
ILLUSTRANTUR.



NEAPOLI MDCCLXXXIII.

THE NEW YORK PUBLIC LIBRARY

ASTOR LENOX AND TILDEN FOUNDATIONS

ROBERT S. LEE

THE NEW YORK PUBLIC LIBRARY

ASTOR LENOX AND TILDEN FOUNDATIONS

THE NEW YORK PUBLIC LIBRARY
ASTOR LENOX AND TILDEN FOUNDATIONS
100 N. 4TH ST. NEW YORK, N. Y.



THE NEW YORK PUBLIC LIBRARY

EXCELLENTISSIMO . DOMINO :
IOSEPHO . BECCATELLI . DE . BONONIA :
SAMBVCÆ . MARCHIONI . OPTIMO .
SCIENTIARVM . ET . REIPVBLICÆ . BONO . NATO
IN . SVPREMO . VTRIVSQVE . SICILIÆ . REGIS .
CONSILIO . A . SECRETIS .
SPLENDIDO . DIVI . IANVARII . EQVITI :
INTIMÆ . ADMISSIONIS . CVBICVLARIO . cc. ec. cc.
HAS . SVPER . MEPHITI . ET . VALLIBVS .
ANXANTI .
LVCVBRATIONES .
VINCENTIVS . M^a. SANTOLI :
ARCHIPRESBYTER . ROCCÆ . S. FELICIS .
OFFICII . ADMIRATIONIS .
ET . VENERATIONIS . ERGO .
D. D. D.

THESE THINGS, BEING :

THESE THINGS, BEING :

THESE THINGS, BEING :

THESE THINGS, BEING :

THESE THINGS, BEING :

THESE THINGS, BEING :

THESE THINGS, BEING :

THESE THINGS, BEING :

THESE THINGS, BEING :

THESE THINGS, BEING :

THESE THINGS, BEING :

THESE THINGS, BEING :

THESE THINGS, BEING :

THESE THINGS, BEING :

THESE THINGS, BEING :

THESE THINGS, BEING :

EXCELLENTISSIME DOMINE.



Ara illa, & certe singularis Comitatus, qua præ reliquis omnibus Virtutibus, in summo Dignitatis fastigio splendescis, **MARCHIO EXCELLENTISSIME**, dubitare non finit, quin libenter patiaris, ut hoc quoque Opusculum meum, Clarissimo tuo decoratum Nomine, in lucem prodeat, non secus alterum, super Insigni
Sar-

Sardachate insculpto Lapide Regis Nostri, ex Farnesianis gazzis, Musei, quod duobus abhinc annis, faustissimis iisdem sub auspiciis publici juris feci. Ab eo igitur Tibi offerendo, vovendo, consecrando detertere me non valuit, tenue admodum, rude, & inconcinnum ipsum esse; maxime quia non video, quid tam magnum, perfectumque esse possit, quod Tuo digne inscribi possit Nomini; a quo, si veritas in prætio est, vel elucubratissima, doctissimaque opera, quæ Tibi dicantur, maximum mutuantur decus, & ornamentum. Quæ igitur Opusculo meo deest gloria, & lux, omnis nanciscetur insigni Tuo ex Numine, quo divina quadam benignitate & summos, & humiliores literarum, bonarumque artium Studiosos complecteris, eorumque qualescumque sint, labores, conatusque foves. Quamobrem nec dissertatio mea labem amplius reformidat, neque ipse Invidorum, atque Obtrectatorum aculeos timeo; sed securus, acceptique honoris jugiter memor, id unum enitar, ne DEUM O. M. precari desinam, ut longævus, incolumesque annos pro Scientiarum, Artiumque omnium, & Universæ Reip. bono Tibi impertiatur. Vale.

Addictissimus & Obsequentissimus Famulus
 Vincentius Maria Santoli.

AMICIS LECTORIBUS.

Promissa sunt complenda, Virique boni promissio est obligatio: Amicis jam promiseram, de Mephiti Anxanti disserturum; dicam igitur de Ea: Carmen certe novum non recitabo; quamplures enim, clarique nominis Scriptores de Loco isto disseruerunt: *Quid enim non videmus* (ait Cicero) *quam sint diversa Terrarum genera, ex quibus, & mortifera quedam pars est, ut, & Anxanti in Hirpinis, & in Asia Plutonia, quæ vidimus* (1): Et Poëtarum Princeps;

*Est Locus Italiæ in medio, sub montibus altis,
Nobilis, & fama multis memoratus in oris,
Anxanti Valles* (2) ;

Plinius secundus -- *Terræ miracula dicamus: Spiritus Lætales alibi, aut ipso Loci situ mortiferi: alibi volucribus tantum, ut Soraacte, vicino Urbis tractu: alibi præter Hominem, cæteris animantibus: alibi Charoneas Scrobes Mortiferum Spiritum exalantes: item in Hirpinis Anxanti, ad Mephitis ædem, Locum, quem qui intravere moriuntur* (3); & Claudianus de Loco eodem cantabat;

*Tunc, & pestiferi pacatum limen Averni
Innocuæ transistis aves, flatumque repressit
Anxantus; Tacuit foxo Torrente Vorago* (4);

Et Vibius Sequester: *Ampsanctus Lucaniæ, cujus alitus volucres necat* (5); & Persius;

*Turgidus hic Epulis, atque albo ventre levatur,
Guttare sulfureas lente exalante Mephitim* (6);

Et

(1) Cic. de Divinat. Lib. 1.

(2) Virg. Æneid. Lib. 7. vers. 576.

(3) Plin. Lib. 2. cap. 93.

(4) Claud. de Rapt. Proserp. Lib. 2. vers. 348.

(5) Vib. de Lac.

(6) Pers. Satyr.

Et Silius Italicus;

*Hinc vicina palus, fama est, Acherontis ad undas
Pandere iter, cæcas stagnante voragine fauces
Laxat, & horrendos aperit Telluris hyatus,
Interdumque novo perturbat lumine Manes* (1).

Locum eundem meminerunt Seneca, Servius Grammaticus, Ludovicus Cerda, Donatus Virgilium exponentes, Cluerius, & nuper Leonardus de Capua, alique, de quibus inferius, prout res exposulabit dicemus. Quidquid isti reticuerunt subnectam, quid vero edixerint, apud ad instar colligam, æternumque in unum redigam volumen, ut quod sparsim alii adnotaverint, uno codice complectantur: Collecta tamen, siue nuper a nobis reperta, atque in Loco observata ita disponam, ut rerum, siue antiquarum, siue naturalium inquisitores, præter Topographiam, Loci quoque naturam præ oculis habeant; inanes de Loco eodem olim jactatas fabellas referam, ut de multitudinis simplicitate Amici rideant, & de Religioso cultu huic efficto Numini tributo, quod non injucundum ipsis fore sum arbitratus: nonnulla circum adjacentium Locorum ad rem pertinentia attingam; quæ omnia, ut præmissi, amicis ut placeam scripsi: qui legis igitur Amici estote; si quid forte erraverim, corrigite, ac Scriptori Amico, gravioribus certe curis distento, grato animo condonate; nihil enim aliud,

*Quam veniam pro laude peto: Laudatus abunde,
Non fastiditus si tibi Lector ero* (2).

(1) *Sil. Ital. Lib. 2., & Lib. 12.*

(2) *Ovid. L. 1. Trist. Eleg. 6.*

LIBER I.

De Mefitis Anxanti situ.

§. I.

A

Msancti, Ansancti, Anxanti, Ampsancti, si-
ve etiam Anfracti Valles, prout diversimo-
de inscribuntur (1), & de quibus sermonem
instituiamus, sitæ sunt in districtu Terræ

Rocce S. Felicis, quæ adnumeratur in mediterranea
Provincia Principatus Ulterioris, juxta præsentem divi-
sionem Regni Neapolitani; ipsaque olim fuit Italiæ me-
dium, siue Umbilicus, ut Scriptores loquuntur (2). Val-
les Hirpini tenuere (3); & ipsi Samniticæ gentis,
Strabo (4); & a Samnitibus nomine tenus distin-

Jacent Valles inter Apuliam, ad orientem æsti-
vum, & Campaniam, ad occidentem: altos ex Appenni-
nis, Syrinates respiciunt Montes, ad sud ovest, a qui-
bus .P. XVIII. fere distant.

Duorum Nemorum latera Valles urgent utrin-
que Nemoris scilicet Civitatis Frequenti, ad Septem-
trionem, quod vulgo dicunt *Migliano*; & nemoris Rocce
S. Felicis ad meridiem, vulgo nuncupati *Le Macchie del-
la Mef*, sicut & Loca, de quibus differimus le *Valli*
appellitantur: A Septemtrione ad Orientem, usque ad
Meridiem, continui extenduntur Colles, qui Valles istas
efformant, & intercludunt; ex quo perspicuum est, loca
ista diserte Valles nuncupata, quia a collibus antedictis
vallata (6).

A

§. III.

(1) In Cod. Vatic. Virg. : Cic. de divin. : Claudian. in Me-
sagiam. Plin. L. 2. Cap. 93.

(2) Virgil. Æneid. Lib. 7. Vers. 560.

(3) Cic. de divin. Lib. 1. : Plin. Lib. 3. Cap. 2.

(4) Strab. Lib. 5.

(5) Sigon. de Ant. Jure Ital. Lib. 1. Cap. 20.

(6) Vid. Ambros. Calep. in Verb. Valles.

§. III. Duæ ad Valles ducunt Viæ, Appia scilicet quam vulgo dicunt la *Strada Beneventana*; & Via Domitia, quæ vulgo appellatur la *Strada Napolitana*: distant autem Valles ab Urbe Neapoli M. P. L. circiter, & a Benevento M. P. XXV.: Quod intelligas, dum per vias istas iter instituitur.

§. IV. Hicce in Vallibus celebres Mephites Anxanti contemplantur; in ipsarum enim declivio ad Meridiem, modica extenditur planities, cui ad Septemtrionem quatuor imminet Colliculi, sive supercilia, in unum altiorum Colliculum desinentes, Orientem versus: ad Colliculorum istorum radices, Lacus exurgit perennes continens aquas, ebullientes continuo, etsi frigida vere sint: Lacum istum, *Mephitim* appellant vulgo; quo vocabulo ad Lacum indicandum non raro Scripsi sunt.

§. V. Colliculi isti, concretio sunt ex Terra Siccâ, cum Alumine, Vitriolo, Bitumine, non sine partibus ferreis immixtis, necnon & gypseis, ut infra dicemus: ex quibus coagmentationibus, variegatis apparibus: albicantes scilicet Colliculi Lacui superimpositi; Colliculi altioris latera, viridi nigra; cacumen vero ipsius, nigri coloris, ad instar carbonum fuliginis, quin imo terra ipsa nigra est, ac tactui ita rubeo de recenti veluti si arsisset videatur.

§. VI. Visibiles evaporationes Colliculi isti emittunt continuo, prout inferius dicemus. Nec præteriri debent aquæ dulces in toto fere Vallium ambitu scatentes, quæ tot perennes fontes constituunt, ipsique ad septem usque dinumerantur: præter quos, tres aquarum sulphurearum Fonticuli ibi exurgunt: necnon & stagnantes inter palustres herbas, sive jungos, delitescunt aquæ aliæ, quæ per brevem terræ tractum leviter fluunt, ac cito veluti si deficerent, a terris adjacentibus absorbentur: Quæ quidem omnes Colliculis jam dictis supereminet, ideoque recte

3

recte judicatur, quod per declives subterraneos meatus, ad illorum radices confluunt, & partem Lacus, de quo loquimur, efformant.

§. VII. Ab Oriente Lacus, ad ipsius Meridiem, tortuosus excurrit Torrens; & de quo inferius: At aquæ Lacus limpidaæ certe sunt: verum in Lacu ipso, tamquam lixivie, coloris plumbei observantur; alveus enim ejus ex creta saponacea est, coloris plumbei, iisdem aggregatibus concreta, ac colliculi, de quibus diximus, sulphure videlicet, alumine, gypso, bitumine, cum vitriolo, quorum sales, suapte natura, tempore æstivo expressi contemplantur in Lacus tunc sicco margine: cæterum aquæ a Lacu haustæ, & in vase detentæ, partes cretaceas cito in fundo deponentes, ipsæ limpidaæ evadunt: at puncentem saporem aluminis, cum vitriolo, etiam ad ignem applicatæ, deponunt nunquam: Æstivo soli expositæ, salium aluminis, & vitrioli concretionem relinquunt, & partem crassam bituminis, non sine sulphure: creta enim in fundo vasis deposita, igni admota, postquam paulisper incaluerit, cæruleam sulphuris flammam emittit.

§. VIII. Duobus in alveis Lacus aquæ continentur, quod in siccitatibus æstivis contemplatur, ut in Figura I. videre est. Hanc Ego delineavi in Mense Maji Anni 1779., in illa septem mensium, & ultra siccitate: Tunc enim temporis latus Orientale Lacus, pene in totum exiccatum cernebatur; ac proinde interna alvei structura recte potuit definiri: & talis quippe erat, ut duo veluti vortices, prægrandis ab Occidente unus, minoris circumferentiæ, ad Orientem alter, duos alveos Lacus constituerent: quæ tamen forma immutata nunc est, ut inferius dicemus: At pluviis supervenientibus, in unum cœunt aquæ, & velut si in uno consisterent alveo conspiciuntur, unumque continuum vere Lacum efformant, prout in Tabula II. exhibetur contemplandus.

§. IX. Colliculi Lacui supereminentes , ut diximus , effervescent continuo , ac visibiles evaporationes emittunt , quod & in Lacus ambitu quoque evenit : ideoque ejus aquæ jugiter agitantur , ac veluti si violento igni essent admotæ , mirum in modum ebulliant : undique per Lacum tot ambullæ , tanquam ex sapone expressæ , discurrunt : quin imo ex immodicis exufflationibus , excitationis ab aëre intercluso , & ad libertatem contendente , sive etiam a continua tot mineralium fermentatione , aut ab igne in vasto , ut infra dicemus , Mephitis cratere agente , aquæ despumatæ , cum fragore sensibili in altum verberantur , diversas sortientes figuras , velut scilicet annosi scopuli , temporis injuria , aut maris falsedine inæqualiter corrosi : Aquæ frigescent quidem , at in vicino Territorio Oppidi Villamaniæ , ubi per meatus subterraneos scatent ; ut mox dicemus ; sensibilem calorem emittunt ad gradum XXIX. Thermometri de Reaumur.

§. X. In Lacus margine , septemtrionem versus , & ad Colliculorum radices , observatur Foramen , seu Rima inæqualis figuræ , ex qua immodicus flatus orientem versus exufflat , cui cum Lacus sit inclinatus , aquæ ex continua ebullitione agitata , in ipsam incidunt , at ab exufflatione illa in aërem rejiciuntur , sicque per vim anfractæ despumantur , ac veluti in vapores rediguntur : Rima vero isthæc , veluti si crassum bituminis , dum aduritur , fumum emitteret , non injucundo spectaculo , contemplatur.

§. XI. Rima , de qua loquimur , ex meatibus unus est , qui excipit Lacus aquas , quæ naturaliter per subterraneos flexus ductæ , alicubi deportantur , quod Clue-rium minime animadvertisse dicendum est : Vir enim Clarissimus de Lacu nostro differens , hæc habet : *At id in Lacu maxime mirandum , quod cum aqua tanta vi in tantam altitudinem eructetur , nunquam tamen Lacus excrescat , sed aqua perpendiculariter in voraginem suam*

5
suam recidat (1); Et licet Leonardus de Capua Cluerii
verba relata perpendens, recte judicasset, quod aquarum
per subterraneos naturales meatus alicubi deponuntur;
attamen nec quales essent meatus recipientes, nec lo-
cum, ubi aquæ confluunt, designavit (2): Nos igitur
ne quid indiscussum de Loco remaneat; etiam minima
adnotabimus.

§. XII. Meatum certe aquarum recipientium unus
est Rima isthæc, non autem Scaturigō, prout perperam
laudatus de Capua scripsit (3): Ipsa enim, ut diximus,
Lacus aquas, quas excipit, flatu violento ad septem,
& ultra palmorum altitudinem, in minutissimas guttulas
redactas eructatur; sed ex ipsa aqua nunquam scatent
perennes, prout sedulo in loco observavimus, quodque
experientia diuturna compertum est: in siccitatibus qui-
dem ætivis, Lacus aquis decrescentibus, velut si quie-
sceret Rima isthæc contemplatur; nam etsi continuo
exufflet, aquarum tamen nec unam guttulam emittit.
Cæterum quot vorticēs, sive ebullitiones in Lacu obser-
vantur, tot scaturigines, & aquarum earundem recipient-
iēs meatus dicendi sunt; quod si in ipsis aquæ non de-
spumentur in guttulas, prout in laudata Rima fieri di-
ximus; id tribuendum est aquarum frequentiæ, & gra-
vitati, qua exufflationes illæ comprimuntur: ideoque li-
cet magna vi, usque ad quartum, & quintum palmum
in aerem reijciantur, in guttulas tamen non abeunt;
at tot inæquales in ebulliendo præferunt figuras; quod
in Lacu vere mirandum est.

§. XIII. Porro per subterraneos naturales meatus,
Lacus excipit aquas a Collibus hinc inde Vallibus su-
pereminentibus, & a fontibus, in ambitu Vallium, ut
diximus, scatentibus, quas per sinuosos subterraneos fle-

(1) Cluer. Ital. Antiq. Lib. 4.

(2) Leonard. de Capua in Tract. de Mef. Lektion. 1.

(3) Idem ibid.

xus alicubi deponit; Et hoc aperte evincitur ex eo, quod Lacus nunquam exiccatur, nec excrefcit, prout necessario evenire deberet in ficcitatibus diuturnis, & in pluviis hiemalibus, quæ his in locis affiduæ sunt, & prægrandes; ex quo quantas Lacus noster excipiat aquas, tum maxime intelligitur, cum colles ei circumimpositos, & totum Vallium ambitum contemplemus. Colles namque isti usque ad quartum milliarium, & ultra serpentes, Vallium ambitum, majorem in partem, intercludunt, omnesque, quas recipiunt aquas pluvias, in Lacum ducunt, ubi & fontes pereænes, quos supra notavimus, scatent quoque; ex quo crescunt quidem aquæ in Lacu, at ex eo nunquam decrefcunt, five extrinsecus defluunt: quod luculentius, non multis abhinc retroactis annis, apparuit, cum quidam concives mei, prope occiduum Lacus alvei marginem, canalem effoderunt, quem habes figura II. N. 3. autumantes, sed perperam, posse illo ab ipsis ductu sic artefacto, Lacum exiccare, quod nec factum est, nec ullò pacto fieri poterat: surgunt enim ex Lacu fundo aquæ, ut alveus suis voraginibus est inclinatus, & supereminet, ut notavimus. Sed ubi aquæ illæ ex Lacu confluant, dicemus modo.

§. XIV. Quatuor, ut diximus, supercilia, seu colliculi, quorum ultimus, qui ad orientem vergit, altior est, Lacui supereminet: una eademque ipsorum est basis, figuræ semicircularis, qua Lacus medietas continetur, ita ut ad modum amphitheatri prospectum cernentibus exhibeat: Hos inter colliculos, obortum canalem aqua pluvia efformavit, ex quo ipsa adveniens in Lacum confluit: ibi concavus locus admiratur, Lacui supereminens, ad septem palmorum distantiam, ubi raro deficiunt aquæ, quæ & ipsæ ebulliunt: hunc pone Rimula ex terra nigerrima, seu bituminosa; quæ continuas evaporationes emittit, ut Tab. II. N. 4.

§. XV. Colliculi isti continua sunt in evaporatione, ipsa

ipsaque, ut diximus, sensibili, non secus, ac terræ aquis madidæ, ad solem évapurantes: at collis altior, sive altius supercilium, quod a medietate ipsius ad verticem usque diximus nigrescere, præter densiores évapuraciones, per varias, quas ostentat Rimulas, sibilat, atque exufflat: nec non sensibilem emittit calorem, usque ad gradum XXV. Thermometri de Reaumur, tempore hiemali, ipsoque pluvio, & nive rigido; tempore veris, ad eundem gradum XXV.; tempore æstivo, usque ad gradum XXX.; & tempore autumnali, usque ad gradum XXIX., prout statis temporibus observavimus; at ad ejus radices, sicut & in Lacus margine, Mercurius non ascendit. Præterea supercilium istud non pauca, & in declivio, & in suis semiplanulis, exhibet contemplanda foraminula, non secus, ac illa, quæ a formicis excavantur, quæ filo tenui & ipsa sibilant: Nives ibi dum cadunt, cito liquefunt, nec in loco consistunt, quod secus est in reliquo Vallium ambitu, excepto tamen Lacu, cujus aquæ nec nives retinent, nec glacie indurefunt. Porro Terra, ex qua supercilium istud componitur, bitumine præsertim abundat, ideoque nigerrima est, ut diximus; & quoniam assiduis agitatur exufflationibus, atque ex jugi illo calore exiccatur, ita rudis tactui evadit, ut veluti si diu excocta esset fuligo contemplatur, quin imo ejus asperitas in dies augetur ab acidis, tot mineralium, & ferri signanter, qui non deest in loco, quique citius ab acidis vitriolicis roditur, atque resolvitur; observante Imm. Memorizæ Viro Clarissimo D. Johanne Maria de Turre (1).

§. XVI. Ad superciliorum istorum partem sinistram, incipiendo a Vertice ad radices, velut istmus, ut ita dicam, terræ naturalis extenditur, ubi cannes palustres, suap-

(1) *Job. Maria de Turr. Element. Physic. Tom. VIII. Tract. V. Sect. 1. Cap. IV. §. 57.*

suapte natura oriuntur ; cui occidentem versus , adjacet rupis abundans sulphure , & bitumine , quæ velut si esset ambusta contemplatur : Ibi duæ inter se inversæ , prægrandes observantur rimæ , quæ mirum in modum exufflant , & signanter dum aquæ in ipsas incidunt , ebulliunt , talique immurmurant fragore , ac si præceps torrentis aqua ipsas inter excurreret : Rupem hanc ex tali , quem dat , fragore , vulgo *Caccabo* appellant ; ipsamque habes Figura II. N. 5. Huic loco pars Nemoris copulatur , quod *VICOLI* vulgo dicunt : ut in figura II. N. 6.

§. XVII. Ad colliculorum descriptorum radices , Lacus exurgit , quem Mephitim appellamus , cui adjacet modicæ extentionis planities , de qua inferius : Hunc circum Lacum , ab Oriente ad meridiem , tortuosus excurrit Torrentis , qui tempore æstivo raras , in quibusdam suis loculis , continens aquas , in reliquo exiccatur omnino . Alveus ejus abundat saxis , qui modo in una , modo in alia Torrentis parte consistunt , pro ut aquarum supervenientium impetu hinc vel inde agitantur .

§. XVIII. Ad dexteram partem hujus Torrentis , & in ejus Margine immediate , alter elevatur colliculus , obliquus respiciens latus orientale Lacus : sulphure , & bitumine , præ cæteris abundat , ac proinde illius Terra coloris nigerrimi apparet , quæ & ipsa jugiter evaporat : ad ejus radices , in fundo Torrentis , jacet Vorago obliqua interfecans alveum Torrentis , longa palm. XII , lata palm. VII. cum dimidio , & profunda palm. IX , quæ sic disposita , alvei Torrentis & pars ipsa est : In ejus fundo , tribus præsertim in loculis quamplurima admirantur simul concreta foramina , quæ sibilos continuos edunt , & aquæ in iis strepent , velut dum infunduntur in oleum ferventem ad ignem : ex quo loci accolæ Voraginem istam vulgo appellant . *Le Freffole* : Hic aquæ nunquam in totum exiccantur ; at tempore æstivo , cum in partem deficient , lente per Torrentem fluentes , nigro

gro bituminis velo obteguntur, pestiferosque emittunt fetores, animantibus infestos, ad necem usque; sicque immutatæ, per non leve alvei Torrentis tractum, partim ducuntur, & partim stagnantes, velo pallidorubro coope-riuntur: Uno verbo dicam: Locorum istorum facies, velut Myfia, aut Melonia; de qua Strabo; *Cinerulenta est, Montana, Petrosa, & Nigra, tamquam ex adustio-
ne quadam* (1).

§. XIX. Torrentis hujus alveus, a voragine jam di-cta incipiendo, usque ad centum passus, & ultra, juges, æsque exalat Mephites, sive suffocantes evaporationes, & signanter in loco parum distito a Voragine ista, ubi fluens sub rupe imminente, tortum vorticem afformat: ibi volatiles, aut quatrupes si confidant, cito mori-untur: nec hominibus parcat, ut mox dicemus: ex quo Locus iste vulgo appellatur *Vado Mortale*: & de quo Poëta cecinit

..... *Medioque fragosus
Dat sonitum saxis, & torto Vortice Torrens:
Hic Specus orrendum, & sævi spiracula Ditis
Monstrantur, ruptoque ingens Acheronte Vorago
Pestiferas aperit Fauces* (2)

Et idem ipse Locus est a Plinio designatus: *Ad Mephitis Ædem; Locum, quem qui intravere moriuntur* (3); quæ verba Cluerius perpendens, ridet Plinium: *Ridiculum hoc sane*, ait; *quis enim reperiatur, nisi mente tota captus homo, qui aquas intrare velit, quæ aterrimo colore, odore-
que teterrimo in medio Lacus* *ebulliunt* (4). Clue-rium vero perperam risisse Plinium, ait Leonardus de Ca-pua; asserens, vere potuisse aliquem in *Lacum* introire;

B

ibi

(1) *Strab. Lib. 13.*

(2) *Virgil. Æneid. Lib. 7. Vers. 570.*

(3) *Plin. Lib. 2. Cap. 93.*

(4) *Cluer. Ital. Antiq. Lib. 4.*

ibi vel condemnatum, aut casu, sive vi appulsum (1): At Viri Clarissimi ita scripserunt, uterque legentes in Textu Pliniano *Lacum*; sed Plinius ibi scripsit *Locum*, prout recte legunt Joannes Camers, & Gelenius (2); nempe Vorticofum, & Letalem Locum istum designans, ut notavimus: alioquin vere esset Plinius ridendus, & mente deberet carere, qui ultro vellet Lacum Mephiticum penetrare, cum ad nullos humanos usus pateat.

§. XX. In Locis istis igitur diutius immorari, nec hominibus tutum est, & tunc temporis præcipue, dum venti minime spirant: Crassi enim, ac vitibiles un-
ut diximus, assurgunt vapores, Mephiti Vesuvianæ hauri-
dissimiles, qui paulatim animalis imminuunt vires; cru-
rium juncturas musculares offendunt; sensibili amarore
oculos feriunt, respirationem impediunt, anhelitus pro-
movent, ac veluti celeri ex itinere defaticatos, anxantes
faciunt; vertigines inducunt, & suffocatos, si diu absque
auxilio in loco manserint, occidunt. Eosdem effectus ope-
ratur Crypta illa, vulgo dicta Canis, sive Mephitis pro-
pe Puteulos, juxta Lacum Anianum, quæ crassiores, &
ad labellas dispositos emittit vapores; qui licet infestio-
res nostris deberent esse, utpote in concavo antro exha-
lantes; attamen isti vere sunt noxiores, & lætales, etsi
sub Jove frigido, & aperto ducantur: Sat enim est ex
Crypta illa extractum canem evaporationibus illius affe-
ctum, cælo meliori linire, ut statim resipiscat, & bene
se habeat; quod in Locis istis secus est; oppressus enim
si cito non sublevetur, sero adjutus, etsi reviviscere vi-
deatur, non multos post dies, sive etiam horas, vere
moritur, quod experientia duce, compertum est, ut mox
dicemus.

§. XXI. Quod si ventus spiret aliquis; tunc loca ista
tute explorari utique possunt: Ego enim per dies, &
men-

(1) Leonard. de Cap. Tract. de Mefit. Lect. 1.

(2) Camers, & Gelen. super Plin. Lib. 2. Cap. 93.

menes integros ibi non semel sum immoratus, seduloque & minimas Locorum partes *contemplavi*, nec mihi unquam aliquid accidit triste; exceptis quorundam dierum horis, dum ibi accedens, tempore sat tranquillo, & quieto, cruribus tanquam si deficerem videbar: tunc confestim ab ulterioribus observationibus abstinens, in loca sublimiora aufugiebam: Cæterum, Reip. Literariæ benemerentissimus D. Dominicus Cirillo, non multis abhinc annis, Lacum mephiticum vidit; meque duce Placidus Imperiale, S. Angeli Princeps Excellentissimus; Abbas Fortis, Philosophorum ornamentum; Eques Clarke, Anglicanus eruditissimus, & Lacum eundem inviserunt. Quin imo, relictis viris aliis Clarissimis; die quarta mensis Septembris, proximi elapsi Anni 1782., mecum etiam D. Marianna Pacca, Cariffi, Roccæq. Marchionissa, atque inter Beneventi Optimatum Matronas, venustate, & sapientia Excellentissima, nec satis robusta, sed gracilis potius, ac nimis delicata, absque ullo nocumento, Mephitim vidimus, ac partes illius fingillatim perlustravimus.

§. XXII. Quadrupedibus signanter Loca ista sunt infestiora, utpote qui carpentes deambulando, os terræ appropriant, citoque halitus evapurantes hauriunt, qui respirationi ob eorum jugem crassitudinem omnino sunt inepti: Enecat quoque volatiles, ut diximus, & in siccitatibus præcipue diuturnis, dum ibi ad aquas convolant, & tempore hiemali, dum nives cadunt, quæ ibi semper deficiunt: si enim trium, plus, minusve spatio minutarum in loco confidant, & signanter in Loco illo Torrentis Vorticoso, quem diximus vulgo appellari *Vado mortale*, procul dubio moriuntur: Et quod in Canibus non semel experti sumus; dum in Loca ista incidunt, tanquam in sole caniculari anhelant; starnutant; salivam spumofam evoment; contorquentur; ejulatus emittunt; ac demum lingua demissa, in terram cadunt, ac veluti laqueo suffocati deficiunt: quod si diutius in lo-

co, ubi ceciderunt, relinquuntur, spatio scilicet decem minutarum, vere suffocati intereunt: Carnes ipsorum albescent, corpus tumet, & velut utris inflatur, pilosque faciliter, tamquam absorpto veneno, deponit: Quod vero inter volandum extincti ibi volucres cadant, ut ait Seneca (1); in locis istis non subsistit: halitus mephitici volucres necant certe, quod & Vibius Sequester animadvertit (2); sed necesse est, ut in Loco confidant, ad hoc ut deficiant, nec moriuntur statim, ut diximus; veluti suffocati apparent extincti, quod si meliori cælo leniantur, resipiscunt, prout repetitis experimentis, comprobavimus.

§. XXIII. Caponem applicui uni ex illis Rimis, spirantibus in Colliculo altiori, qui Lacui ad orientem supereminet: ad fugam ipse contendebat: at detentus, spatio unius minutæ cum dimidio, flebiles garritus mittens, ac se contorquens, aperta bucca, rimam versus defecit: Tunc per me cito aëri aperto expositus, ad femi minutæ spatium revixit: Alterum Caponem in medietate Colliculi ejusdem, ubi & aliæ sunt rimæ spirantes, detinui, qui spatio minutæ unius, & semis, iisdem editis garritu, & motibus, vere suffocatus interiit, faucesque ejus tumescentes factæ sunt, nec cælo meliori expositus revixit: Alterum Caponem prope Lacus marginem admovi, qui unius minutæ intervallo interiit: Altius hic a terra retentus, vivebat: at reliqui, quorum unum voragini applicui, quam diximus vulgo appellari. *Le Freffole*, & alterum tortuoso Torrentis tractui, vulgo dicto *Vado Mortale*, confestim perierunt.

§. XXIV. Non injucundum spectaculum nuper fuit vulpecula, prope Lacum, a quodam villico reperta, quam ipse extinctam crediderat: Homo iste, nomine Nicolaus Muscillo, alias *Frecchione*, assiduus per Loca ista discurret,

(1) Seneca Natural. Quest. Lib. 6. Cap. 28.

(2) Vib. sequest. de Lac.

rit, animalia ibi quærens interempta, vel post alluviones, inter maceries illas, antiquitatis reliquias, quarum non paucas, ejus opera adeptus sum Ego, & quarum de nonnullis aliqua inferius dicemus: Credidit itaque Vir bonus mortuam vulpeculam, quam invenerat: ipsam suo pallio involutam, non longe a Lacu, sed in loco eminenti reliquit, ut sic expeditior reliquum Locorum ambitum, ad prædas inquirendas posset perlustrare: At aliquantulum ad opus immoratus, dum revertitur, dolens redvivam vidit vulpeculam aufugere, secumque retrahentem pallium, a quo non dum erat in totum extricata, quod postea inter rudera reliquit: & sic homo ille, licet præda viduus, pallio tamen potitus, & ipse risit, & alii ibi circumstantes.

§. XXV. Plerosque viros in locis istis periisse, in Libris Archipresbyteralibus hujus Terræ memoriæ commendatum inveni: quorum hic mentionem facere non abs re censui: Sic in Anno 1623. duo Equites juxta Lacum Mephiticum cum suis equis fuerunt reperti extincti: In Anno 1705. die 11. Mensis Septembris, Joseph quidam Albentius, Terræ Laviani, de Lucania, ibi periit: In Anno 1730. eundem fatum expertus fuit Blasius Forgione, concivis meus; & in Anno 1737. Antonius de Gianni, quem pene extinctum e Torrente extulere; non multos post dies, & ipse interiit: Ambo hi cum essent Pastores, oves inter pascendum, in Torrentem lapsas, ad humeros appositas, semivivas extrahebant, ex quo diu in loco immorati, & ipsi suffocati ceciderunt; primus, cui non fuit adjutor, in loco vere periit: alter sero e Torrente extractus, licet respirationem recuperaverit, undecim tamen post dies, & ipse interiit.

§. XXVI. At quod dolendum: dum hæc scribebam; die 27. Mensis Aprilis, Anni 1781., Tres adolescentes in vorticofam illam Torrentis partem inciderunt, quam vulgo diximus nuncupari *Vado Mortale*; Donatus scilicet de Leo,

Leo, Civitatis Frequenti; Josephus Cozza, & Johannes de Apolito, concives mei: diu in Loco absque auxilio semivivi jacuere: Johannes, quem primum e Torrente extulerunt, duodecim supravixit dies; tandem cum mira respirationis difficultate, collo sinistrorsum obtorto, buccaeque aperta, convulsus expiravit: Joseph extractus sero; revixit quidem; at post horas decem, & ipse pari modo convulsus interiit: Frequentinus vero in Loco, ubi inciderat, miserrime periit. Istius cadaver ledulo contemplatus, facto expertus sum, vera Scriptores de extinctis in locis hujusmodi nunciaffe: Carnes enim illius albæ videbantur; spuma sanguine intermixta exhibat ex ejus ore; lingua demissa; faucesque tumescentes; quod jampridem Seneca adnotaverat (1).

§. XXVII. Animalium igitur in Locis istis demortuorum, quasi per vim elisæ fauces tument; spumas sanguineas evoment, carnes mirum in modum albescent, & hoc ex eo, quia illorum sanguis in dextra cordis auricula, signanter congeritur coagulatus; quod in volatilibus continuo experti sumus, & cum Abbate Fortis, Viro Clarissimo, in Loco observavimus; accipitre intersecto, ac passere, ibi extinctis per nos repertis, sub die prima Septembris Anno 1780.; cum ad Lacum Mesiticum invisendum Ipsum hospitem nostrum, & commensalem læti lubentesque habuimus. Jam ex dictis apparet, ex impedita respiratione, aer prius inspiratus in statum fixum redactus, observante Hales in Hæmastatica, efficit ut corpus intumescat, & ex violenta dilatatione, machinæ organa infranguntur, ideoque cum spuma, sanguis immixtus evomitur: Idem evenit animantibus in Machina Pneumatica, ob aëris deficientiam: at in Locis istis iidem operantur effectus, ob aërem, non obduſtum, sed condensatum, & abundantem multiplici particularum mineralium genere, quarum animal, inspirando, multipli-

ces

(1) Senec. Natural. Quæst. L. VI. Cap. 28.

ces partes absorbet, & signanter acidum vitriolicum, aluminosum, sulphureumque, cum bitumine, quæ suapte natura, non respirationem tantum, sed & insensibilem perspirationem impediunt, obducendo in animantis corpore interius, exteriusque repagulum, sive crassum velum, quod augetur, dum diu animal in Loco immoratur: ideoque tamquam ex celere itinere defatigatum anhelat, ut diximus; convellitur; dextra ejus cordis auricula obstringitur, nec ab ipsa excipitur sanguis reductus a ramis venæ cavæ, propterea ibi coagulatus congeritur, nec diffunditur in ventriculum dextrum cordis, & ab ipso in arteriam pulmonarem, & in pulmones; nec in auriculam, & ventriculum cordis sinistrum; sicque perturbata circulatione, pulmones constricti, arteriam pulmonarem, & ejus ramos comprimunt, ex quo, vehementiore motu urgente, Arteria Aorta, deferendo susceptum sanguinem in ramos venæ cavæ, ab his augetur affluxus, & congestio sanguinis in auriculam cordis dextram, ideoque vasa sanguinea infranguntur; tunc ex aëre condensato, & etiam ex pressione inter pulmones restrictos, & claviculas, venæ jugulares, faucesque quasi per vim elisæ intumescunt, ac proinde ita oppressi morbo letali, ac prorsus insaniabili afficiuntur (1).

§. XXVII. Nec præteriri debet, quod Metallis evenit in Locis istis: Argentum; etsi pannis involutum, sive in crumena; inter transeundum, ibi nigrescit, quod & in reliquis metallis observatur quoque, excepto auro puro, cujus nulla fit immutatio, & ex quo recte deducitur, sales marinos in loco desiderari, notissima ad aurum resolvendum menstrua (2); dixique puro, nam si alio immixtum sit metallo, rami scilicet, hæc cito pallide rubet: Hoc idem in Sulphataria Puteulorum accidit, sed necesse ibi est, ut argentum rimis illic spirantibus admo-

vea-

(1) *Vid. Turr. in Anatom. §. 414.*

(2) *Job. Maria de Turre Sect. 9. Oper. Chymic. Cap. 1. §. 1060.*

veatur, ad hoc ut palleſcat : quod hic ſecus eſt; acida enim mineralia, quæ abundant, utpote quæ in Locis valloſis operantur, craſſa & in majori copia diffunduntur, ita ut conſeſtim metalla iis obteſta nigreſcant, ſive etiam lapides, qui corroſi in arenam abeunt, ut inferius dicemus.

§. XXVIII. Duobus antidotis, mephitica Labe oppreſſis, Locorum Accolæ occurrunt; ſi quem enim ibi delapſum, atque affectum invenerint; cito in aërem apertum reductum, ipſum arbori ſuspendunt pedibus, capite deorſum revoluto; ſicq. affectus ſpumas evomet, & ſi mortuus non fuerit, recuperata reſpiratione reſipiſcit, quod non ſolum in brutis continuo obſervavimus: ſed, & in hominibus etiam. Non multis abhinc retroactis annis, Puella quædam ſemiviva in Loco reperta fuit, ipſam arbori ſuſpenderunt, capite, ut dixi deorſum revolutam; tunc poſt procuratam per evomitionem, reſpirationem, oleum olivarum frequenter bibendum, me edicente ei dederunt; qua ex potione, partibus craſſis bituminis, inſpirando jam abſorptis, cum ſulphure, & acidis aliis mineralibus, quæ in Loco abundant, ſolutis, bene ſe habuit Puella, & ad præſens jam mulier bene valet: ipſamque mecum adlocutus fuit Eques Clarke Anglicanus ſub die 28. menſis Novembris, hujus anni, dum hoſpes meus nobiliſſimus ad mephiticum lacum inviſendum acceſſimus. Methodo eadem, ut ſubvenirent nuper in loco oppreſſis, quos §. 26. retuli, Medicis ſuadebam: At iſti ſanguinis emiſſione, & aceto propinato illis ſubveniri poſſe crediderunt, ſed perperam; Joſeph enim Cozza, ut dixi, decem poſt horas interiit; Tunc Johanni adhuc ſuperſtiti appoſuerunt ſtimulos ad pectus, & brachia; ut evomitionem provocarent, radicem Ipecuacanam ei dederunt, adhibitis poſtmodum purgantibus: at undecimum poſt diem difficultas reſpirationis ingraveſcere in eo viſa eſt: tunc Ego accitus, ut SS. Viaticum cum Extrema Unctione infirmo mini-

nistrarem: His rite peractis; anxantem adolescentem misertus, convenientibus Medicis proposui, ut balneis, vel saltem pedum ablutionibus infirmo præsto essent, nec non & oleum olivarum, quatenus ipsis videretur, ebibendum ei darent: Pediluviiis, approbantibus Medicis, adhibitis, infirmus convalescere videbatur, quippe qui, cum antea sedendo tantum super lectulo, ac curvatus in faciem, respirationem ducebat pauperrimam, ibi postea cubatus, somno vacare, veluti sanus, videbatur: At Medici olei ebibitionem improbantibus continuo, ut febris, qua infirmus tenebatur, quoque occurrerent, corticem peruvianam ipsi propinarunt, qua hausta, veluti absorpto veneno, paucas post horas, convulsus, ut dixi, expiravit: nonnullis contendentibus, radicem ipecuacanam mortis istius concaussam fuisse, utpote quæ violentam promovens in patiente evomitionem, vasa sanguinea, mephitica labe dilatata, motu violento percrecente, dirupit: quod cæteroquin Medici peritiores dijudicent.

§. XXIX. Sed priusquam ad alia gradum faciamus, hic adnotandum censui quod nuper in Lacu vidimus factum: Jam supra §. 9. diximus, duobus in alveis Lacum contineri, qui aquis percrecentibus æque adimplentur, unumque continuum efformant Lacum. Alveus orientalis, qui exiccatus cernebatur aquis, quibus abundabat alveus occidentalis, sub die 19. Mensis Septembris, Anni 1780., velut si tumesceret, aliquantulum relevari visus est, terramque illam cretaceam in aerem eructare cum fragore non modico, veluti aquæ in concava cisterna detentæ, dum saxo immisso, ab alto percutiuntur: Ex hac continua cretacea eructatione, alveus iste in voraginem versus est: Qua jugi in actione alveum vidimus, usque ad diem vigesimam, & secundam Mensis Octobris, Anni ejusdem, antequam supervenirent illæ prægrandes, & parum intermissæ pluvix per quatragesima dies, & ultra, quæ brutis non minus, sed & hominibus in ipsa etiam Civi-

tate Neapoli, ad necem usque infestæ fuerunt; ex quibus Lacus repletus, velut in uno alveo si consisteret, in suam pristinam formam redactus est. Istius novæ voraginis forma circularis erat, lata hinc inde palmis viginti, profunda vero palmis sexdecim, prout exacta dimentione, antequam plueret, experti fuimus.

§. XXX. Autumabam, aliquam in loco igneam tunc explosionem imminere, ob aquas, ut dixi, imminutas in Alveo isto orientali, cui immediate supereminet altior ille Colliculus, sive supercilium, sulphure, & bitumine, præ cæteris abundans, non sine partibus ferreis, quæ juxta vulgatam observationem de Lemerî, inter se concreta, & subtus terra confossa, post fermentationem, suapte natura accenduntur: Porro præminentiam illam sedulo contemplabam *fumare calentem*, ut Ciceronis verbis utar (1), quod evidentissimum inditium est ignis in ejus visceribus, sive etiam radicibus ardentis, qui si non eructetur, id aquistribuendum est, a quibus partim extinguitur, & partim earum gravitate comprimitur; Cæterum aliquando in supercilio isto, flammæ ignitæ discurrere visæ sunt, non vero in Lacu, ut Leonardus de Capua scripsit (2) a Pratillo sequutus (3).

§. XXXI. Porro non secus ac Anaximander Milesius, & Pherecides a turbolentis putei aquis, teste Plinio (4), imminentem terræ motum conjectarunt, pertimescebam ego, grave ne rediret locorum nostrorum, sive adjacentium funestum, ex motibus terræ imminentibus, excidium, prout evenit sub die 29. Mensis Novembris Anno 1732. Tunc enim temporis Lacus Mephiticus fere in totum aquis exiccatus fuit visus: prout seniores concives mei testantur: Ingentes, inter colliculos illos, & in Lacus visceribus

(1) Cic. de Nat. Deor. L. 2. Cap. 9.

(2) Leonard. de Cap. Lect. 1. de Mefit.

(3) Pratill. Via App. Lib. 4. Cap. 4.

(4) Plin. Hist. Natur. L. 2 Cap. 81.

bus audiebantur clancores, velut buccinarum strepentium, cum timpanis, fragoresque immodici, velut ex tonitribus, ita sensibiles, ut ad viginti milliaria, & ultra in girum audirentur: Terræ de hinc motus subsequutus, quot Urbes, & Oppida solo æquaverit, quot animantes oppresserit, recens adhuc, & infausta memoria est: Civitates enim quamplurimæ, oppidaque inter Tirrenum, & Adriaticum mare vel labefactata, vel prorsus deleta, hominum autem capita decemmillia, & amplius interempta (1): Sola Patria mea a communi excidio tutata, numine certe, & auspiciis Mariæ semper Virginis, quæ sub Titulo de Constantinopoli, peculiari religione ibi veneratur, sicut & a Peste olim defensam, quæ undique per Regnum crassabatur, in Anno 1625., Templum in Ejus honorem a fundamentis erectum luculentissime testatur, majoresque nostri, & Templi dedicationem, & causam nobilissimam, in publicis codicibus transcriptam memoriæ consignarunt; quæ ne unquam depereat, in ipsius aditu Templi Laudabile Titulum inscribendum curavimus: OB. CIVES. A. PESTE. SERVATOS.

§. XXXII. Sed ut in viam redeamus: post Terræ jam dictum motum, antequam aquæ Lacus in pristinum alveum restituerentur; ex alveo eodem tales, & tam vehementes flatus exorti, spumas lapideas, cretaceas, lapidesque prægrandes, pondo librarum triginta, plus minus, in aërem eructarunt, & in girum, ad distantiam centum & ultra passuum, continuo immurmurantes, atque inusitatos emittentes fragores: Et tunc remporis in Lacus superciliis, ignitæ flammæ non raro discurrere visæ fuerunt, ut supra monuimus.

§. XXXIII. Cæterum nec mea me fefellit opinatio: nam sub die duodecima Mensis Januarii, ejusdem Anni 1781., motu violento in Locis istis, & per Loca finitima, Terra concussa est: licet Deo Optimo Maximo, &

(1) *Vid. Magnat. de Terræmot.*

Matre ejus Magna Maria faventibus, nullibi detrimentum, nec minimum, cuique attulerit: Et anno insequenti 1782. per loca diversa Terra tremuit, & Urbs Beneventum signanter sub die 11. Januarii per duas vices concussa, imminentem civibus suis subversionem portendebat: At ob Ipsam servatam, Eminentissimus Cardinalis Banditi Archiepiscopus, omni vere laude dignissimus, Omnipotenti Deo supplicationes indixit: Ipseque, & frequens Beneventanus Populus peregerunt. Et quod dolendum, dum hæc in lucem prodibant, sub die 5. Februarii hujus Anni, Messana, Regium, & Numero tercentum inter Civitates, & Oppida in Calabria Ultra, Terræ motibus concussa, cum ingenti populo deleta.

§. XXXIV. Aquis igitur pluviis superventis, Lacus unus & continuus in suis duobus, ut diximus, alveis, effectus est: At notandum, quod in alveo orientali, sive in nova, quam modo diximus voragine, aquæ abundant, & vi majori ebulliant, quam in cæteris locis ebullientibus in Lacu, quod recens quidem, & novum omnino est: idque ideo evenire censerem, vel quia antea actis explosionibus, meatus recipientes creta extricati, liberam actionem fortiti sunt; vel quia vorago isthæc, cum propior accedat supercilio, quod diximus igne abundare, motu vehementiore aquæ in ipsa detentæ, urgente igne, agitantur.

§. XXXV. Altitudo aquarum Lacum componentium, exceptis iis quæ continentur in nova, quam modo diximus voragine, quinque palmorum est: at in margine ipsius quinque, aut sex digitorum, non autem palmorum quinquaginta, & ultra, ut scripsit Leonardus de Capua (1), & Pratillus (2); nisi suspicari velimus, immutatam Lacus formam, ex non rara cretarum concessione, quas ibi aquæ pluviae, & ex eodem Lacus fundo scatentes aliæ ducunt.

§. XXXVI. In parva illa planitie, quam diximus Lacui

(1) *Leonard. de Cap. Lect. 1. de Mes.*

(2) *Pratill. Via App. L. 4. C. 4.*

cui adiacere, velut ibi enatæ tot lapidum maceries contemplantur disjectæ: antiquorum ædificiorum ruinæ certe sunt; sepulcrorum videlicet, prout ego sum arbitratus: loca ista Majores nostri portas inferi crediderunt; ideoque ut sancta, & relligiosa coluere: quod ex Claudiano, ex Plinio, ex Silio Italico, supra relatis evinci fas est: *Ædes Sacras* memoratur Plinius: *ad Mephitis ædes; Averni limen*, Lacum nostrum dicit Claudianus; & Silius Italicus *locus ait a quo iter panditur Acherontis ad undas* (1), ideoque Virgilius ibi cecinit *conditam Erymnim*, ex Furiis Infernalibus unam, *quæ cælum terramq. levabat* (2); ut igitur Majores nostri propitios sibi redderent Deos Infernales, & sacra ipsis faciebant, & in Locis istis contumulari consueverunt, ut inferius dicemus, quod cæteroquin conjici quoque potest ex nummis, qui non raro inter maceries illas inveniuntur, quatrantes scilicet, quosque Greci dicebant *Δάρακς* (3), solvendi Inferorum portitori Chæronti, ibi cum mortuis contumulati: Nummi isti ænei sunt, & prorsus deleti: duo tantummodo in meo Museulo asservantur; ex ratitis unus, cum solito Jani bicipitis tipo, ac navis parte dimidia, qui Romanus certe est; alter cum capite galeato, & cristato in parte antica, in altera, gallo, cum inscriptione *Caleno*; nummi quidem obvii; id tantummodo in ipsis mirandum, quod in terram redacti vere observantur; acida enim aluminosa, sulphurea, & vitrioli, quæ in loco abundant, ut diximus, notissima metallorum menstrua, sic eos imminuerunt; sicut & reliqui lapides, sive calcarii, sive etiam vitrescentes, ex iisdem acidis in scorias ruvidas, sive arenosas redacti conspiciuntur.

§. XXXVII. In Superciliis Lacui supereminentibus, nonnulli circumcincter exurgunt lapides & ipsi collisi pariter,

(1) Vide supra pag. 1. & 2.

(2) Virg. *Æneid.* L. 7. Vers. 576.

(3) Nieupoort. *Secl.* 6. Cap. §. 1.

riter, ac pene in ruvidas scorias redacti, super quibus tot aggregata adhærent conchiliarum, & maritimorum insectorum spolia: ex quo haud perperam judicatur, aquas maris per loca ista fluxisse aliquando, quæ postea in Oceanum redeuntes, spolia illa insectorum ibi disjecta reliquerunt: Quod certe in diluvio universali factum necessario dicendum est:

*Omne cum Proteus pecus egit altos visere montes,
Piscium & summa genus hæsit ulmo,
Nota quæ sedes fuerat columbis,
Et superjecto pavidæ natarunt æquore damæ (1).*

Et licet sciam, aliquas factas ex æquore terras, ut Ovidius cantabat; quod cæteris relictis, sinus Neapolitanus, Bajas, Puteoli aperte testantur, ubi loca quædam, quæ prius aquis Maris abluebantur, modo sive Urbis, sive agrorum partem constituunt; attamen cum aggregata ista conchiliarum, ubique terram inveniantur, eodem Ovidio edicente, &

Procul a ponto conghæ jacuere marinæ,

Et vetus inventa est in montibus angora summis (2), idcirco dicendum est, aquas Maris aliquando ubique terrarum excurrisse: Nullus quippe est in toto Terrarum orbe situs, ubi in effodiendo, aggregata conchiliarum non inveniuntur; & ut cæteros prætermittam relatos a Viris Clarissimis, in reliquis Mundi partibus (3); quod ad Loca nobis contermina spectat, congeries isthæc conchiliarum abundant in vicino Teritorio Castri, & S. Nicolai La Baronia, & Ostrearum signanter, nec non & in Trivici Villa, ubi Horatius *lacrimoso non sine fumo*, in suo ab Urbe ad Brundisium itinere, fuit receptus (4), distantium a Lacu nostro M. P., ad Nort est, decem plus minus: In Terito-

(1) Horat. Odar. Lib. 1. Od. 2.

(2) Ovid. Metamorph. Lib. 15. Vers. 164.

(3) Vid. Turr. Observat. Circa Terr. Tract. 2. Sect. unic. Cap. 6.

(4) Horat. Sermon. Lib. 1. Satyr. 5. Vers. 80.

itorio S. Angeli Lombardorum, distantis a Lacu, adfud
 sud est, M. P. quatuor: in Territorio Beneventano: in
 Territorio Asculano Appulo continuo excavantur quoque,
 nec dissitæ inter se tantum, sed conglomeratæ simul, &
 quædam in lapides immutatæ: nec istiusmodi aggregata
 desiderantur in Territorio Melphitano; & in tota Lucania.

§. XXXVIII. Cum igitur in omnibus Mundi parti-
 bus, & signanter ubi sunt Vulcani, sive extincti, sive
 adhuc ignivomi, ab aquis diluvii, ibi deducta, conghi-
 liarum maritimarum spolia inveniantur; hic meam inse-
 rere opinionem duxi, quo pacto aquæ diluvianæ a ter-
 ræ superficie recefferint. Communiter existimatur, aquas
 diluvii a Ventis agitata in Oceanum restitutas; Quibus
 adderem, & vi potissimum ignis a Vulcanis ubique Ter-
 rarum spirantibus: Nec aliud sibi volunt Genesis verba
 illa: *Et adduxit, Deus, spiritum super Terram* (1), nem-
 pe ignem spirantem ex visceribus Vulcanorum, cujus vi
 aquarum superjectarum alias depreffit, rejecit in Oceanum
 alias, & alias effervescendo per celeriore evaporationem
 dissipavit: Scio ego non paucos edixisse, per verba relata
 Genesis pro *Spiritu* intelligi voluisse *Ventum Spiran-*
tem (2), quibus non assentior: Solus enim ventus suapte
 natura aquas agitare, conturbare, agere quidem potest,
 non autem imminuere: *jam enim hoc pacto etiam rapacis-*
fimi sinus essent exausti; ut bene Theodoretus animadver-
 tit (3); & cum venti continuo spirent, omnis Terra ne-
 cessario deberet aliquando, absorptis aquis omnibus, ari-
 da apparere, ut Celsus, & Linnæus, alique, adjectis aliis
 rationibus contendunt (4): quosque, & Linnæum signan-
 ter, refellit Brovvallius (5), & immortalis memoriæ Vir
 Clar.

(1) *Genes. Cap. VIII.*

(2) *Vide Alcuinum super Genes. Cap. 8.*

(3) *Theodoret. In Genes. Cap. eod.*

(4) *Cels. & Linn. in Orat. de incremento Telluris.*

(5) *Brovvall. in Explorat. deminution. Aquæ.*

Clar. P. Joh. de Turre (1): Et si mea hæc me non fallit opinatio, etiam de igne, in Genesi Cap. 1. locutum suspicarem verbis illis: *Et Spiritus Domini ferebatur super aquas*: Quidquid Theodoretus, D. Augustinus, Liranius, alique Expositores exprefferint (2). Existimarem igitur, initio Mundi Deum Optimum Maximum Vulcanos creasse, ut Terram, & aquas foverent igne: aquæ autem cum undique essent super Terram disjectæ, minori gravitate Vulcanos premebant, ac proinde in majori, & tali erant actione, ut continuo & aquas, & Terram agitantes, evaporationes promovebant, five juges illas tenebras, quæ erant super faciem abyssi (3): Et hoc ex eodem Sacro Textu conjicere auderem: habet enim in Hæbreo מֶרַחֶפֶת: *Merahephet*, latine redditum a Divo Hieronimo, *fovebat more volucris calore animanti*: & ex Lib. Iob. Cap. 38., ibi, : *Quis conclusit ostiis mare, quando erumpebat quasi de vulva procedens: cum ponerem nubem vestimentum ejus, & caligine illud quasi pannis infantia obvolverem*; Quæ verba a Niceta sic habentur, τὸ ἐμάμασεν αὐτὶ οἷσα ὀμπτηνῶς, five furiis quibusdam impellebatur; & ex Chrysostomo ὅτε ἐμαύστο h. e., quando obstetricabatur: Quibus sic positis dicam: Si aquæ velut ova calore fovebantur; a quo nam calor iste, nisi ab igne excitatus? Si nubes ab iisdem aquis exurgentes vestimentum erant aquarum; Caligo, qua obolvebantur, ab igne certe impellebatur, tamquam a Furiis, ut Niceta loquitur; nec Terra aquis extricari melius, ac celerius poterat, quam ab ignis urentis vi, prout post Universale diluvium factum opinando diximus.

§. XXXIX. Accedit ad hæc, quod per verbum *Spiritus*, apud Græcos, & apud Latinos Scriptores non ra-

ro

(1) Job. M. Turr. Tract. 4. Sect. 2. Cap. 1. N. 56. & seqq.

(2) Super Genesi Loco Citato.

(3) Genes. Cap. 1.

ro Ignis designatur : Sic apud Homerum (1)

Πνοῖν τετρομενοὶ πολυμήτιος Ἡφαίστιο,
Spiritu laborantes sapientis Vulcani.

Spiritum dixit Virgilius ignem alimentarem corpori-
 bus hærentem,

Spiritus intus alit

Ignis est illis vigor (2)

quod juxta Platonis sistema dixit, qui ignem Mundi Ma-
 chinæ inhærentem *Temperantiam ab Auctore Mundi fa-*
ctam nuncupavit, ducta similitudine a Temperantia ferri
 candentis, quam vulgo dicimus *Tempra*, nempe cum can-
 dentem aquæ frigidæ immittimus, ut ignis in ipso in-
 tercludatur : Sic pari modo ignem cum Terra immixtum
 ab Auctore Mundi *Temperantiam* dictum crederem a Pla-
 tone (3) ; quod cæteroquin disertis verbis Ovidius testa-
 tum reliquit : Postquam enim descripserat Materiæ confu-
 sionem in prima Mundi creatione

. *Quia corpore in uno*

Frigida pugnabant calidis, humentia siccis, & alibi

. *Mixta cum frigore flamma* ; tum demum
 ignis alimentaris cum corporibus unionem describens
Temperiem dixit :

Quippe ubi Temperiem sumpsere humorque caloque (4).

Porro ubique Terrarum, si diligenter Montes, sive
 etiam Campi examinentur, antiquarum exustionum vesti-
 gia occurrunt undique, vel & in ipso Oceano, ut jam
 notavimus : Satis quippe esset super re ista consulere Ex-
 cellentissimum, & eruditissimum Equitem Johannem Stran-
 ce super Montibus columnaribus scribentem ad Cl. Vi-
 rum Equitemque Pringle, vel omni laude Virum eximum
 Equitem Hamilton de Vulcanis differentem ; sive mei de-

D

vin-

(1) *Homer. Iliad. φ V. 355.*

(2) *Virg. Æneid. Lib. VI. V. 725.*

(3) *Plat. In Timeo Cap. 14.*

(4) *Ovid. Metam. Lib. 1. Cap. 13.*

vinctissimum D. Dominicum Tata , qui de Monte Vulture eruditissimam edidit dissertationem , sive etiam Abbatem Cirum Minervina , Virum præclarissimum , ut super re ista nihil ultra esset exitandum ; at quod omnium sive rationum , sive conjectationum firmissimum est argumentum , ex eo evincitur , si sedulo Orbis Terrarum Vulcanos adhuc notos dinumeremus : Sic prætermisissis Vulcanis diu extinctis , quos refert vir immortalis memoriæ de Turre , quique singuli dinumerantur (1) ; notissimi sunt in Europa ardentes Vulcani , nempe Mons Etna in Sicilia ; Vesuvius in Campania ; Hæcla in Islandia ; Mons propè Apolloniam in Dalmatia ; & Insulæ Vulcaniæ , ad Boream Siciliæ . In Africa , Spelunca dicta Beni-guazeval , in Regno Fezzano ; Insula ignis , prope Caput Viride : & Picus de Teneriffa , seu Teida , in Insulis Canariis .

In Asia , Mons Albours , post Montem Taurum : Vulcanus Insulæ Ternate : Mons in una ex Insulis Mauritiis : Mons in Insula Soria : In Regione Japoniæ , & Insulis adjacentibus , & in Insulis Philippinis plures sunt ignivomi Montes : Mons non longe ab Urbe Panacura , in Insula Java : Mons Gounapi , in Insula Baude : Mons Balalvanus , in Insula Sumatra : Mons in nova Guinea , seu Terra Papous , ad ortum Molucarum , versus Terras australes ; & Montes , ad ripam Orientalem Fluminis Tenisege , in Tingenfibus , & prope Flumen Peñida , ultra Tingentes , qui ut referunt Moscovitæ , ignivomi sunt .

In America , in Montibus Peruanis , & Mexici plures ignivomi dinumerantur montes : Prope Urbem Procuipa , in Regno Pervano , Mons Sulphureus ardet : Mons in Valle Malahallo : Mons prope Carrapa : Montes Coto-paxi , & Pichinea : Mons in Provincia Nicavagua : Mons Popochampeche , & Mons Popocatepec , in Regione Me-

xica-

(1) *Turr. de Mont. Igniv. Sect. XI. §. 27.*

xicana: Montes Sulphurei in Insulis Guadalupa, Terce-
ra, aliisque Insulis Acoris: & innumeri fere alii montes
ignivomi, qui in jugo Montium Peruvianorum inveniun-
tur, dicti le Cordillere; Quos R. P. de Turre dinume-
ravit (1).

Cæterum si sedulo consideremus Phætontis fabellam
male currum solis regentis, Montes correptos flammis,
flumina, & Maria exaruisse. Tellurem querentem cum
Jove ex tot aduersionibus, de Orbis exitio; quod perbel-
le Ovidius prosequitur (2): Si Homerum describentem
Vulcanum evomentem innumeros ignes (3); Si Saturni
fabulam

. *Tenebrosa in tartara missi* (4),
sive in Italiam, tot Vulcanis refertam; dicendum est,
vere Historiam naturalem sub istis fabellis involutam
contineri de igne, qui ubique terrarum, etiam in Mari,
in Fontibus & Fluviis aliquando arsit, nempe ad aquas
super terram universam disjectas arcendas, compescendas,
deprimendasque. Et hic pro coronide addam, ab iisdem
Vulcanis in fine Mundi ignem erupturum, ad Terræ Ma-
chinam consumendam; quidquid nonnulli Astronomi quo-
rundam planetarum incurfione eventurum judicaverint:
Mundi quippe Machinam, Deo Optimo Maximo sic edi-
cente, quæ principium habuit, finem & in combustionem
habituram necesse est:

Esse quoque in fatis reminiscitur affore tempus

Quo mare, quo Tellus, correptaque Regio Cæli

Ardeat, & mundi moles operosa laboret (5).

§. XXXIX. Et a diverticulo ut in viam redeamus:
inter maceriem illas Lacui adjacentes, Ego inveni lapidem

D 2 co-

(1) *Tur. de Mont. Igniv. Sect. X. §. 23. ad 72.*

(2) *Ovid. Metam. Lib. 2.*

(3) *Hom. Iliad.*

(4) *Ovid. Met. Lib. 2. C. VI.*

(5) *Ovid. Metam. Lib. 2. Cap. 9.*

coloris fusci, graniti ad instar, cui conchilia inhæret, vere in lapidem versa, qui in meo Museo asservatur: Lapis quippe iste congestio cretacea, & arenosa est, in lapidem conversa: Cæterum in Lacus planitie adjacente, & circa ejus latera, exiles cilintricæ laminæ gypseæ reperiuntur, ipsæque cristallizatae, & pellucidæ inter scajolas certe numerandæ, quas Mattioli *Speculum Asini*, Plinius, *Lapides Speculares*, comunique vocabulo *Selenites* appellamus, quæ quidem per Loca adjacentia ad Lacus inter Septentrionem, & occidentem abundant, licet forma diversæ, & figura, veluti reliqui communes lapides, inæquales: pellucidæ sunt, & facile in exilissimas lamellas dividuntur, non secus ac talcus; varios colores suscipiunt, prout in prisme: cum aqua forti non fervescent, nec aqua naturali solvuntur, aut oleum ipsas absorbet: in igne confestim calcinantur, & mirum in modum dealbescunt.

§. XL. Præter selenites, gypsum naturale, sive *Marmor Fugax* Linnei abundat ad Lacus inter maridiem, & Septentrionem, ex quo Loca, ubi effoditur, vulgo dicitur *La Gessara*: varios colores dant gypsa, quæ in locis istis excavantur, album nempe, griseum, & viridem: alia aliis sunt duriora; effoditurque ibi gypsum micis Scajolæ intermixtum, quod reliquis mollius est: cum acidis aliquam fermentationem gypsum hoc producit, veluti si alabastri calx esset: at in calcem ad ignem radactum, cætera antecellit albedine, & cum acidis effervescebat.

§. XLI. Prope Lacum, & in planitie ei adjacente, excavatur quoque Terra cretacea coloris flavi, quæ ad ignem applicata fit rubra; hanc *Macra* appellant vulgo: Hæc creta abundat etiam in vicino Nemore Frequentino, quod diximus *Migliano* appellitari: Macra, quæ circa Lacum excavatur, partes nitri in se certe habet, igni enim admota, postquam incaluerit, velut pulvis pirius, cre-

crepitat, & in frustas abit: ipsa Pastores utuntur, ad proprias greges, certo signo obsignandas: At Ego licet ex rudi Figulo, urceolum efformandum curavi, & quod autumabam vere expertus sum, cretam istam Figulis potius esse utiliore; urceolus enim præfatus, etsi rudis, ob rubrum tamen quem exhibet colorem, elegans, & eximius est: Quod si Pistoribus possit inservire, vel si partes nativi cinabari creta isthæc habeat, id Medicis, sive Chemicis, quando his in locis, providior Natura eos excitabit, experiundum relinquimus.

§. XLII. Jam supra §. XV. notavimus, ex fontibus supereminentibus aquas in Lacum convenire, quorum ad tres ex mineralibus aquis jugiter scatent; & primus quidem ad Lacum occiduum latus ebullit, & proprie in Territorio Reverendi D. Xaverii Santoli, Æconomi mei amantissimi, licet aquæ ejus frigescant; parum habent bituminis, sed insecta enecant: in crustas abeunt, spumis cretaceis Vesuvianis simillimas, prout in loco admirantur: alter, & tertius ad Orientem Lacus excurrunt, & a quo distant passus centum: Horum aquæ sulphuræ sunt, & saporem dant non dissimilem ab aquis sulphureis scatentibus sub Monte *Echia* in Civitate, ideoque non secus ac illas salubres existimarem. In Locis circum circiter Lacum adjacentibus quamplurimæ concreciones sulphuræ, non sine bitumine contemplantur: ex quo loca ista ideo *Amsancta* dicta, *quasi undique Sancta*, Servius existimavit (1). Et re quidem vera, præter loca immediate Lacui contermina, ad latus occiduum Lacus, in medio viæ, quæ ducit ad vicinam Civitatem Jesualdi, in distantia unius milliarii, cum dimidio, eadem sulphuris, & bituminis strata admirantur, exiccata quidem tempore æstivo, at aquæ pluvie supervenientes ibi ebulliunt, licet violentas evaporationes non emittant, nec graves Mephites exalent: Simillima sulphuris, & bitumi-

nis

(1) Serv. in Virgil. *Æneid.* L. 7.

nis aggregata conspiciuntur versus vicinum Oppidum Villæ Maniæ, ibique aquæ bulliunt etiam; distantque a Lacu per duo milliaria ad sud est: Et de quibus inferius.

§ XLIII. Instituti demum ratio expostulat, ut Lacus formam, latitudinem; nec non & superciliorum ei impositorum altitudinem, quin imo, & exactas de loco ad locum distantias dinumeremus: Super quibus paucis me expediam. Lacus forma, ut diximus figuræ ovalis est; ejus circumferentia est palmorum Neapolitanorum centum quinquaginta: latitudo ab oriente, ad occidentem, palmorum sex, & sexaginta; latitudo a meridie, in septemtrionem, palmorum quatráginta trium: Altitudo aquarum est palmorum quinque in Lacus medio; in ejus margine, quinque, aut sex digitorum inversorum; excepta nova voragine, ubi aquæ abundant usque ad altitudinem palmorum sexdecim; ejusque circumferentia, est palmorum viginti; ut supra notavimus §. 29. Planities adjacens Lacui, longa est palmis 265.; lata in sua medietate inter torrentem, & canalem, quibus includitur, palmis centum octuaginta quatuor; in ejus margine, & ad Torrentis ripam, palmis biscentum: Altius supercilium incipiendo ab ejus vertice ad Lacus marginem, distat a Lacu eodem palmis bis centum triginta duobus; reliqui colliculi, palmis sexaginta tribus: excepta præminencia illa occidentali, quam diximus, vulgo appellitari *Caccabo*; quæ distat a Lacu palmis centum sexaginta octo; & Locus alter, quem diximus appellari *Fressole*, qui distat a Lacu palmis biscentum sexaginta quatuor; sicut & Locus Vorticofus, quem vulgo dicunt *Vado Mortale*, distat a Lacu palmis biscentum octuaginta septem, prout exacta adhibita dimentione, non semel, nec sine periculo, ipse & laudatus Æconomus, cum D. Johanne Baptista Santoli, Fratre meo germano, experti sumus.

LIBER II.

81

§. I.

EX modo enarratis, & ex iis, quæ sequuntur conjicere auderem, Lacus nostri craterem, maximam habere extensionem, vel cum Vesuvio, in Campania communicare, sive etiam cum Etna in Sicilia: Scio ab eruditis dubitatum, an Vesuvius communicet cum Sulphataria Puteulorum, quin imo & ab aliis omnino denegatum, etiam cum aquis termalibus. Ænarix, sive Iicæ Insulæ (1): At hæc mea opinatio cum eo usque non procedat, ut Vesuvium communicare dicam cum America, ejusque Urbe Lima, quod Baglivi asserere non dubitavit (2); super re ista Amici Lectores dijudicent, prout ipsis melius videbitur.

§. II. Jam diximus, nonnullos fontes circa Lacum aquis mineralibus scatere: concretiones sulphureas per loca adjacentia commemoravimus, ipsasque mephites exalantes, atque infecta enecantes, quæ quidem loca dubio procul cum Lacu communicant.

§. III. Præterea ad Septemtrionem Lacus, in Nemore Frequentino, vulgo dicto *Migliano*, quod a Lacu distat uno milliario plus, minusve; concretiones sulphureæ abundant, ubi plurimis in locis aquæ ebulliunt, etsi frigescant, ipsarumque exalationes infectis ad necem usque sunt infectæ; exiles talci partes ibi conspiciuntur, nec ferrum desideratur.

§. IV. Et ulterius progrediendo, septemtrionem versus, ad radices Montium *Trivici*, qui montes ex calculis litoralibus omnes sunt, quos inter spolia conghiliarum, & ostrearum inveniuntur, nec non & per strata, terra nigra, ex sulphure, & bitumine concreta, contemplatur
ambu-

(1) *Job. Maria de Turr. in Hist. Vesuv. Cap. 6. §. 148.*

(2) *Bagliv. Hist. Terram.*

ambusta; & proprie in Terra Castri, quam vulgo dicunt *Castello della Baronia*; quæ sub ditione D. Nicolai Mariæ Caracciolo, Regis nostri admissionis intimæ Cubicularii, Sancti Viti Ducis Excellentissimi &c., Viri Nobilitate, Ingenio, omnique virtute insignis, & sub cura Illustrissimi D. Josephi Pasqualis Rogani; Præsulis ejus Optimi, moribus floret, & scientiis; in Terra inquam ista, in loco, ubi dicitur *Il Vallone*, aqua sulphurea scatet quoque: & in Territorio laudatæ Trivici, Scajolæ excavantur; quæ abundant in contermina ei Terra S. Agatæ; quæ distant a Lacu nostro M. P. VIII. Castrum scilicet; Trivicus X.; & S. Agata XV.

§. V. Ad occidentem vero: in Civitate, nunc dicta Mirabella, antiquitus vero *Aqua putrida*, ab aquis nempe sulphureis; non secus ac antiquissima Dicearchia, quæ postmodum fuit dicta Puteoli, ex *aggregatis sulphureis, ibi mire existentibus*, ut Strabo loquitur (1), & hunc sequutus Capacius (2); in Mirabella, inquam, & in loco, ubi dicitur *Li Pozzi* inter ruinas Civitatis Eculani, ex antiquo puteo, adhuc existenti, aqua hausta, a me degustata, sulphurea exurgit: de antiqua Eculano urbe, aliqua inferius adnotabimus; hic tantum dicam, ipsam occidentem versus a Lacu nostro distare M. P. X. plus, minusve; cujus ruinæ hinc, & inde in Via Appula Regia, quam *Viam Novam* dicimus, contemplantur.

§. VI. In Terra, vulgo dicta *Sancta Paulina*, quæ duobus milliariis distat a Civitate Montefusco (quæ nunc Provinciæ Principatus ulterioris caput est), & secus viam, quæ ducit ad Montemfuscum, in rupis radicibus, aggregata terræ nigerrima inspexi, quæ igni admota gravem sulphuris, & bituminis odorem emittebant: aggregata ista quandam habent similitudinem cum Terra bituminosa Siciliana, mihi a Viro Clarissimo D. Dominico Tata,

(1) *Strab. Lib. V.*

(2) *Capac. L. 2. Cap. 24.*

Tata, humanissime, ut ejus moris est, mutuata : distat autem Terra isthæc a Lacu nostro M. P. XVI. ad sud est.

§. VII. Nec defunt in toto *Territorio Beneventano* loci sulphure abundantes; id evincitur ex assiduitate motuum Terræ, quibus Civitas Beneventum non semel ruinas immodicas fuit experta; & signanter sub die quinta Junii A. D. 1688; tunc temporis in Valle Beneventana fluvius ardentis bituminis excurrere visus fuit, sive ignita lava, teste Magnati (1); quam a radicibus Vesuvii per meatus subterraneos ibi eructasse crederem, sive ab alia particulari accensione sequuta in contermina Campania, cujus campi, ex jugi, in qua erant conflagratione, *Flegraei* olim appellabantur (2).

§. VIII. Ad orientem Lacus, in Territorio Patriæ meæ, in loco demaniali Universitatis ejusdem, ubi dicitur *La Palombara*, & in latere orientali demanialis defensæ; fons aquæ salis excurrit, cujus aquæ salem communem, cum partibus aluminosis decantatæ deponunt, distatque a Lacu, uno milliario, vel circa: & inter orientem, & Meridiem ad Est sud Est Montes Terræ *Guardiæ Lombardorum* extenduntur, ad quorum radices scatent aquæ Torrentis, vulgo dicti *Fredene*, ut in Fig. V. qui post varios flexus immittitur in flumen, vulgo dicto *Calore*, quod intelligas, de *Calore* Hirpinorum, ne confundatur cum *Calore* Lucaniæ; & ex præfata scaturigine, in Anno 1732., post terræmotum, per plures dies aquas rubras continuo emissas concives mei testantur, ipsasque sulfure redolentes. Et ulterius, in Territorio *Melfitano*, ad radices *Montechii*; sic locus appellatur; aquæ minerales abundant; distat autem Civitas prædicta a Lacu nostro M. P. XV., & ultra: In Terra *Atellæ*, *Rapollæ*, ubique scatent aquæ minerales; Terra vulgo dicta *Barile*

E

fita

(1) Vinc. Magnat. *Notizia Istor. de Tremuoti* fol. 363.

(2) Strabo L. V. fol. mibi 443. Plin. L. 18. Cap. 12. Polib. Lib. 3. *Histor. Diodor. Sicul. Lib. 4. Histor.*

sita est, ubi *Mons Vultur*, qui ignivomus olim fuit, observante Viro Clarissimo D. Dominico Tata, qui eruditam dissertationem de Monte isto tipis mandavit in Anno 1778., quique concrectiones sulphureas, talcus, antiquas lavas ignitas, selenites in loco abundantes, aquasque minerales in girum scatentes accurate dinumeravit (1).

§. IX. Inter Meridiem, & Occidentem Lacus ad sudoveſt, in vicina Terra *Villemaniæ* scatent aquæ minerales, quibus ad Balnea utuntur: distat Terra isthæc a Lacu nostro duobus milliariis: Aquæ istæ dubio procul a Lacu nostro originem ducunt; aliisque per subterraneos flexus, mineralibus, & dulcibus collectis aquis, quas in locis supereminentibus inesse diximus, multiplicantur: scatent autem ad radices colliculi abundantis stalagmitibus, productis ab aquis istis, ibi decurrentibus: Jam supra notavimus, aquas Lacus in crustas tofaceas, suapte natura abire: quod experientia diuturna comprobatur: Per loca enim, ubi aquæ istæ fluunt, tot diversæ concrectionum istarum figuræ contemplandæ occurrunt, quot sunt aquarum fluentium motus diversi, sive undulationes. Vegetantia si diu aqua ista abluantur, lapidefiunt, quod per ambitum locorum istorum videre est: Et penes me asservatur lapis unus coagmentatus ex vepribus, rubis, paleisque, quem a majore consimili mole scindendum curavi; autumabam super vegetantibus illis aquas minerales crustam tantummodo induxisse, & in poros vegetabiles abiisse; at ipsos vere lapidefactos inveni.

Aquæ igitur Lacus, per meatus recipientes, ut diximus, aliæque in girum scatentes aquæ aliæ, in loca ista deportantur, unumque perennem constituunt fontem, interclusum in domo quadam rurali, ubi annis non multis ab hinc retroactis ad Balnea conveniebant: a domo ista per subterraneum nuper excavatum ductum, in unam grandiore fluunt casam, prope Torrentem constructam, ipsam-

(1) V. D. Dominic. Tata de Monte Vulture fol. 28. & seqq.

ipsamque sine testō, ad hoc ut aquæ, sub Jove aperto detentæ, salubriores reddantur: Casa isthæc per parietem intermedium apposite divisa, duos efformat Balneos, pro viris unum, pro mulieribus alterum: Ipsamque habes Fig. 1. N. V.: ibi æstivo tempore, tamquam ad frequentem emporium, undique conveniunt valetudinarii, nec aquæ ablui contenti, ipsas nonnulli ebibunt etiam: quæ si profint, nec ne, Medici dijudicent: Ego quidem ab aquarum istarum potu adhorrerem, quippe quæ in stalactites, ut jam notavimus, abeunt. Cæterum aquæ istæ tepidæ sunt; sulphure sapiunt, & bitumine: crassum velum ejusdem bituminis super aquis innatat, quod in fontis alveo præcipue videre est: at quod visu jucundum, ibi velum obductum, post triduum, aquæ in fundum deponunt, ipsæque in melius depurantur: idem evenit in novis istis Balneis, si per triduum aquæ ibi intercludantur; crassæ enim bituminis, sive etiam petrolei partes, immixtæ cum sulphure, gipso, alumine, aliisque mineralibus coagmentationibus, inter se copulatæ, propria sui gravitate, necessario fundum petant necesse est: quod evidenter convincitur, perpendendo novo ad Balneos aquarum nuper excavato ductu; qui continuo expurgari debet a stalactitibus istis, ad hoc, ut aquarum fluxus, ab ipsis non interrumpatur.

Igneam quoque lavam in locis istis aliquando excurrere apparet: & in Torrentis alveo, incipiendo a Lacu Mephitico, ipsius frustæ dispersæ conspiciuntur, quin imo & pori ignei, sive pumices, Vesuvianis simillimi. Admiratu digna quoque ibi est, ad ripam Torrentis, Crypta ex stalactitibus efformata: in ipsam penetrari facile potest, at in ea diu immorari, nec quid jucundum, nec tutum omnino est: Stalactites enim illæ, sic inæqualiter inter se dispositæ contemplantur, ut facilem minitentur ruinam: In ipsam Ego introivi, quam conicam Cellulam inspexi: autumabam, ut vulgo jactitant, po-

tuisse illam longius in girum discurrere, subterraneam ipsam credens cavernam, & olim habitatam; prout in Lacu Averno de Cimeriis commemorarunt historici, ut infra dicemus: at ipsa perlustrata, ad ejus partem occiduam, vix angustam rimam inspexi, quam penetrari homini difficillimum est: cæterum ipsam sedulo perpendens, id mecum statui, Cryptam ab aquis istis mineralibus efformatam, & ideo ex stælestitibus esse. Præterea in districtu ejusdem Terræ Villæmanix, marmorea fodina nuper reperta fuit, ipsaque Fisci nomine obsignata. Aquæ istæ, ut diximus, profluunt in Torrentem eundem, qua prope Lacum nostrum excurrans, eo usque ducitur ad Locum, vulgo dictum *Sierro del Lapillo*, qui jacet ad meridiem dictæ Terræ Villæmanix, ibique immiscetur cum flumine, seu potius torrente, vulgo dicto *Fredene*, ut in Fig. I. N. VII., ex quo in flumen dictum *Calore* Hirpinorum deportantur.

§. X. Porro in Terra, *Castri Francorum*, & in loco vulgo dicto *Isca Piana*, per cujus Valles flumen *Calore* excurrit, aquæ sulphuræ abundant, quibus valetudinarii bene, ut ajunt, utuntur: distat Terra isthæc inter meridiem, & occidentem, a Lacu nostro M. P. IX. plus, minusve.

§. XI. Nec multum a Terra ista distant Montes *Syrinates*, vulgo dicti *Monti Tremoli*, quin imo, & inter ipsos, mons præaltus dicitur vulgo *Montagnone di Tremino*; sic forsan nuncupati, quia non raro, ex subterraneis accensionibus contremiscunt: Cæterum Montes isti miras cryptas, cavernasque in suis visceribus exhibent, inter quas contemplatione digna est vorago illa, quam videmus, non multum distitam a Terra Vulturariæ: ibi tempore hiemis aquæ pluvix, nivesque, lacum prægrandem efformant, & talis certe excreveret, ut loca illa non hominibus, sed piscibus inservirent: At natura bene hominibus consulente, ad planitie meridiem, & ad Montis supereminentis radices, inter saxa voraginem videmus,

mus, vi ignis forsan efformatam, quæ paulatim super-
venientes absorbens aquas, in Montium ducit viscera,
sic tempore æstivo totam planitiem relinquens refertam
pratis, herbisque abundantem, ad cujuscumque generis
pecus enutriendum aptissimam, & Vulturariæ habitatoribus
censu utilissimam: Quod si mihi quæstio moveatur, an
vorago isthæc vi aquæ sæpe urgentis facta fuerit, non autem
ignis; vel si montes isti alia de causa dicti fuerint *Tre-*
moli, idque rationibus plausibilibus comprobabitur, ipsis
& ego assentiar. Cæterum in cacumine Montium istorum,
& per totum tractum ipsorum, non desunt lapides præ-
ferentes antiquarum exustionum vestigia: ipsumque
nomen *Vulturaria* sat evincit, loca ista aliquando igne
fuisse agitata, ideoque *Vulturaria* dicta, non secus ac
ventus urens *Vulturnus*, fatalis olim cede Romanorum ad
Cannes (1); Flumen *Vulturnus* Campaniæ, & Mons *Vul-*
turnus Apuliæ; observante Cl. Viro D. Cyro Minervi-
na (2); quem perperam risit auctor dissertationis, cui
Titulus, *Del dialetto Napoletano* (3).

§. XII. Et denuo ad Lacum nostrum redeundo, ali-
quam de Colle nobis contermino, vulgo dicto *Montecchio*
adnotare operæ præteritum ducimus. Exurgit Collis iste ad
Meridiem Lacus, a quo distat spatio unius milliarii,
cum dimidio: usque ad Sæculum undecimum, ei superi-
nererat Civitas, vulgo dicta *Montecchio*, quam Rober-
tus Guiscardus A. 1076. solo tenuis æquavit (4). Ad ejus
radices torrens vulgo dictus *Fredene* excurrit. In parte
Septemtrionali, & juxta Torrentis ripam, sulphureas,
limpidas, leves, & saluberrimas emittit aquas, quæ in
alveolo, ubi surgunt, sedimen album, oleosum deponunt,
quod, per filamina quædam, aquas inter innatat, quæ
sul-

(1) *Liv. Hist. Lib. 22. Cap. 26.*

(2) *Cyr. Minervin. Etimologia del Monte Vulture §.*

(3) *Sub incerto nomine editus Neapoli A. D. 1779.*

(4) *Tom. a Cost. Histor. Mont. Virg.; Fel. Rend. Vit. S. Guilelm.*
Vercel.

fulphure non minus, & petroleo abundant, verum etiam & ferro, prout ex lapidibus circum adjacentibus evincitur: pallidum enim rubrum colorem præferunt, atque attriti a magnate attrahuntur: Lue venerea affectis, mirum in modum, profunt: Salsedine laborantes bene ipsis utuntur: Asmaticis juvant etiam, aliisque morbis laborantibus: per urinam digeruntur statim, & aliquando per secessum. In ipsis depascuntur ranæ, & vivunt. Montis hujus partes exhibet Fig. VI.

§. XIII. At quod in Loco mirandum est: juxta aquarum scaturiginem, exurgunt, supereminetque lapides duri, per strata perpendiculariter dispositi, quos inter carbones fossiles inveniuntur: istorum non paucos collectos ad ignem admovi; qui confestim accensi lucidissimam emisissent flammam, in carbones ignitos abierunt, & demum in cinerem nigro rubram: odorem acutum petrolei emittebant, non autem gravem sulphuris, cum bitumine, ut fossiles carbones anglicani; quæ quidem aggregata, dum igne aduruntur, graveolentiam emittunt, & respirantibus nocent. Collem tunc in girum semel, atque iterum perlustravi; & ad ejus latus occidentum, distans a stratis jam dictis, passus centum, & ultra, lapides oleo abundantes inveni, & proprie in loco, quem vulgo appellant *Il Vallone delle Caldare*: & ad latus orientale, in pari jam dicta distantia, strata alia enarratis simillima inveni; licet hæc, dum igni admoventur, gravem dent bituminis odorem: ex quo mecum statui, in collis istius visceribus, feracissimam carbonum fossilium mineram inesse oportere. Carbones isti ad lamellas tenuissimas dispositi excavantur, & ex iisdem lapidibus, inter quos inhærent, efformatos, ipsi aperte testantur: plerique enim ipsorum in parte lapides adhuc sunt, & in parte alia carbones; quodtribuendum censerem petroleo in monte abundante, quod lapides prædicti continuo ebibunt; sive potius subterraneis accensionibus, quibus oleum

leum a montis visceribus expressum, factum est, ut lapides prædicti calefacti susceperint, & adeo retinuerint, ut in tot pirites abierint, quod & in multis aliis mundi partibus evenire compertum est (1).

Fonticulus iste dubio procul cum Lacu Mesitico, aliquam habet communicationem, & ex eo convincitur potissimum, nam, ut supra notavimus, cretæ alvei Lacus crassæ sunt, bitumine, sive etiam petroleo abundantes, ex quo fit, ut aquæ a Lacu haustæ, dum ad ignem, sive ad solem evaporaverint, cretaceum, crassum sedimen deponant, sæponi haud dissimile, partibus oleosis gravidum; nam si cum oleo admisceantur, solvuntur statim; quod sedimen in fonticuli istius alveulo idem est; & licet aquæ Lacus puncentem in degustando saporem promoveant, idtribuendum est alumini, & acidis vitriolicis ibi abundantibus, quæ in aquis Fonticuli istius prorsus desiderantur.

§. XIV. Ignivomum aliquando Montem istum fuisse dijudicabam: quod coniiciebam, sedulo contemplatus tot lapides prægrandes ad ejus radices jacentes, fere in totum calcinatos; nec in Torrentis alveo deficiebant pori ignei, & lavæ olim ignitæ reliquiæ, quas sedulo colligebam, usque anxie inquirens etiam minima, quæ super ideis perceptis possent aliquali modo statuere; Porro fossiles, quos diximus, carbones perpendebam, num partus essent collis, vi ignis ex bitumine expressi, ac per lapidea strata sic dispositi, sive ex eodem bitumine, sic expresso, tot pirites efformati: contemplabam etiam tot saxa, & molis maximæ, hinc & inde ad Torrentis ripas jacentia, in partes divisa, atque inæqualiter ita disposita, ut præcipitem ruinam minitentur. Idem mihi suadebat colliculus alter, ad orientem respiciens Collem istum; Serra concives mei colliculum illum appellant: ibi per strata dispositi effodiuntur lapides calcarii, & vitrescentes,

(1) *Turr. Tract. 3. Sect. 5. Cap. 1. De Bitum. Idem de Congret.*

res, qui malleo concussi, faciliter abeunt in lamellas, ut plurimum inter se æquales, pari eodemque modo, prout lapides supereminentes aquis sulphureis, inter carbones fossiles, quos notavimus: In effossione, nonnullæ occurrunt cryptæ, sive inter lapides istos rimæ tortuosæ, ex quibus apparet, lapides non esse inter se continuos, nec ab initio ibi enatos, sed ab alio loco evulsos, ibique, ex terræ, aut ignis motu sic inæqualiter dejectos, atque concumulatos; ideoque aiebam, apposite locum dictum fuisse *Serra*, nempe quia a colle antedicto per vim scissum: non secus ac, locus in Territorio Campano, vulgo dictus *Vadiserra*, quem commemoratur Pratillus, alia quoque loca memoratus, quæ & *Serra* appellitantur (1). Idem mihi suadebat Terra contermina locis istis, *Taurella*, ex ditione Excellentissimi D. Josephi Caracciolo, Principis ejus Optimi, ubi antiquarum conflagrationum notissima exhibentur contemplanda signa, ideoque *Taurella* nuncupata, observante D. Ciro Minervina (2); a qua ad septemtr. non longe distant *Campi Taurasini*, ex Pirro Victoria Romanorum nobilissimi (3), & Ligarum coloniarum deductione, de quibus inferius (4), celeberrimi; ita forsan ex antiquis exustionibus nuncupati.

§. XV. At post reiteratas per loca inquisitiones, omnis cessit hesitatio: dum enim collem istum exacte perlustrabam, in saxum haud spernendæ molis incidi, vulgo dictum *La Pietra di Peluso*. Elevatur Saxum istud in Collis visceribus, ad Meridiem Fonticuli antedicti, a quo distat passus XXXVI.; ad radices saxi istius antiquas igneas rimas observavi, saxumque ipsum, in girum, ut ita dicam affatum, atque combustum, cujus rimæ ad Fonticulum ducunt, ideoque; antedictis tunc collectis ideis,

me-

(1) *Pratilli Via App. L. 2. C. 8. fol. 209.*

(2) *Cyr. Minerv. In Etimolog. Mont. Vultur. §. XVIII.*

(3) *Flor. Lib. 1. Cap. 18.: Oros. L. 4. C. 2.*

(4) *Liv. Lib. 40. Cap. 18. C. 20.*

mecum certe statui, saxum istud aliquando ad radices ar-
fisse, deinde ob aquarum supervenientiam extinctum.

§. XVI. Nec reticendum est, quod nuper factum vi-
dimus in saxo eodem: Die enim nona Mensis Aprilis
A. 1781., hora diei Italica vigesima prima, repente ad
ejus radices, fragor non modicus, velut tonitruum, au-
ditus est; dehinc ad saxi partem occidentalem, terra excis-
sa, ita ut quæ prius in Collem continuum definebat, in
rupem præaltam abierit: arbores quercuum, & castanea-
rum annosæ, quæ in loco admirabantur, partim absor-
ptæ, inter quas nucis arborem firmissimam ego contem-
plabam, dum paulatim descendendo, in totum terra de-
glutiebatur; partim evulsæ, aliæque hinc, & inde inæqua-
liter dispersæ, terraque scissa in suis met visceribus recon-
debatur ut in Fig. VI. N. IV.; qua quidem in actione spectatu
erat digna, duravitque, usque ad diem vigesimam primam
mensis ejusdem: id repentinæ subterraneæ accensioni tri-
buebam: quod si flammæ exterius præruptas haud vidi-
mus, ab aquis in loco, ut diximus, interjacentibus,
factum dicerem, quarum vi inter Collis viscera sunt
extinctæ; nec si fragorem præcedentem tribuere velimus
præcipiti maceriarum illarum scissuræ, subsisteret: nam
fragor ille, per duas horas antequam terra corrueret,
auditus est; dehinc terra, a jugi collis altitudine scissa,
ad saxus radices præceps corruit, ubi in semiplano ad
præsens subsistit: ibi igitur autumavi, ignea accensione,
voraginem efformatam, ex quo, cum basis collis supe-
rimpositi, consumpta in partem deficeret, proprio pon-
dere, præceps ibi necessario corruit, & terra sic scissa,
arboresque absorptæ: licet non negaverim, alia id de
caussa accidere potuisse: jam diximus, ad saxus radices
contemplari aliquas cryptas, sive rimas, ab igne dubio
procul efformatas, ideoque credendum est, & alias in
loco antiquas subterraneas cavernas inesse, quæ jamdu-
dum vi ignis assatæ, postmodum aquæ, & temporis in-

juria imminutæ corruere utique poterant, superimpositam molem subvertere, atque donec essent impletæ, ipsam in suis visceribus excipere.

§ XVII. Has præcípites ruinas in Monte Vesuvio non raro vi ignis evenire experti sumus, quod cæteroquin funestum ibi, & per Loca adjacentia semper est: moles enim, quæ præcípites in ejus perrumpunt viscera, dum in meatus spirantes incidunt, post fragores immodicos, igneas eruptiones, ut plurimum promovent, prout factum vidimus sub die octava Mensis Augusti, Anni 1779.; tunc enim temporis, & non multos ante dies, Montis cacumen jampridem interius ab igne corrosum, tandem anfractum præceps in Voraginem corruit, inciditque, ut ego opinor, in igneos spirantes meatus; ex quo ignis, flatusque spirantes sub ejus pondere interclusi, fragores violentos edebant continuo, donec materia ignis percrescens, meatus suos extricando, in aërem, velut ignitam columnam rejecit saxa, & ignem, & scorias; quæ ad Mare Adriaticum usque evolarunt, prout impetu spirantis tunc venti ducebantur; non dissimili quidem actione, quæ in Lacu nostro Mephitico visa fuit, in Anno 1732.; qui ut suos spirantes meatus detergeret, post fragores, jugesque immurmurationes, lapides spiracula impediētes, in aërem eructavit, ut supra §. 31. Lib. 1. jam notavimus; quod ad saxus radices minime evenit, ob tenuitatem partium ignitarum; sed per transcendam hæc sint dicta; jam enim de Vesuviana illa eruptione Viri Clarissimi disseruere, inter quos Cl. Memoræ Pater D. Johannes de Turre, & eruditissimus D. Dominicus Tata, quos vide.

§. XVII. Inter Lacum nostrum, huc usque enumerata Loca, & Vesuvium, aliquam communicationem esse, ut præmissi, contenderem; nisi velimus cum Pindaro, relato a Strabone (1) dijudicare: *quod omnis tractus, si a*
Cu-

(1) Strab. Geograph. L. V.

Cumis incipias; usque in Siciliam ignitus est, & profundas quasdam in unum cœuntes habet cavernas, in Græciam, & continentes terras exporrectas: Ideoque Ætna, & Liparenfes Insulæ, & Puteulanus ager, & Neapolitanus, & Bajanus, & Pithecusæ talem habent, qualem cuncti scriptum reliquere, naturam: quibus locis, si mea me non fallit opinatio, Valles æque Anxanti cumulandas absurdum esse non dubitarem: Quinimo & hoc conjicerem ex jugi actione, in qua Valles nostras novimus, a Trojanis temporibus, ut mox dicemus, usque adhuc perdurantes; jam enim si secus esset, ex tot assiduis exufflationibus, minera isthæc depauperari debuisset, & in suo, sic brevi restricta ambitu, tandem aliquando finiri: Ex quo dicendum est, necessario cum aliis mineralibus Locis, Mephitim Anxanti communicare, & vicissim per meatus subterraneos inter se enutrirî: ac proinde Pindarum supra relatum vera nunciassê: nam præter quam quod id evinci posset ex adhuc ferventibus in Messana, & Magna Græcia Terræmotibus; quibus, dum ibi Urbes, & Oppida solo tenus æquantur; Loca Anxanti Vallibus contermina, non semel concussa audivimus, usque & ipsam Urbem Neapolim: idem aperte testatur Lacus ipse Mephiticus: Aquis enim præter solitum abundat: In medio colliculorum ei superimpositorum rimam alteram exufflantem efformavit, ex qua terra cretacea, bitumine intermixta, cum aqua nigerrima, in aërem eructatur: In Loco, quem diximus vulgo appellari *Caccabo*, nova & duo alia in fronte portendit foramina, velut in girum affata, mirum in modum evapurantia: Et in Loco, vulgo dicto *Le Fressole*, aquam, quam ibi supra notavimus ebullientem itrepere, modo usque ad quintum Neapolitanum palmum, violenter in aërem ejicit: Quas immutationes, utpote omnino in Loco novas, apposite in Figura VII. incidi operæ prætium duximus.

§. XIX. At utcunque se res ista habeat, prius quam
F 2 ad

ad alia gradiamur, dicam, Montem, de quo loquimur, forsan antiquitus *Montem Echium* fuisse nuncupatum; prout in Civitate Mons, quem vulgo appellamus *Pizzofalcone*, *Echia* dicebatur, ad cujus radices aquæ Minerales scatent: quique antiquitus arsit & ipse; quidquid in contrarium edixerit Martorelli contra Lasenam, Capacium, & Marandam, scribentes: *latentem in eo monte ignem, velut in tota hora inesse*; & Urbem Monti superimpositam, quam deletam notavimus a Guiscardo, appellatam fuisse *Echiam*, sive potius *Eclam*, non dissimili denominatione ignivomi Montis, *Ecla* nuncupati, ad insulam *Tulæ*, in *Islandia*, qui ad radices ignes emit, prout Mons noster emittebat olim: Cur vero diceretur *Echia*, sive *Ecla*, etimologiam exquirent alii a græco, sive a fenicio idiomate, non ego; terret enim me eruditus, sed nimis plagosus Vetrani, qui in suo Prodro-mo Væsuviano, nec Jacobo Martorelli, Viro Clarissimo, & præceptori suo, pepercit.

Et si in rebus vetustis aliquid verosimile opinari fas est: autumarem celeberrimam Hirpinorum Urbem *Æclanum*, a Monte jam dicto, denominationem sortitam fuisse; vel ipsam Monti nomen mutuassee, quippe qui, non improbabili conjectura, sub *Æclanensium* ditione fuerat, quod ex lapide insequenti evinci potest.

D. PATER. SENATORIS. M. POPPIVS. GAL. MARCELLI NVS. SPLENDIDVS. EQVES. R. P. N. P. PRON. P. ABN. CVR. CIVITATIVM. COMPLVRIVM. PRINCPS. COL. AECLANENS. PATRONVS. COMPS. FRATVENTINOR. NERETINOR. SIBI. ET. EPIIAE. FIRMAE. VXORI. KARISSIMAE. ET. TET ^A EO. MARCELLINO. NEPOTI. VIVVS.	 D	 FECIT.
---	---	--

Lapis iste observatur in vicina Civitate S. Angeli Lom-bar-

bardorum , in angulo dextro prospectus exterioris Palatii Principalis: Crediderunt nonnulli Palatium hoc, Poppii istius sepulcrum fuisse; id ex lapide relato conjicientes, sed perperam: Palatium enim istud, licet magnificæ, recentis tamen structuræ est: nec lapides sepulcrales, vel cujuscunque alterius generis, quod sciam, in angulo sepulcri conlocabantur, sed ejus in medio, sive in fastigio; Idcirco dicendum est, palatium istud fuisse opus Longobardorum, sub quorum ditione Civitas illa olim fuerat; & probabiliter ipsorum Castrum, pro ut in loco eminenti constructum, ex quo usque ad præsens appellatur *Il Castello*. Castrum hoc Placidus Imperiali, Princeps ejusdem Civitatis Excellentissimus, aliis, ad latus occiduum, excitationis ædificiis, in augustiorem palatii formam redegit. Lapis igitur, de quo loquimur, dicendum est, quod ab antiqua jam deleta Urbe *Ecla* fuit transportatus, ibique cum aliis quadris lapidibus, ad firmissimum construendum Castrum, accomodatus: quod ex eo utique evincitur, nam cum inter maceries antiquæ jam dictæ Urbis *Ecla* inquirerem, si quid notatu dignum invenirem, ad ejus Orientem inveni lapidem alium sepulcralem, ab eodem Poppio, Junia cuidam Fortunatæ positum, ejus certe Concubinæ; ipsam enim in lapide, sibi *amantissimam* dicit, nec uxorem, aut filiam, vel Nurum, sive neptem aut Libertam appellat; cujus verba sunt sequentia

D. M.

POPPIVS. MARCELLINVS.

IVNIAE. FORTVNATAE. SIBI.

AMANTISSIMAE. F.

Lapidem hunc, me suadente, Placidus idem Imperiali, Princeps sapientissimus, in prædictum sui Palatium transportandum curavit: in eodem igitur loco, ubi lapidem istum ego inveni, credendum est, quod Poppii sepulcrum
fue-

fuerit erectum: At utcumque sese res ista habeat, certum est ex adducto lapide, Poppium Marcellinum fuisse Principem Colonix Æclanensis, ac proinde in loco, ex ditio-
ne Colonix ejusdem, sibi vivum sepulcrum excitasse, & apposite prope Montem, de quo loquimur, qui ut cæteri Vulcani relligione pari colebatur.

§. XX. Hanc inscriptionem refert Scipio Bellabona Historicus, & Civis Abellinensis, sed mendose transcrip-
tam, & pessime, non dicam illustratam, sed ab ipso penitus deturpatam: Et ut alia prætermittam; notissimas siglas D. M. primi versus, quæ *Diis. Manibus.* sonant, primam legit *Decii*, alteram *Marcus*; ibique somniatur *Decii Senatoris* factam mentionem, de quo in lapide verbum nullum: impertinentes interpunctiones addit ali-
bi; & in quinto versu, ubi legitur *Colonix Æclanensis*, legit *Alcianensis*, novam sic effingens Coloniam, quæ nunquam fuit in Orbe. Lapidem hunc, Ego exacte per-
lustravi, ibique Colonix Æclanensis, literis cubitalibus, legitur: de somniato *Decio* a Bellabona, nulla occurrit mentio, & talis quippe est, qualem supra retulimus. Legendum igitur est DIIS. MANIBVS. in siglis D. M. primi versus; & in quinto versu COLONIÆ. AECLA-
NENSIS; cujus Princeps fuit *Poppius Marcellinus*, sive Colonix illius Consul, aut Senatus Princeps, sed vere inter Optimates primum tenens locum (1): & re quidem vera, quod Poppius iste vir fuerit clarissimus, ex eodem lapide aperte colligitur; Curator quippe fuit Civitatum complurium, sive ipsarum legislator (2), nec non & Pa-
tronus Compſæ, Urbis Hirpinorum celeberrimæ (3), si-
cut & Fratuentinorum, & Neretinorum Populorum, quo-
rum Plinius meminit (4).

At

(1) *Carol. Sigon. Lib. 1. fol. m. 433.*

(2) *Carol. Sigon. Lib. 1. Cap. 4. f. 666.*

(3) *Paul. Merul. Lib. 4. Part. 2. &c.*

(4) *Plin. Lib. 3. Cap. 2.*

At cujus familiæ *Poppius* iste fuerit, in statuendo, diu exitavi: Sejugendo in primis literas PP., legebam *Publium Oppium*: memineram enim *Publii illius Oppii*, relati a Grutero (1), cujus inscriptionem perbelle illustravit Eruditissimus Episcopus Johannes de Vita (2): Verum enimvero cum gens *Oppia* fuerit plebeja, & ex Tribu Tarentina (3); *Poppius* autem noster in lapide inscribatur ex Tribu *Galba*, de gente *Pupia* excogitabam, ad quam *Poppium* referre nec audebam, nam licet recte V, legi poterat immutata in litera O, geminata, tamen PP. id mihi dissuadebant: idcirco ad gentem *Poppæam* referendum esse censui, quæ Consularis fuit; ac proinde crederem *Poppium* istum fuisse Patrem illius *Marcellini*, qui Senator fuit & Consul cum *Lucio Marcio Philippo* A. V. C. 698. (4), de quo Cicero ad Lentulum (5); sicut & Conjugem ejus *Eppiam Firmam* illam forsan fuisse, quam idem Cicero in suis Philippicis *Ippiam* appellat (6). Cur vero ad Tribum *Galbam*, non autem *Galeriam* Gentem istam retulerim, id ex lapide eodem conjeci: Tribus enim *Galeria* inter Tribus rusticas venerat; *Galba* vero inter Nobiles (7); At *Poppius* noster splendidus Eques Romanus in lapide inscribitur, Paterque Senatoris salutatur, ideoque ad Tribum *Galbam* potius referendum existimavi.

§. XXI. Sed quoniam de Inscriptionibus occurrit sermo, non erit abs re, nonnullos lapides in locis istis repositos hic afferre, prius quam ad alia veniamus. In eadem Civitate *Æchia*, lapidem insequentem inveni, qui penes me asservatur.

D.M.

- (1) Gruter. Pag. 987. Num. 9.
- (2) De Vita Inscript. P. L.
- (3) Waillant. in Numm. Famil.
- (4) Jauson. Fast. Consul.
- (5) Cic. Epist. Famil. L. I.
- (6) Cic. Philipp. 3.
- (7) Carol. Sig. de Colon.

D. M.
CAESIAE. IVCVNDAE.
L. FIRMANVS. C. B. P.

Et *Cæsiam* istam ex Romana *Cæsiorum* Familia fuisse autumarem: Gens *Cæsia* Plebeja fuit; siquidem *M. Cæsius* Prætor, de quo loquitur Cicero (1), Tribunus Plebis fuit A. V. C. 671. *Lucii Cæsii* denarium Waillantius refert, atque, ut sui moris est erudite interpretatur; sed aliqua ejus illustrationi adderem Ego: *Caput Apollinis laureatum dorso tenus, sagittam dextra vibraturus, in area AP. junctis literis; in aversa L. CAESI. dux Figuræ sedentes fere nudæ, cum pelle, ambæ sinistra hastam, sinisterior cani intermedio ablanditur, hinc LA., illinc RE., junctis pariter literis, in vertice Caput Vulcani, pone quod forceps*: Hæc habet Waillantius: At si nummus ab ipso relatus attente consideretur; Figuræ partis aversæ, sinistrorsum fugiunt, non autem sedent, nec pelle vestiuntur, sed vellem succinctam habent, ad fugam ut sint expeditiores, canis intermedium ipsas comitatur, & caput Vulcani dextrorsum stat; prout attente considerati sumus in nummo argenteo, qui in meo Museulo asservatur: Istis igitur ex simbulis conjicerem, ideo in Nummo Caput Vulcani effictum, ut gentis *Cæsiae* origo indicaretur, a Monte nempe isto ignivomo, sic in Capite Vulcani, cum attributis designato: Figuræ autem illæ seminudæ fugientes, gentem *Cæsiam* Romam versum abeuntem portendunt, Urbe forsitan *Echia* ab eruptionibus igneis Vulcani istius subversa: nec alienus essem ab opinando, ideo hastas in Figurarum manibus accomodatas, ut ostenderent Gentem *Cæsiam*, ab Hirpinis, sive a Samnitibus originem duxisse, hasta enim notissima fuit Samnitium armatura, *Saunia* ab Græcis nuncupata (2): Cur autem

Gens

(1) Cic. in Verrem.

(2) Lips. in Poliorcetic. I. de Machin.

Gens ista dicta fuerit *Cæsia*, si a *Cæsii oculis*, ut tenet Waillantius, sive a *Venere Casia*, aut *Minerva Cæsia* (1), quas ritu peculiari colebant, pro certo rem statuere, quis ne præsumpserit? Et licet adductæ in nummo Literæ inter se copulatæ LA. RE., ad Lares referat Waillantius, attamen credi quoque potest, in ipsis expressum cognomen Lare, quod Gentis Cæsiae forsan fuit peculiare, ut in Gente Accoleja, illud Lariscolus ec. (2). Cæterum an Lucius Firmanus, Vir Cæsiae istius, ille Lucius Equitius Firmanus fuerit, qui a Lucio Apulejo proponebatur Populo, ut Tribunum eligerent, licet pro certo affirmare non audeam, illius tamen fata perpendens, ipsum forsan fuisse asserere non dubitarem.

Lucius Apulejus, ut Firmanum ad Plebis Tribunatum eveheret, cum homo novus, & ex incerta esset Tribu, ipsum commendabat Plebi, tanquam filium Caji Sempronii Gracchi; nominabatque eum non Firmanum; sed Lucium Equitium Graccum; Stabat Apulejus pro Firmano, quem noverat Virum seditiosum, & Nobilibus infensissimum, ac proinde aptissimum judicabat, cui Tribunatus Pl. concederetur, ad Leges Agrarias præcipue promovendas, tuendasque: At fraude detecta, Q. Cæcilius Metellus Numidicus, tunc temporis Censor, nec inter Cives Romanos Firmanum censi passus est (3). Ex quo conjicerem, vere Firmanum Civem Romanum non fuisse, sed Montis Echiæ oriundum, ac proinde Hirpinum: Et licet natus forsan Romæ, ibique a suis obscuri nominis Parentibus educatus, atque cum Cæsia maritatus; enecato tandem Apulejo, ejus fautore, a Rabirio (4), necnon & Cæcilio Metello ab exilio revocato; Ipse cum uxore

Gæ-

(1) *Cic. de divinât.: & Idem Lib. 1. De Natur. Deor.*

(2) *Waillaut. In Numm. Famil.*

(3) *Histor. Universal. Volum. 5. Part. 1. Cap. 9. Fol. 193.*

(4) *L. Flor. In Liv. Decad. Lib. 69.*

Cælia, in Echiam Civitatem istam aufugit, ubi mortuam tumulavit, Titulum posuit.

§. XXII. Ab his quoque locis debuit in vicinam S. Angeli Lombardorum Civitatem, transferri Vasca illa Sepulcralis, quæ ibi admiratur, ad aquas fontis excipien- das nunc accomodata; vel dicam potius deturpata: ex marmore albo est, longa palmis octo, lata quatuor, ha- berque in fronte hinc, & inde duos genios alatos cum facibus, sequentem inscriptionem in corona sustinentes.

D. M.
P. COI. RVFINO.
QVI. VIXIT. ANNIS.
LVIII. M. VII. D.
XV. SP. VI. IDVS.
OCT. P. DATIANO.
ET. CIPIANO. M.
CON.

Publicum hunc Cornelium autumabam illum fuisse, qui A. V. C. 573. cum M. Bæbio, Ligures jam subactos, ex S. C. traduxerunt in Tauraninorum agrum, qui publicus erat Populi Romani in Samnitibus, ut Livius testatur (1): quin imo mecum statuebam, agrum a Livio designatum, non solum in Terra nunc dicta Taurasium esse (cujus campi Romanorum ex Pyrrhi victoria caebres sunt (2)), verum etiam & in locis nobis conterminis, nempe in Terra nunc dicta Taurella, quæ in Hirpinis & ipsa est, qui & Samnites erant, & dicebantur, ut supra notavi- mus: Sola enim Taurasium excipere haud poterat quatra- ginta millium Ligurum capita libera, quot tunc tempo- ris ibi deducta dicuntur, & alia septem millium sub Con- sul-

(1) *Liv. Hist. L. 40. C. 18.*

(2) *Plutarc. in Silla: Flor. L. 1. Cap. 1. 6.: Frontin. L. 4. Stra- tag. Cap. 1. : Oros. L. 4. C. 2. : Zoner. Annal. Volum. 2.*

fulibus Postumio, & Fulvio A. V. 574. (1): In Taurasio igitur, in Taurella dispartita, & ulterius per loca adjacentia; & signanter Ego crederem in Terra Leonum nunc dicta, quæ forsan Ligurum dicebatur, usque ad Compsam, Urbem Hirpinorum celeberrimam: Sane in Locis istis antiquorum ædificiorum vestigia non raro inveniuntur: cryptæ scilicet firmissimæ, aquarum ducti plumbei, & lapidei, sepulcra, & augusta ducum fastigia: Sic in campis latissimis inter Terras Leonum, & Taurellæ, trophæum nobilissimum videmus erectum Marco Paccio Marcello, & proprie ubi ad præsens Monasterium divi Guilelmi situm est, & inter ejus claustra, cujus inscriptio hæc habet

M. PACCIO. G. F. GAL.
MARCELLO. PRIMI-
PILARI. LEGIONIS. IV.
SCYTICAE.

Jam Marcus iste Paccius Marcellus ex Tribu Galeria, sive Galba functus fuerat officio Centurionis, qui & Primipilus dicebatur, ideoque in lapide Primipilaris dicitur (2): An si Pater fuerit Paccii Stratonis, cujus fit mentio apud Reinesium? (3); quidquid de Ovio Paccio Samnite somniaverint alii reticendum.

In Taurella sepulcrum pulcherrimum nuper repertum insequenti inscriptione decoratur,

D. M.
C. BLASSIVS. C. F.
GAL. H. S. E.
P. BLASSIVS. C. F.
C. M. Q. N.
BLASSIS. VIVIS. F. F.

G 2

(1) *Liv. L. 40. Cap. 20.*

(2) *Carol. Sigon. de Antiq. Jur. Provinc. Lib. 2.*

(3) *Reinn. Claf. XVII. Singul. ab Incert. Inscript. LXXXIX.*

quam ego sic Legerem: *Cajus . Blaffius . Cai . Filius . Galerius . Hic . Sepultus vel Situs . Est Publius . Blaffius . Cai . Filius . Cum . Marco . Quinto . Nepote . Blaffiis . Vivis . Sibi . Et . Suis . Fecerunt .*

Et aliam inscriptionem in eadem Taurella habemus insequentem .

D. M.

M. TREBIVS. M. F.

MAXIMVS.

& de qua inferius aliqua dicemus; prætermiſſis & aliis ſepulchralibus Lapidibus: porro nummi antiqui continuo effodiuntur in campis iſtis, nec non & achates, & corniolæ incifæ ad uſum annulorum, inter quæ, unum Ego Sardachatem nobiliſſimum, ab agro Ferentino acquiſivi, multifariis coloribus diſtinctum; hic Deum Bonum Eventum inſculptum exhibet, dextra elata, ciſtum cum fructibus ſubſtinet, ſiniſtra demiffa urceolum, velut irrigaturus arborem, eum pone naſcentem ex ara, quam habet ad pedes: opus certe Sculptore optimo elaboratum: hunc adamantibus circumdatum annulo aureo, ad Fratris mei uſum accommodavi; ſicut & Hiacintum inſignem, portendentem Armeniam; ſedet enim ſuper montibus novem, capite galeato, veſte reticulata, ſaretram habens ad humeros, dextra ſpiculum, ſiniſtra arcum ſuſtinet, velut ſagittas vibratura: Has gemmas, inquam, in campis Leonum, & proprie in agro Ferentino paſſim inveniunt villici; ſigna quidem certiſſima, quod Viri hæud ſpernendæ conditionis, loca iſta incoluerunt.

Porro non longe diſtat a locis iſtis Terra Montalla nobiliſſima; ubi caſtrum eſſi dirutum, certe ampliſſimum, & fabricæ antiquiſſimæ, contempnatur: nec deſunt in vicina Terra Balneoli, vulgo dicta Bagnulo, & Bagnuoli quæ olim forſan dicebatur Batulum (1), venerandæ anti-

(1) *Virgil. 7. Georg.*

tiquitatis monumenta: In Civitate Nufci, præter castrum firmissimum, lapides sepulcrales: busti virorum, cum variis militaribus attributis abundant: ibi locus conterminus, habens diruta ædificia, dicitur Acarnania: In campis Leonum adhuc parietes cernuntur antiquæ deletæ Urbis, quam Oppidum dicunt: ibi quoque fuit Civitas Ferentinum, licet modo nomine excepto, quod adhuc retinet, aratro, & vomere ad fruges expetendas agitetur: Cæterum id mihi ex eodem Livio suadebam: Nam sedulo inquirens quisnam, & ubi ager ille erat, quem Romani publicum in Samnitibus possidebant: ex textu eodem colligebam, agrum fuisse *Taurasinorum*, prout in uno Liviano Codice habetur; at alii habent *Tauraninorum*, & alii in *Monte Tauraninorum* (1). Ego quidem Taurasinis sui antiqui nominis gloriam contendere haud in mente habeo; sed nec Taurellæ gloriam imminuere æquum est; quippe si ager Samniticus a Romanis possessus in monte Tauraninorum erat; cui dubium, quod de Monte Echia, Taurellæ, ut diximus, contermino, Livius fuit locutus, quem Montem Viri fortissimi usque ad Robertum Guiscardum incoluerunt; Monti huic Taurella ad occidentem est contermina, inter orientem, & meridiem copulantur Leonum Campi, Ferentini, Nuscin, Oppidani, & ulterius ad Compsam usque extenduntur planities ad fruges uberrimæ, aquisque abundantes, & silvis; ac proinde hominum usibus bene optimeque dispositi: Præterea memineram vere Ferentinum urbem a Romanis possessam: ipsa enim post Romuleam direptam, A. V. C. 457 a Consulib. Q. Fabio Maximo Rulliano, & a P. Decio Mure captam (2) & rursus in A. 460., Ipsa a suis

(1) Vid. Liv, Opera Edita Patavii A. 1759. Cum Supplem. I. B. L. Crevier. L. 40. C. 18.

(2) Liv. Lib. 10. Cap. 11.

uis habitatoribus deserta, Consulem L. Postumium Mugillanum potitum, ex eodem Livio colligimus (1). Præterea Compsam a Trebio in manibus Annibalis traditam (2), Q. Fabius Consul A. V. 538. vi cepit, ac proinde jure belli in potestatem Populi Romani venerat (3), ejusque ager ibi a Livio describitur, quod sit in Samnio, quem non raro cum Hirpinis contundit; forsitan ut unam eandemque esse gentem indicaret. Et denique id colligebam perpendens verba nonnullorum Auctorum describentium Romanorum ex Pyrrō victricem, relatam in Campis Taurasinis: Campos enim istos esse *apud Lucaniam*, ibique partem de Rege Victoriam scribunt; scilicet in Locis Lucaniæ finitimis (4): prout revera erant Hirpini, & signanter Taurella, Ferentinum, & Campsa. Scio Josephum Antoninum, Lucaniam illustrantem, omnino bellum Pyrræum campis Tursinii denegasse, ipsumque contendere sequutum in campis Acheruntinis (5), eo fuso argumento, quod Forentum, dictum a Frontino Fatuentum, longe distat a Tursinio, & a Benevento, ac proinde incredibile esse dicit, castra Pyrrī locata per octoginta milliaria distita ab Acheruntia, ubi ut dixi somniatur Antoninus cum Pyrrō Romanos certasse, ibique Pyrrum victum, atque faucium fugisse; & hoc ductus argumento Historicum Samnii Ciarlantem Antoninus ridet, aliosque Frontinum exponentes decerpit: At Lucano Scriptori parcendum, dum facta celebriora in Lucania eventa, rationibus non improbabilibus certat: Cæterum relictis opinionibus, ut jam notavi, bellum quo Pyrrus fuit a Romanis victus, fugatusque, vere in
can-

(1) *Liv. Lib. X. Cap. 24.*

(2) *Liv. L. 23. Cap. 1.*

(3) *Liv. L. 24. C. 10.*

(4) *Oros. L. 4. C. 2.: Flor. L. 1. C. 18.*

(5) *Joseph. Antonini Lucania, Part. 1. Discurs. IX. fol. 47.*
ad 53.

campis Taurasinorum, sequutum affirmo, nempe in Campis, incipiendo a Taurasio, per Taurellam, Agrum Ferentinum, sive Leonum, & Oppidanorum, quod ex eo etiam evincerem, nam ad partem Occiduam Urbis Ferentinæ, & non longe a Monasterio divi Guilelmi Vercellenfis, in planitie non modica, Locus adhuc vulgo appellatur *Il Campo*: Et hoc pacto, si bellum factum fuit in Taurasio, & legere velimus in Frontino, quod Romani potiti fuerint castris Regis prope Ferentum; dicam prope Urbem Ferentinum, quæ decem vel circa milliariis distat a Taurasio; vel si malimus legere Fatuentum, dicerem urbem Hirpinorum, quæ hodie dicitur Frequentum indicatam, quæ quatuor milliariis distat a Taurasio, & ejus campis; Præterea ludit Antoninus perpendens verbum Ferentum, Fatuentum, sive Beneventum; ut legunt Ciarlante, Scriverius, & Boncarsius; at in quo Liviano, Orosiano, Frontiniano, Miscellano, Floriano Codice campos, de quibus loquimur, invenerit scriptos Acheruntinos, pro Arusinis, sive Taurasinis, ut omnes habent editiones, præter suam opinionem, verbum facit nullum: Et o utinam & Textus aliquis Campos Acheruntinos, prope Ferentum, aut Fatuentum haberet: tunc enim pro campis nostris Anxantinis contenderem & Ego: nam Lacum nostrum Mephiticum sub Acherontis auspiciis quoque fuisse, Majores nostri inepte crediderunt; quin imo & ipsorum stultitiam Villici nostri ad præsens, licet ore tenus, imitantur tamen: dum enim ad Lacum accedunt, ipsum versus exclamant *Alza Caronte*: quod certe acceperunt a Majoribus, qui Acherontem Inferorum portitorem venerabantur, ac proinde, cum Lacum nostrum Mephiticum Juvam Inferorum crederent, ibi ejus portitorem Acherontem clamabant, ut alius mephiticas undas extolleret, inferiasque pro Manibus suorum exciperet.

Con-

Contenderem idcirco cum Antonino, pro campis Acherontinis, Campos nostros Anxantinos designatos, qui Ferentinam Urbem habent conterminam inter Meridiem, & Orientem, & Fatuentum, sive Frequentum inter Septemtrionem, & Occidentem: quod cum genus esset divinandi potius, non autem vetustatis a latebris veritatem involutam eruendi; standum omnino auctoritati Frontini, Flori, Orosii, aliorumque Scriptorum; Antonino certe antiquiorum, censerem: Idcirco ut præmissi, ex supra relatis animadversionibus suspicabam, inter Taurasium, Taurellam, Ferentinum, & Oppidum, usque ad Compsam, quarum agri, ut notavimus, erant sub ditione Romanorum, Lugures fuisse dispersitos: Et in campis istis vidtum fuisse Pyrrum, qui campi vere prope Lucaniam sunt, quin imo Compsam in Lucania a Ptolomæo describitur (1). Harum in medio, nempe inter Ferentinum, & Taurellam stat Mons noster, sive Civitas Echia, ubi diximus Cornelium tumulatum: autumabam igitur post peractum Romæ triumphum de Liguris istis; ad res conficiendas, Cornelium in hæc loca reversum periisse, ibique VI. idus Octobris sepultum.

Verum enim vero, melius re perpenſa, secus statuendum censeo de Viro, cujus mentio fit in lapide: Et re quidem vera Cornelius Ligurum triumphator, & ductor in loca suprarelata, fuit P. Cornelius Cethegus (2): at lapis, de quo scribimus, positus fuit Publio Cornelio Rufino; idcirco Ipsum crederem fuisse P. Cornelium Rufinum, atavum L. Cornelii Sillæ Dictatoris, cujus Plutarcus meminit (3). Is Consul Romæ fuit A. V. 464. (4)

cum

(1) *Ptolom. Europ. Tab. 6. fol. m. 44.*

(2) *Liv. Lib. 40. C. 18.: Valer. Max. Lib. 1. Cap. 12.*

(3) *Plutarch. in Vit. Sillæ.*

(4) *Janſon. Faſt. Conſul.*

cum Manio Curio Dentato, & Consul iterum A. 477. cum C. Junio Bruto Bubulco Cotronem obsedit, atque expugnavit (1); Anno V. C. 476. triumphavit de Lucania, & de Brutiis, ut ex Tabulis Capitolinis Zonara refert, licet Goltzius Collegæ ejus Bubulco triumphum tribuat (2): sed certe: *contra Samnites* -- Cornelius Rufinus, & ejus collega Bubulcus -- *missi, ingentibus præliis eos confecere: ita ruinas ipsas Urbium diruentes, ut hodie Samnium in ipso Samnio requiratur, nec inveniri facile possit*: ut loquitur Historicus, cui Titulus Miscellæ (3). Magno in honore Romæ fuit Cornelius Rufinus, & ejus Familia: At comprehensus possidere supra decem libras argenti concavi, quod Lege Censoria Civi Romano erat interdictum, ejectus fuit ab Ordine Senatorio, in cujus albo erat (4). Ex quo crederem, quod vir Clarissimus injuriam sibi illatam, iniquo animo ferens, aut eadem Censoria Lege edicante, exul ab Urbe secessit in Loca ista, jamdudum sibi nota, ibique mortuum, atque tumulatum.

De *P. Datiano*, & *Cipiano* sequitur mentio in lapide, qui credi possent Consules, ex literis subsequenter, CON., at illos in Fastis Consularibus non habemus, excepto Datiano, qui Consul fuit A. V. C. IIII. (5); ideoque legendum puto, Publico Datiano, & Cipiano LOCVM. MONVMENTI. CONCEDENTIBVS, quod mihi literæ ipsæ suadent, sive insequens monogramma, quod ut ibi jacet, transcripsi, nempe M; certe non aliter legendum quam LOCVM. idque ex eo tum mihi potissimum statui, quia Consulibus, literis interpunctatis scribitur COSS., non autem CON., prout in lapide habemus (6).

H

Hanc

(1) *Front. Stratag. L. 3. Cap. 6.*(2) *Goltz. Fast. Consul. Part. I.*(3) *Miscell. fol. 9. L. E.*(4) *Plautarch. in Vit. Syllæ.*(5) *Janſon. Fast. Consul.*(6) *Vide Inst. Lapid. Zaccaria Edit. a Monaldin.*

Hanc Inscriptionem refert Orlandus, in suo de Urbibus Italiæ Opere, mihi humanissime mutuato ab Excellentissimo D. Julio Imperiale, Faggiani Principe Optimo, S. Angeli Lombardorum Principis Filio, quique mei præsidium, & dulce decus est; at in relato Codice male transcriptam ipsam inveni: nam in primo versu Orlandus legit COR., ubi COL., in quarto versu literas S. P. sic habet sejunctas, at in lapide simul cohærent, nempe SP.: id est sepultri & in ultimo versu scribit D. AELIANO. ET. CIRINO. COSS.; quos non solum Consules nunquam fuisse habemus ex Fastis, exceptis Papi-rio Æliano, & Æmilio Æliano (1); verum nec & in lapide de illis verbum ullum; ubi, ut dixi CON. legitur, non autem COSS.: sed Viro Clarissimo parcendum; scripsit enim in fide minus accurati relatoris, ex cujus testimonio, Mephitim Anxanti, novo prorsus vocabulo, Ipse appellat *La Mosetta d' Arganto*: Arcem Longobardorum firmissimam dicit Palatium Principale Civitatis ejusdem, & quidem recte, sed Poppii sepulcralem lapidem nec memoratur; sive quod ei Relator ipsum reticuerit, sive potius quia male transcriptum viderit, apposite rejecerit (2).

XXIII. Et ad Lacum Mephiticum redeuntes, jam supra notavimus, maceries sepulcrorum in ejus planitie contineri, ibique cum ab acidis mineralibus lapides omnino sint exæsi, nullam adhuc superstitem Inscriptionem inveni; at per loca adjacentia, circa ejus ambitum, nonnullæ perlegendæ occurrunt; duas ad parietes Divæ Felicitatis Martiris inveni: Ædícula isthæc distat a Lacu, ad est sud est, passus circiter centum: Inscriptiones autem sunt insequentes.

D. M.

(1) Jansen. in Fast. Coss.

(2) Orland. de Urbib. L. A. in S. Angelo Lombardi.

D. M.
AELIAE. CRESCENTIANAE.
CORNELIVS. RESTVTVS.
COYVGI. B. M. P.

Mensio fit in lapide de notissimis *Æliorum*, & *Corneliorum* Romanis Familiis: at id tantum in Inscriptione notatum velim, quod scilicet Litera illa *Y.* ultimi versus, valet pro *N.* & *I.*: quod & in alio lapide in eodem loco reperto, modo eodem usurpatum inveni.

D. M.
IVLIE. FELICISSIME.: Sic
VETTIVS. QVINQVEN-
NVS. COYVGI. B. M.

In ejusdem *Ædiculæ* parietibus insequentem, & aliam inveni inscriptionem.

D. M.
C. SPEDI. FELICIS
SPEDIA. MAXIMINA.
PATRONO. B. M. F.

Fruſtas alterius inſcripti lapidis inferius referam; Cujusdam *Ebinii* modo inſcriptionem edam, quin imo reſtituam

..... **IVS. SEVERVS.**
CONSERVATORI SVO.
EBINIO. BENEMERENTI. F.

Lapis, qui ſupraſcriptam portendebat inſcriptionem, erat *Baſis*, cui inererat buſtum lapideum relati *Ebinii*; at fundi ruſticus dominus in partes anfracſtum, ad ſui ruralem conſtruendam domum tranſtulit: Ego autem cum denuo de lapide eodem inquirerem, ipſo dolens fraudatus,

tus, bustum illud lapideum, licet temporis injuria ex-
æsum, necum transportandum curavi, & ne de ipso me-
moriam deperiret, titulum restitutum in lucem edidi.

§. XXIV. Nonnullos & alios reticemus lapides fami-
liares, nihil enim in ipsis notatu quod præcipue dignum
sit, invenio. Referam tamen tegulas quasdam creta-
ceas sepulcrales inscriptas, quasque in Tabula IV. prout
sunt, signatas habes, ipsasque numeribus dispersitas;
sic Numero I. mentio fit Henecratis Augusti Liberti;
Numero II. Apnecratis Augusti Liberti; Numero III.
Caji Ejonii Maximi; Numero IV. Lucii Balbi, bis in
Tegula eodem nomine & prænomine repetito. Numero V.
& VI. Tegulam aliam græce inscriptam habes sic $\alpha\theta\gamma$,
 $\alpha\theta\gamma$; quam Ego legerem $\alpha\pi\upsilon\beta\epsilon\tau\varsigma$, hoc est Absconditus, si-
ve sepultus; vel potius $\alpha\pi\upsilon\psi\iota\varsigma$, h. e. Occultatio, sive lo-
cus sepulcri: Quod si mavis legere cum litera α , non
autem α (sed α quidem est), literis inversis legerem
 $\Upsilon\rho\alpha$, sive $\Upsilon\rho\alpha\eta$, h. e. Vas fictile, quasi ibi vasa fictilia
construerentur; quippe locus ubi tegula fuit reperta,
cretaceus est, non longe dissitus a Lacu, ubi tegularum
infractarum frusta abundant, ac proinde crederem, Tegu-
lam istam fuisse Notam, seu Tesseram Officinæ Tegula-
riæ, sive Vasium fictilium, ibi existentis. In Numero VII.
frustum Vasis fictilis habes, ubi inscriptum Cheus. Ante-
stius Eros. Et in Numero VIII. habes & alterum, ubi
literis inter se junctis legitur, ut opinor Clehomenes.
Quinti. Filius. Præter quæ in principio Tabulæ inscul-
ptum habes fundum Vasis, cum effigie Viri galeati, &
literis DAM. RLLI., quas legerem *Damnium Relligiosum*,
sive Vas illud sacrificulum, seu pateram, quæ supponeba-
tur Victimæ ad sanguinem excipiendum, dum mactaba-
tur; de quo cecinit Poëta:

Supponunt alii cultros, tepidumque cruorem
Suscipiunt pateris (1).

Jam

(1) Virgil. VI. Æneid. Vers. 247.

Jam enim patera isthæc damnum quoque dicebatur (1).

Præterea nonnulli Annuli obsignatorii ænei, in Locis istis reperti eduntur, & literis iisdem inversis in eadem tabula habes; quos hic ordine eodem numerico singuli exponuntur. Sic numero IX. Socrates; N. X. Marcus Ulpus Larcus; N. XI. Quintus Osilius Epaphroditus; N. XII. Quintus Florius. Chresimius; N. XIII. Vitus. Blaffius; N. XIV. explicarem Municipium Populi. Romani; N. XV. Cneus. Tiginius. Quietus; N. XVI. Valerius. Apilianus; N. XVII. Marcus. Sicilus. Cajus. Cicerrius; N. XVIII. Cajus. Decius. Fiscus. Frumentarius, sive Cajus. Decius. Fabii. Filius., & N. XIX. IESV. NAZARENO. DEO., qui quidem omnes penes me, in meo Museo, asservantur.

Cur autem in locis istis tot Romanæ Familiæ incoluerint, de quibus, sive in Lapidibus, sive in signis antedictis mentio occurrit: illarum licet nonnullæ credi debeant Samniticæ; quippe Cæsiorum, Spediorum, Crescentiorum, & Socraticorum eruditissimus Episcopus de Vita familias, in suo Tesauro Antiquitatum Beneventi diserte meminit (2); sicut & Osiliam Campanam familiam fuisse, ex Livio colligimus (3); id factum dicam, sive in Coloniarum diversis deductionibus, sive post factam agrorum inter Cives divisionem, quin imo coniecere ex hoc auderem, post captam per diversas familias Locorum possessionem, Locis ipsis ex Familiis iisdem, antiqua deleta denominatione, nomen peculiare inditum; Sic quam vulgo Terram nobis conterminam dicunt *Villamaina*, forsitan credi potest, quod olim dicebatur *Villa mania*, a Maniō Curio Dentato Consule, qui forsitan ipsam cepit, & *Villam Maniam* dixit, deleto nomine Formulani, ut prius appellabatur; Civitas nunc dicta *Mons Maranus*, credidit Vir non vulgaris eruditionis, quod olim

(1) *Joseph. Laurent. pag. 258.*

(2) *De Vita Antiquit. Benevent.*

(3) *Liv. Lib. 9. Cap. 7.*

olim dicebatur *Mons Marianus*: (1) Et ego dicerem a gente *Maria*, quæ Locum possidebat, sive quia Loci habitatores pro Mario, contra Sillam steterint. Habemus & Locum in Territorio Guardix Lombardorum, quem dicunt *La Pietra Anfrania*: An si locus ille fuerit aliquando a gente *Afrania* possessus? Et locus alter in Territorio nobis contermino S. Angeli Lombardorum dicitur *Manlii Picus*, & inter montes *Picus* quidem est; dicerem illum a Gente *Manlia* possessum. Porro, in finitima *Lucania*, Villam habemus *Lucullianam*, quæ vulgo dicitur *Lo Cogliano*; forsan a *Lucullo* ita dictam; habemus & Civitatem *Murum*, ita dictam vel quia possessam, aut subactam a Consule *P. Decio Mure*, & in *Hirpinis* Oppidum *Lo Cossano*, dicerem dictam a gente *Cossa*; Oppidum *Clusianum*, vulgo *Chiusano*, a gente *Clusia*; Civitatem nunc appellatam *Arianum*, quæ prius dicebatur *Equotuticus*, ita dictam a gente *Arria*; Oppidum *Lapium*, a gente *Apiliana*, cujus annulum obsignatorium supra retulimus; Vicum vulgo appellatum *Dente cano*, forsan a *Dentato* Consule, cujus, in loco illo, cantata fuit victoria; ut cæteras prætermittam; qui quidem in rebus vetustis conjiciendi modus plausibilior mihi videtur, quam super Locorum etimologiis perpetuas texere nenias; apud Græcos scilicet, vel apud Fenices talem, vel alteram denominationem exquirere, quod etsi aliquando improbandum non sit; de omnibus tamen sic judicare, & operosa, & incerta res est. Quantas & quales inquisitiones non videmus factas ab eruditis cur Civitas sub Monte *Vesuvio* dicatur *Summa*; multa quidem opinarunt, & scripserunt: at si satisfecerint publico, nec ne, eruditus judicet *Vetrani*, qui eos cum *Flacco* ridet (2). Et sane dum ex rebus simplicibus conjiciendi modus exhibetur,

(1) *Eleuter. Albergon. in Connex. Evangel. Quadrages. & Psalm.*

(2) *Vide Vetrani. in Prodrom. Vesuvian. Cap. 1.*

tur, abstinendum omnino est ab opinionationibus, etsi eruditionibus refertis, atque abundantibus: Et profecto, *Summam* conjicerem Ego dictam, quasi *Terminum*, sive Finem inter agrum Nolanum, & Neapolitanum, juxta divisionem a Q. Fabio Labeone factam, ex S. C. Anno V. C. DLXX. (1); ea ductus potissimum ratione, quia fines ducebantur inter cætera, ex *summis Montium jugis*, ut loquitur Flaccus relatus a Sigonio (2): Ideoque ipsam crederem dictam *Summam*, & mons ejus *Mons Summanus*, sive mons terminalis (3); Licet non negaverim nonnullorum Locorum denominationes, necessario expetendas, vel ex effectibus naturalibus Locorum ipsorum præcipuis, vel ex factis historicis, quorum eventus Majores nostri, indita denominatione, memoriæ posterum apposite commendarunt, quod perspicuum quidem est.

§. XXV. Et ulterius progredientes; jam diximus §. 2. Libri I., duas vias ducere ad Metitum, Appiam scilicet, & Domitiam quas delineatas habes Tab. II. N. XI. & XII.: Viarum istarum omnes Rerum Romanarum Scriptores, nec non antiqui, & recentes Geographi meminerunt: extatque Itinerarium Antonini, in quibus continuationes, & milliaria de loco ad locum describuntur: Novissime vero Vir Cl. Canonicus Pratilli accuratam de Via Appia edidit descriptionem, licet nonnulla, animadversione digna, Jesualdus in ejus opere carperit, quod cæteroquin omnibus Scriptoribus rerum antiquarum necessario evenire debere fatendum est: At quidquid Jesualdus edixerit, certe Pratillus, omni qua potuit industria, de Via Appia fermocinatus est: Hanc describens a Quinto decimo (Urbe Æclano ab Ipso credita), per Castra Fontis Rosæ, & Jesualdi, prope Frequentum, ducentem ad Romuleam, solam Itinerariorum sequitur auctoritatem, nec ullum præ oculis habuit.

(1) *Cic. de Offic. Lib. I.: Val. Max. Lib. III.*

(2) *Carol. Sigon. de Rep. Coloniar. Cap. IV.*

(3) *Vid. Carol. Franchi. diss. pro Civit. Neap. Cum Aversanos:*

buit lapidem , five aliud monumentum ad rem firmandam : Tres ego lapides edam de Via Appia signanter statuentes , nuper repertos , quique penes me affervantur.

§. XXVI. In Civitate Frequenti nonnullæ adhuc extant Inscriptiones , & signanter in parietibus antiquæ Ecclesiæ S. Marciani ; ipsæque partim anfractæ , & partim in illius parietibus cunsepultæ , quarum literæ quædam contemplandæ vix exhibentur , non autem legendæ ; una tantum excepta quæ hæc habet

..... BOVIVS. N.

ET. M. L. HILARUS.

MAC. AVG.

VIAM. STRAVIT.

LONG. P. LVII.

D. D.

& altera in Platea Civitatis ejusdem , & ipsa quoque coliffa , tantumque legitur

ANTISTYVS.

ISOCRYSVS.

ARCHITECT.

Has apposite Ego retuli , quia prima , ut præfertur , Magistrum Augustalem meminit Bovium , ipsumque Viam sternentem ; & altera Architectum ædificiorum forsan , vel etiam viarum ; relicta sepulcrali inscriptione , quæ in latere dextro habetur Portæ Cathedralis ejusdem , quia nihil in ipsa novum , aut ad rem faciens , de qua differimus inveni : Nec inscriptiones relatas a Pratillo in Civitate præfata , a CLAVDIO . OFFELLIO . positam MERCVRIO ; & alteram CEPIDIVM . NICERIVM (1) . memorantem , invenire potui etsi de illis diligenter inquisivissem ;

(1) Pratill. de Via App. L. 4. Cap. 4.

sem : Porro in parietibus antedictæ Ecclesiæ Divi Mar-
 ciani nonnulli observantur lapides numeris tantummodo
 distincti, certe Viarum distantias portendentes, & ad
 Viam Appiam, sive etiam Domitiam spectantes, ut in-
 ferius dicemus: At insignem insequentem Lapidem, mihi
 communicatum a R. D. Carmelo Pascucci, Canonico Pri-
 micerio Cathedralis ejusdem, quem ipse in ejus domo vidi,
 semel, atque iterum legi, atque in lucem edere operæ
 prætium existimavi.

C. TREBIVS. C. F.
CAI. NEPOS. IVR.
IVR. D. O.
SL. N. I. T. A. BL. F. C. P.
N. A.
QVA. F. S. A.
D. Q. I. OVAT.
P. T.

Et priusquam de subiecto inscriptionis, & illustratio-
 nis ejus dicam; ipsam ita in suis interpunctionibus le-
 gerem: *Cajus. Trebius. Cai. Filius. Cai. Nepos. Ju-
 ridici. Juridicundo. Signum. sive Simulacrum. Novum.
 In. Templo. Anubi. Fecit. Cum. Pecunia. Numerata.
 Quæ. Fuit. Sibi. Adsignata, sive Adjudicata. Dante.
 Quæstore. In. Ovatione. Posuit. Titulum.* Ipsam erudi-
 tiores melius legant: Dum Ego de subiecto illustrationis
 ejus dicam: Insigne, Lapis iste, Familiæ Trebiorum est
 Monumentum; quippe ex quo rescimus Cajum Jurecon-
 sultum præclarissimum, dictum in lapide *Juridicum
 Juridicundo*, ex Familia Trebiorum fuisse. Caji usque
 adhuc prænomen innotuit tantum; at Nomen ejus peni-

tus ignorabatur, & Familia (1):

Floruit Cajus *Pii Antonini*, sive *Hadriani* temporibus, ut scribit Cujacius (2); *Sub Hadriano, & Marco*, nempe *Aurelio*, ut ait Vinnius (3); *Hadriano, atque Antonino Pio juniore*, ex Cyrilli sententia (4). Autumavit Cujacius, Cajum fuisse ex Familia Cassiorum: nisi & hic quoque, verba sunt Cujacii, ex *Cassiorum familia fuit* (5); Sed cur ita judicaverit causam adducit nullam. De Trebiorum igitur familia fuisse Cajum, ex relato lapide conjici potest. Cur autem Tribonianus, Caji commentaria memorans, ipsum dicat *Cajum nostrum* (6); ob benevolentiae significationem, ait Vinnius (7); quia eo auctore precipue usus sit, inquit Cujacius (8). At Ego opinarem, Tribonianum, licet natione græcum, auctore Procopio, (9) oriundum forsan fuisse ab Urbe, & a gente Trebia, a qua dictus fuit Trebonianus; pari modo, quo a Claudia gente Claudianus, ab Ælia, Ælianus &c. (10). Tribonianus igitur, ut generis sui originem a Cajo Trebio indigitaret, *Cajum nostrum*, peculiari affectionis vocabulo dicit: Cæterum an gens Romanorum Trebia, oriunda fuerit a Trebio Compsano cive, quem Livius meminit (11), pro certo statuere non audeo; licet non improbabiliter id autumari possit.

§. XXVII.

- (1) Zaccaria. Edent. Monaldin. Instit. Lapid. p. 65. L. 2.
C. 1. §. 1.
(2) Cujac. in Proxm. Instit. Justinian. §. VI.
(3) Vinn. in Proxm. Instit. Justinian. §. VI.
(4) Joseph. Pascalis Cyrillus sup. Inst. Justinian. in princ. Histor. Jur. Rom. §. Celebriores.
(5) Cujac. in loco ut supra.
(6) Tribonian. in Proxm. Instit. Justinian. §. 6., & Leg. 4. Tit. 18. §. 5., & in Orat. ad Antocess.
(7) Vinn. Ibid. ut sup.
(8) Cujac. ibid.
(9) Procop. Lib. 1. de Bell. Pers. Cap. 24.
(10) Wailfant. in gente Claudia fol. 284.
(11) Liv. Lib. 23. Cap. 1.

§. XXVII. Sed e diverticulo ut in Viam vere redeamus; jam diximus Canonicum Pratilli nullum antiquum lapidem edidisse, describentem Viam Appiam a Quinto decimo ad Romuleam, quam vulgo nunc dicunt *Bisaccia*: Ego Cippum nobilissimum edam, qui penes me asservatur, nuper repertum in Territorio Patriæ meæ, in loco ubi dicitur *Costa Diana*, qui parum distat a Mephitico Lacu ad orientem; ibique non longe Via Neapolitana, seu Domitia, jungitur cum Via Beneventana, seu Appia, quam vulgo nunc dicunt la *Strada*: Cippus autem, prout præfertur videre est.

CLPI	U	NIOT	F. F.
M. FOLVIVS. M. F. FLAC.			
C. SEMPRONIVS. T. F. GRAC.			
C. PAPERIVS. C. F. CARB.			
III. VIR. E. A. I. A.			

Quatuor Romanarum perillustrium Familiarum, in Cippo mentio occurrit, Liciniæ, Fulviæ, Somproniæ, & Papiriæ.

Et gentem Liciniam plebejam fuisse, sed claram, & Consularem; rerum Romanarum Scriptores nos edocent: ipsamque diversis cognominibus distinctam, nempe *Sura*, *Crassa*, *Luculla*, *Macra*, *Murena*, *Nerva*, *Stolone* (1).

Gentem Fulviam a Tusculo oriundam, plebejam quidem, sed multis auctam honoribus Cicero testatur (2): In tres familias cognominibus discretas, ipsa divisa est; Nam *Pæтини*, & *Nobiliores* primam; *Centumali* secundam;

(1) *Waillant in Numm. Famil.: Lucilius. Ant. Augustin.*

(2) *Cic. Philippic. 3.*

dari; & tertiam obtinent *Flacci*, de quibus mentio in lapide fit.

Sempronia gens fuit Patricia, postea ad plebem traducta, Plebeja facta. Ex diversis cognominibus, diversas quoque familias agnoscimus; *Atratinam* nempe, *Blasam*, *Longam*, *Sopham*, *Tuditnam*, & *Graccam*, de qua hic dicemus (1).

Gens Papiria altera fuit Patricia, licet minorum gentium, ut Cicero ad Pætum loquitur (2) (quos nempe post Romulum in Senatum Tarquinius Priscus adlegerat (3)), quæ Papiria dicebatur; cujus cognomina *Mugillanum*, *Crassum*, *Curforem*, & *Massonem* idem Cicero ibidem meminit: Altera fuit Plebeja, & ex ejusdem Ciceronis judicio contemnenda, cujus cognomina scimus fuisse *Turдум*, & *Carbonem*, de qua in proposito Cippo inscriptio legitur.

Graccorum historiam, inter Romanarum rerum scriptores, vix est qui reticeat: hic tantummodo ad Cippum relatum pertinentia attingam. Et Tiberius quidem Graccus Filius Tiberii, Viri Consularis, & Cornelie, Scipionis Africani Filie, Tribunus fuit Patribus infensus, ob sædus Numantinum dissolutum (4); is cum legem Liciniam renovandam populo retulisset, adversus voluntatem Senatus, & ordinis Equestri, ne quis ex Agro publico plusquam decem jugera possideret, quod Plebiscito sancitum fuit; seipsum, Cajum Graccum, fratrem germanum, & Ap-pium Claudium, socerum suum, Triumviros agri dividendi eligendos curavit, totamque Italiam pro causa divisionis hujusmodi, integra ætate peragravit (5). At Tiberio a Publio Nasica interempto, conjurantibus simul Publio Saturea, & Rubrio Collegis, sive Rufo, ut scri-

(1) *Plin. Plutarch. Cic.*

(2) *Cic. Ep. Famil. L. 9. Ep. 21.*

(3) *Liv. L. 35.*

(4) *Flor. in Liv. Dec. 14. Lib. 58.*

(5) *Plutarch. in Gracc.*

scribit Plutarchus (1); Populus, in ejus Triumviratus locum, suffecit Publium Licinium Crassum (2), de quo in capite Cippi fit mentio, ut mox dicemus.

At quoniam Publius Licinius ibi non appellatur Triumvir, & de Appio Claudio reticetur omnino; de Lapidis genuina antiquitate, haud perperam dubitabam: verum enim vero, cum de Istorum Triumviratu, ex Floro liquido constet: *Seditiones a Triumviris Fulvio Flacco, Cajo Gracco, & Cajo Carbone de agro dividendo creatis excitata* (3), quos & Triumviros vere fuisse Plutarchus meminit (4); idcirco autumarem, Appio Claudio vita functo, gravis enim tunc erat annis, quippe qui jampridem Consul fuerat cum Cajo Metello, & dum Triumvir fuit creatus, Princeps erat Senatus (5); & Crasso ad Consulatum evecto (6); Marcum Fulvium virum Consulare (7), & Papirium Carbonem, olim qui Plebis fuerat Tribunus (8), ipsis substitutos; utrosque Patribus infensos, qui pro Plebe & pro Lege Sempronia, ad scelera usque contendebant: Hi enim Scipionem Africanum, Publii Æmilli Filium, qui Patrum tuebatur partes, propinato per Semproniam, uxorem ejus, veneno, enecarunt (9); finitimos Italiæ populos ad defectionem concitarunt, ipsosque tandem, Fulvio edicante, Civitate donarunt (10).

Cajus igitur Sempronius Gracchus, Fratre Tiberio in-

(1) *Idem in Gracc. : Hist. Univers. Vol. 4. Fol. 5040.*

(2) *Flor. Epit. Liv. L. 59. Fol. mihi 356.*

(3) *Flor. ibid.*

(4) *Plutarc. in Gracc.*

(5) *Hist. Univers. Vol. 4. fol. 5051.*

(6) *Hist. Univers. Vol. 4. fol. 5095.*

(7) *Eod. Vol. 4. fol. 5019.*

(8) *Eod. vol. 4. fol. 5096.*

(9) *Cic. Ep. Famil. L. 2. Ep. 2. : Appian. de Bello. Civil. Lib.*

1. : Plutarc. in Romul. & in Grac.

(10) *Hist. Univers. Vol. 4. Fol. 5110.*

interempto, omisso foro, se in otium dedit, Patrum certe potentiam veritus; sive ut Illis invidiam Plebis accumularet: at vitam privatam agenti, omnesque Magistratus sedulo repudianti, scribit Cicero (cui credat Judæus apella non ego), Tiberium Fratrem in somnis visum dixisse: *Quid tardas Cai? nulla est fuga, sed ambobus unam vitam, & unam mortem pro Populo Romano certantibus fata statuerunt* (1). Ex quibus verbis commotus, in Forum rediit, & pro rostris quendam Vestium, sui amicissimum acerrime defendit: deinde Quæstor creatus, lubens, cum Lelio Aurelio Oreste Consule, in Sardiniam navigavit: Postmodum, Matre Cornelia reluctante, & post varios casus, Tribunus Plebis electus, Legem Liciniam tuendam enixe suscepit, aliaque permulta peregit, & illud præcipue circa viarum procurationem diligentissime se præbuit, tum utilitatis causa, tum etiam ornatus, ut ait Plutarchus: *Rectis quidem regionibus vias deduxit diverso præterea viarum spatio, singulis milliariis columnas lapideas, spatii signa præferentes constituit: Alios insuper lapides parum inter se distantes, ex utraque viarum parte disposuit, ut ex illis faciliter, & sine saltu in equis esset ascensus* (2). Ob hæc etsi Populo gratus: tandem secundi Tribunatus officio functus; tertio, Collegis ejus suffragia occultantibus, non fuit Tribunus confirmatus: quin imo cum Opimius Consul nonnullas Cai Leges abrogandas suscepisset, eodem die, quo de abrogatione ipsarum erat relaturus; Cajus, incitantibus amicis, & Marco Fulvio Flacco signanter, & Ipse, & Fulvius, contracta multitudo, Consuli nova molienti, restituerunt: Imber eo die certamen suspendit; postridie vero certatum est: Fulvius, & duo ejus filii occisi; primus una cum Patre in balneo, quo se receperant, & natu minor alter, qui a Consule in carcere detinebatur, miserrime jugulatus

(1) Cic. relat. a Plutarch. in Grac.

(2) Plutarc. in Gracc.

tus; *Cajus* autem, scribit *Plutarchus*, in *Templum Dianæ* se retulit, manusque sibi ipsi afferre cum vellet, a *Licinio*, & *Pomponio*, fidissimis *Familiaribus* suis, prohibetur: Hi namque præsentem gladium ademerunt, & ad fugam cohortati sunt; Reliqui autem cuncti ipsum deseruerant Fugientem *Cajum* adversarii prosequuti, cum juxta pontem ligneum jam assequerentur; *Familiares* duo, quos supra memoravi, illum procedere, ac maturare fugam jubent; ipsi vero in ponte ipso, ruentibus adversariis se objicientes, non prius quemquam transire permiserunt, quam ipsi pugnantes occisi sunt. Cum *Cajo* servus unus aufugerat *Philocrates*: At cum universi certatim eum ad fugam hortarentur, nemo tamen auxilium præstaret, nec petenti equum quisquam concederet, & jam adversarii adessent, præripit ille se in *Sacrum Deorum Nemus*, ibique occiditur per manus *Philocratis*, qui primo dominum; deinde se peremit *Caput Gracchi* tradunt abscissum primo ab alio, deinde ab amico quodam *Opimii*, *Septimulejo* nominis per vim ablatum: Nam promissum erat in principio pugnae, ut qui *Caji*, & *Fulvii* capita referret, æquum auri pondus ex publico acciperet: Relatum est a *Septimulejo* pilo transfixum; statera deinde impositum, librarum decem, & septem, ac dimidio pondus traxit, *Septimulejo* improbe machinato, nam detracto cerebro, plumbum infuderat: Qui vero *Fulvii* caput retulerunt (erant namque ex tenuioribus,) nihil omnino reportarunt. Corpora *Caji*, & *Fulvii* in *Tiberim* projecta, bonaque eorum publicata (1).

Licinius itaque inter certandum occubuit: *Fulvius* in *Balneo* obtruncatus, & *Cajus Graccus* a *Servo* enecatus. Nec *Carbonis* dispar fuit exitus, teste *Tullio*: *Cajus*, accusante *Lucio Crasso*, *cantaridas* sumpsisse dicitur: Is & *Tribunus Plebis* seditiosus, & *Publio Africano* vim attulisse existimatus (2), habuitque hic Fratres *Cn. Carbo*.

(1) *Plutarc. in Gracc.*

(2) *Cic. L. 2. Ep. ad Famil. Ep. 21.*

bonem , qui a Pompejo occisus ; Marcum Carbonem , qui accusante Publio Flacco , fur magnus a Sicilia condemnatus est (1) : O vere mobilium turba Quiritium (2).

An iste Licinius ille fuerit , de quo in capite Cippi fit mentio , pro certo asserere non audeo : At opinando dicerem , & Vettium Quinquennum §. 21. supra relatam , & de quo inferius alia subnectemus , illum fuisse , cujus causam Graccus defenderat , ipsoque , ejus amicissimo usum , pro operibus publicis ; parique modo , & Licinio , qui usque ad necem pro Gracco stetit ; nisi ex dictis superius colligere malis , Licinium de quo in Cippo , illum fuisse , qui Triumvir Agris dividendis , post Tiberii necem , fuit suffectus ; postea ad Consulatum evectus , una cum Triumviris M. Fulvio , C. Gracco , & C. Papirio , vias procuravit ; ideoque literas in Capite Cippi legerem .

CL	LI	FF.
----	----	-----


Pubio Licinio Crasso , sive Consule Procurante Fecerunt . Scio literas numerales quoque esse siglas illas , seu spatii signa præferentes , ut supra cum Plutharco notavimus , ideoque legendas , prout Notæ Numerales sunt ; nempe ^{CL}L. Mille Passus LI. ; viam metiendo a Neapoli ad Loca , ubi Cippus positus fuit : dixi a Neapoli , nam ad viam Domitiam pertinere autumarem , quam debuit Graccus rectis regionibus deducere , & columnis Milliariis exornare : quippe via a Neapoli , per Nola , Abellinum , Candidam , Locostanum , Villam Maniam , usque ad Patriam meam , absque saltibus difficilibus , rectis regionibus duci poterat ; quam licet interfecet flumen Hirpinorum

(1) *Idem ibid.*

(2) *Horat. Odar. Lib. 1. Od. 1.*

rum *Calor*, juxta *Locossanum*; ibi adhuc extat pons firmissimus, certe antiquitus constructus, ut per se cernentibus præfertur: Et sive ad viam *Domitiam*, sive ad *Appiam* referatur *Columna isthæc*; literæ in ejus capite ita sunt copulatæ, ut *Milliaria* simul; & sub cujus *Procuratore* fuerit posita demonstrant.

§. XXVIII. Parum distita a loco, ubi supra relata *Columna Milliaria* sita erat, fuit reperta & alia, & proprie in loco ex ditioe *Frequenti*, ubi dicitur vulgo *le Sterpaje*; hæc quoque penes me asservatur, habetque tantum in vertice nomen *Vettii* sic:



Hæc certe *Viam Appiam* indigitabat, ibi enim positam vidimus, ubi habemus *Viam*, quæ vulgo dicitur *La Strada Beneventana*: In *Locis* istis jungebantur *Via Domitia*, & *Via Appia*; Ex hoc lapide conjicerem non solum *Viam Domitiam* a *Cajo* exornatam, atque munitam; verum etiam, & *Appiam* ulterius a *Capua*, & a *Benevento* deductam, quod & ex supra relatis *Plutharchi* verbis evincitur, *Rectis quidem regionibus Vias deduxit* (1); quibus in operibus *Vettio* usus fuit; quem diximus sibi amicissimum, & forsan illum fuisse, a *C. Gracco* defensum, cujus agnomen *Quinquennium* ex *Lapide* §. 21. hujus libri rescimus. Cæterum *Vettia*, sive *Vectia* Familia a *Sabinis* oriunda, postmodum inter *Romanas* adscita, præclaris *Reipublicæ* honoribus fuit decorata (2); ac proinde *Vettiorum* lapides frequentissimi (3).

K

§. XXIX.

(1) *Plutharc. in Grac.*

(2) *Waillant. Num. Famil.: Cic. in Orat. pro Flac.*

(3) *Reines. Pag. 93.: 450.: 480.: 688.: 851. &c. &c.*

§. XXIX. Porro in antedicta Divæ Felicitis Ædícula, lapidis frustra inscripta collegi, unam certe eandemque inscriptionem, quæ continebant; lapis enim idem est, & characteres inter se sunt similes: in majoris molis frusto, hæc habentur


P. MINATIVS

SILVINVS

..... TVLAC

..... IDΛΛ

& in altero æque colliso, in parte ejus superiori, hæc habentur



Jam Marcum Allium credi debet fuisse de gente Allia, quæ dicta fuit Ailia, & postmodum Ælia (1); sicut & Publius Minatius de gente Minatia, de quibus erudite Waillantius (2). An vero Minatius hic fuerit ille Civis Æclanensis, Vellei Paterculi Atavus, qui *cum Silla Dictatore, legione in Hirpinis collecta Compsam cepit, Erculaneum, & Pompejanum destruxit* (3); & an si in hoc lapide de tali expeditione loquatur, sub iudice lis erit, donec relati lapidis partes reliquæ inveniantur.

§. XXX. Ego tantum subneſterem, Roccam S. Felicis, Patriam meam, ibi olim fuisse ædificatam, ubi ad præſens præfata Divæ Felicitatis Ædícula veneratur, dictamque tunc temporis Æclanum, quæ Hirpinorum
Urbs

(1) *Waillant. in Fam. Aelia.*

(2) *Waill. in Famil Minatia.*

(3) *Frontin. de Colon. P. 126.: Appian. L. I. de Bell. Civil.*

Urbs fuit celeberrima (1), extantque ejus magnificentiæ etiam nunc disjecta, per loca ista, fastigia; & signanter pavementum antiqui Balnei; & locus vulgo appellatur *Bagno*; ibi fons aquæ dulcis, cujus ductus arte perpolita firmiter constructus, etiam nunc admiratur: & Fons ipse vulgo dicitur *Fontana del Bagno*. Cryptæ artefactæ excavantur ibi, & per loca circumjacentia, antiquæ Urbis cloacæ, sive aquarum conservæ. Nuper in ambitu eodem effossam contemplavimus partem viæ constructam, minutis inter se contextis lapidibus calcareis, dicam potius lapillis, modo eodem, quo dicimus *alla Musaica*; & locus ille vulgo dicitur *la Stradella*; quam credidi fuisse pavementum magnifici alicujus ædificii, quia in loco eodem lapides sculpti continuo excavantur, certe ad ædificia olim accomodati; nec in girum, ædificiorum continuata vestigia desiderantur, sive inter rudera parietes consumpti: Loca quædam etiam nunc retinent pristinas Sacrorum Templorum, sive Nemorum denominationes: Sic ubi Feronia inepte colebatur, dicitur nunc *la Ferrera*, ibique consumpta mœnia adhuc contemplantur: Ubi Lucum Dianæ, modo dicunt vulgo *Costa Diana*: nec procul a loco isto, plumbei aquæducti excavati: Præterea id mihi suadent adducti superius lapides, & signa tot illustrium Familiarum, necnon, & regulæ sepulcrales: quin imo, dum hæc scribebam effossus fuit lapis, in quo insculpta admiratur Aquila, alis expansis, signum certissimum Colonix Romanorum, at collisus lapis est, & absque ulla inscriptione: Porro ex Cicerone rescimus, Ipsum Mephitim Anxanti vidisse; *ut & Anxanti in Hirpinis, & Plutonia in Asia, quæ vidimus* (2): At ipsam vidit, dum Brundisium perrexit: in hac expeditione per

K 2

Pom-

(1) *Cic. de Divinat. Lib. 1. Cap. 21. Præd. Via. App. Lib. 4. Cap. 4.*

(2) *Cic. de Divinat. Lib. 1.*

Pompejanum affirmat Attico, se *Æclanum* venturum (1) dicendum igitur est, Ciceronem, quoniam per *Pompejanum* venit, quæ in via Domitia, sive Nolana erat, viam Domitiam tunc excurrisset, non autem Appiam; quæ per Capuam, & Beneventum ducebat Brundisium; & in qua viam contendunt Cosmographi, *Æclanum* fuisse, quæ ibi nunquam fuit, ut mox dicemus: Accedit ad hæc, quod *Æclanensis Civitatis* a nobis designatus locus, omnibus Hirpinorum Locis amænissimus est; quippe planitiem non modicam habet; medius inter Vias Appiam, & Domitiam, totam prospiciens Vallem Beneventanam, & juges colliculos Abellinum usque, habens ad meridiem prospectum Montium Montellæ, Acerni, & Syri; ad occasum Montis Matris Magnæ, quem nos merito *Montem Virginis* nuncupamus: Aër ejus temperatus, & saluberrimus: Nam etsi in Locis juxta Lacum immediate aër sit respirantibus, ad necem usque infestus, in certa tamen distantia, prout in Loco de quo loquimur, salubris est, & præcipue vertigine laborantibus (2). Autumarem igitur, quod armis Romanorum deleta *Æclano*, sive potius a Terræmotibus disjecta, qui superfuere Cives super Pico lapideo firmissimo, arce constructa, quam habes Fig. IV. N. I., ipsam in girum, inter orientem, & meridiem, suas domos ædificarunt, ut in ead. Fig. N. II.: nisi malimus potius judicare, hanc Urbis *Æclani* olim arcem fuisse, quod evincerem ex Loci adhuc perdurante denominatione: vulgo enim *La Rocca* appellatur; & re quidem vera Roccæ antiquæ, sive Arcis mirabilis, adhuc consumpta mœnia, & Turris molis non spernendæ perdurant: Arcem hanc Franciscus Regalis restituit collapsam, ut ex lapide in aditu jam dictæ Turris colligitur, qui hæc habet.

FRAN-

(1) Cic. ad Attic. Lib. 16. Ep. 2.

(2) Leonard. de Capua in Tract. de Mephit.: Pratill. Via App. L. 4. Cap. 4. fol. 461.

FRANCISCUS. BARO. RE.
GALIS. REFECIT. A. 1603.

Cæterum Arcem istam celebrem reddidit Enricus, Frederici II. Imperatoris filius, qui A. D. 1236 in ipsa fuit, Patre imperante, detentus (1); quidquid de Terra, vulgo dicta *Santo Fele*, in Lucania, super re ista Antonini somniaverit (2), rejiciendum.

§.XXXI. Scio Cluerium, *Æclanum* credidisse, Civitatem *Frequentum* (3); ipsumque soquutum Camillum Peregrinum (4); quibus adversatus Holstenius, Ipsam credit fuisse juxta Civitatem Mirabellam (5), & cum Holstenio Patres Benedictini a S. Mauro (6), & novissime, Pratillus (7); & Wessellingius (8). At Auctores præfati, ut suam quisque tueretur sententiam, antiqua Itineraria mendis scatere edixerunt: ac proinde ipsa corrigentes, certas de Locis ad Loca statuerunt distantias; quæ cæteroquin aliter in Itinerariis descriptæ inveniuntur: sic laudatus Wessellingius Antonini Itinerarium commentans scribit:

A. Benevento Hydruntum M. P. CLV.

Eclano

M. P. XV. (9)

fed in adnotationibus subdit Sura: *Æclano M. P. XV. Reliqua Exemplaria hoc itinere Eclano M. P. XXV. habent* (10). Pari eodemque modo Itinerarium hoc mendosum di-

(1) Vid. Murator. *Annal. Ital. An. 1236.*: Riccard. de S. Germ. in *Chron.*

(2) Joseph. Antonin.

(3) Cluer. *Ital. Antiq.*

(4) Peregr. diff. 2. de ducat. Benevent.

(5) Holsten. in *Ital. Ant. Cluer.* p. 273.

(6) Vid. Pratill. fol. 455. in *Via App.*

(7) Id. Pratill. *ibid.*

(8) Wessell. *Itiner. Antonin.* p. 120.

(9) Wesselling. p. 120.

(10) *Ibid. Sura.*

dicat Pratillus, ac proinde & ipse scribit M. P. XV., sic ad suas firmandas sententias Itineraria contorquentes (1).

§. XXXII. At ut inter præfatos scriptores, super antiquis Itinerariorum Exemplaribus quæstio finiatur, necesse est, ut *Eculanum*, ab *Eclano Urbe* distinguatur. Quippe de *Eculano Urbe* mentio occurrit apud Ptolomæum: *Hirpinorum Urbes sunt Eculanum, Abellinum* (2), ibi *Ἀβελλῶν*; Et apud Appianum: *Sulla Eculanum oppugnare cepit* (3); Cives *Eculanenses* meminit Plinius (4): præterea idem Pratillus refert lapidem, ubi... R. P. ECVLANEN. (5); At lapis a nobis supra §. XVII. relatus habet: COL. AECLANENSIS.; & COL. AECLANENSIS: lapis alter refertur a Grutero (6); *Æclanum* Cicero meminit (7); ut reliquos prætermittam. Idcirco dicendum est, diversam fuisse *Urbem Eculanum* ab *Urbe Æclano*; ac proinde *Urbem Æclanum* fuisse olim, quæ nunc *Rocca S. Felicis*, Patria mea, nuncupatur, quæ vere distat a Benevento M. P. XXV., ut supra §. III. Libri I. notavimus; & *Eculanum* fuisse eam, quæ ab Holstenio prope Mirabellam indigitatur, quæque a Benevento distat M. P. XV.; ex quo *Quintodecimum* ipsam recte appellitarunt (8). Ideoque dicendum: si legas in Itinerariis,

ECVLANO. M. P. XV.

dic, *Quintodecimum* prope Mirabellam, designatam; si legas,

ECLANO. M. P. XXV.

dic indicatam *Æclanum*, Patriam meam, ubi Via Domitia, cum Via Appia jungebantur. Quod si infirma aliquibus videantur adducta argumenta ad evincendum de
Ur

(1) Pratill. *Via App. Lib. 4. Cap. 4. fol. 454.*

(2) Ptolom. *Lib. 3. Tab. 6.*

(3) Appian. *Lib. 1. de Bello Civil.*

(4) Plin. *Lib. 3. Cap. 11.*

(5) Pratill. *fol. 455. Via App.*

(6) Gruter. *fol. 446.*

(7) Cic. *ad Attic. sup. cit.*

(8) Pratill. *Via App.*

Urbis Æclanensis antiquo situ; velim meminerint, quod si Samnium in ipso Samnio requiritur, nec inveniri possit, ut loquitur Historicus, cui Titulus Miscellæ, supra a nobis relatus, quid mirum, si de Æclano Urbe disputetur.

LIBER III.

§. I.

AB antedictis observationibus, qualescunque illæ sint, expediti, instituti ratio postulat, ut de Religioso cultu Mephiti insano Deo olim tributo, aliqua, ut præmissi, subnectam. Et Mephitim Deam, sive Deum inepte creditum fuisse, ex Templis in ejus honorem erectis, & superstitioso cultu ei præstito, luculenter evincitur; quod cæteroquin vitioso more effectum, Cicero, etsi gentilis, testatur (1): Majores enim nostri non solum bonos, quos sibi effinxerunt, Deos coluere, sed etiam quos malos & esse, & posse Hominihus mala inferre crediderunt: *Sicut prosperis Diis*; verba sunt Servii; *ut juvent, ita adversis, ne obsint sacrificandum est*; (2) quem ritum Cicero videns ajebat: *Qui tantus error fuit, ut perniciosus etiam rebus, non modo nomen Deorum tribueretur, sed etiam Sacra constituerentur: Febris enim Fanum in Palatio, & Orbonæ ad ædem Larum, & aram Malæ Fortunæ Exquiliis consecratam videmus* (3).

Et re quidem vera jam supra monuimus, Vulcanos, Charoneasque Scrobes, portas Inferi ab Ethnicis creditas; ideoque ut Deos infernales sibi proprios redderent, Loca istiusmodi, tanquam sancta coluere, ibique præcipue inferias Manibus dabant.

§.II. Et ex hoc intelligi potest, cur antiqui Christiani per-

(1) Cic. ad Tuscul. Lib. 1. Cap. 13.

(2) Serv. sup. Æneid. Virgil. Lib. 4. Vers. 58.

(3) Cic. de Natur. Deor. Lib. 3. Cap. 25.

pertinaciter tenuerint, Vulcanos vere cum inferis communicare; quod eo usque precessit, ut Sanctissimi inter ipsos, & eruditissimi viri, cum desperarent, posse dimovere ab hac credulitate vulgum signanter priscorum fidelium, & ipsi, quasi eandem opinionem adoptassent simulantes, credulitatem illorum in usum meliorem converterunt: Sic Sanctus Pionius, Sanctus Patritius, Sanctus Philippus Eracleensis Martires, ignem Vulcanorum *divinum, ac Dei Ministrum* dixere, *ipsumque cum inferni igne sociari* (1); non secus ac jampridem nonnulli Christiani responderunt Ethnicis quibusdam, quærentibus ab ipsis, quo pacto tam vehemens, tantusque ignis a Vesuvio potuisset erumpi sub Tito Vespasiano, ut circumpositam regionem, cum Urbibus deleverit; responderunt inquam: *ex gehenna diablo, & ejus Angelis, nec non peccatoribus, & impiis hominibus preparata, illum (ignem) scaturivisse, ad peccantium correctionem, & pœnitentiam* (2): His accedit Tertullianus, qui Vulcanos appellat: *Inferni quædam fumariola* (3), quibus expressionibus, dicendum est, usos fuisse Viros istos, morum sanctitate, & doctrina fulcentes, ut a visibilibus Vulcanorum effectibus, invisibilem gehennam, ejusque cruciatus melius credentes intelligerent, juxta illud Apostoli: *Invisibilia Dei, per ea, quæ facta sunt, intellecta perspiciuntur* (4): ideoque ad intensiorem Infernalis ignis vim indicandam, Tertullianus Vulcanorum ignes dixit *Inferni fumariola*; nec aliter Vir Clarissimus ibi debet intelligi; alioquin de tot Vulcanis extinctis, vel debuisset judicare, portas Inferni ibi clausas, aut quam aliam causam excogitare potuisset, non invenio.

§. III. Scio Theologos non vulgares, ut Eminentissimus Baronius animadvertit, vere asseruisse, Etnam, Vesuvium, Vulcanos notissimos, ora Inferni esse, at idem Baro-
nius

(1) Vide Vetran. In Prodrom. Vesuv. Cap. 4.

(2) In Codic. Græco Vatican. Bibliothec. 790. fol. 98.

(3) Tertullian. de Penit.

(4) Ad Rom. 1. Cap. 20.

nus ipsis non assentitur, subnectens, Vulcanos in Orbe Terrarum tales esse, ut pro aliqua similitudine possint Inferorum igni comparari: *ad peccantium scilicet correctionem, & pœnitentiam*, ut prisca supra relati Christiani Ethnicis inquirentibus responderunt.

§. IV. Quibus adderem, quod Ecclesiæ Patres, ut possent paulatim ad Fidem conversos a Patriis superstitionibus detertere, nonnulla, quæ Fidem Catholicam non aversabantur, blandiori explicatione adhibita, tolerantes, sustinere. Sic divus Augustinus in Libro de Civitate Dei ostendit, omnia regi divina gubernatione, & voluntate; *quam si quis Fatum dixerit*, ait, *non erraverit*: melius enim duxit Sanctus Doctor Ecclesiæ, de rei substantia Christianos instituere, quam super Vocabulo inanem quæstionem movere: ubi vero Doctor idem Egregius depræhendit, quod suis adhuc temporibus, nonnulli Christiani nefandis superstitionibus, demones venerabantur, illos & reprehendit acriter, & ad resipiscendum instruit: *Putant pravi homines*; aiebat D. Augustinus; *quod hoc demones præstant, quos adorant:... timendum est, ne irati noceant, nisi Ille (Deus) permittit: Ipsi habent semper voluntatem nocendi; nec si regentur demones desinunt nocere velle, hoc enim malevolentia illorum proprium est: Ergo quid facies, eos colendo, nisi ut Illum offendas, Quo offenso, in illorum potestatem daberis: & qui nihil tibi possunt facere, Illo placato, faciant quidquid volunt, Illo irato (1)*: Satiùs igitur fuit SS. Ecclesiæ Patribus; suadere Christianis, haud dandas esse superstitionis Manibus inferias, Infernum adesse ipsos edocere, & in Fide confirmare; parum facientes disquirere, Vulcani cum Inferno communicent, nec ne; quod sane difficillimum erat; nihil enim tam antiquius Majores nostri in sua Religione habuere, quam suos quemque habere Manes, cultumque ipsis debere in Locis præsertim, ubi cum Inferis comunem esse falso

L

cre-

(1) D. August. Sup. Psalm 126.

credebant, quales erant Vulcani, five Loca omnia sulphurea pestiferas exalationes evomentia, quod ex Homero colligitur (1); quem imitatus Virgilius, de Lacu Averno cantabat

Unum oro, quando hic Inferni janua Regis

Dicitur (2)

et de Ætna

Adceleremus, ait, Cyclopum educta caminis

Mania conspicio, atque adverso fornice portas (3)

et in Lacu nostro Erimnym conditam ajebat

. queis condita Eriminys (4);

Quæ perniciofa, & anilis credulitas eo ufque processit, ut etiam a Diis loca hujusmodi venerata somniarent; Hos enim per *Paludem Stygiam* jurare consueviffe inepte crediderunt (5).

§. V. Mephitim igitur Deum, five Deam Infernalem malam, Majores nostri crediderunt, non alia certe de caussa, id sibi suadentes, nisi quia suis exalationibus animantes necabat; ipsamque crediderunt Junonem fuisse, *quam aërem esse constat*, Servius ait (6): Et ad rem facit Priscianus; scribit enim: *Itaque constitutum est Numen, quod averteret nocuos alitus*; (7) Idem auctor vocem Mephitis, credit ductam ex Græca voce *μεφίτη*; at Scaliger relatus a Ludovico Cerda, ipsam credit vocem Etruscam, a Syris acceptam, quæ significat gravitatem, aut exalationem, five flatum spiritus (8); cui adfentiendum censeo: Juno enim recte exprimitur per flatum spiritus, five aërem; *Aër, ut Stoici disputant, inter-*

(1) *Homer. Odiss. Lib. 10., & 11.*

(2) *Virgil. Æneid. Lib. 6. Vers. 106.*

(3) *Idem. ibid. Vers. 220.*

(4) *Idem Lib. Æneid. 7. Vers. 570.*

(5) *Ovid. Metamor. Lib. 2.*

(6) *Serv. super Æneid. Lib. 7.*

(7) *Prisc. in Verb. Mephitis*

(8) *Ludov. Cerda sup. Virgil. Æneid. 7.*

interiectus inter mare, & cælum; ait Cicero; Junonis nomine consecratur, quæ est Soror, & Conjux Jovis (1). Porro Juno Vulcani Mater fingebatur, ideoque Charoneis istis præsidere, atque Montibus ignivomis credebatur: Hinc Junonem agentem legimus;

Flectere si nequeo superos, Acheronta movebo (2) quo sensu crederem, Junonem dictam Stygiam, atque ideo cum forcipe, Vulcani notissimo sinbulo, dextra tenentem depictam (3). Et ex hoc evincitur, cur in Lapide Beneventano, relato ab Illustrissimo de Vita, Juno *Veridica* dicatur (4). Scimus enim in Lacu Averno Oraculum Mortuorum veneratum fuisse; sicut & in Lacu nostro Mephitico, ut mox dicemus: ac proinde cum Mephitis, Aëris gravitas, idem sonent, ac Juno, idcirco ex Oraculis in Locis istiusmodi susceptis, fuit *Juno, & Stygia, & Veridica* salutata.

§. VI. At utcunque se res ista habeat, certum est in honorem Mephitis, fuisse ab Etnicis Tempia excitata: Sic & Mephitis prope Lacum, de quo loquimur ædes habuit sacras: *In Hirpinis Anxanti ad Mephitis Ædem* (scribit Plinius) *Locum, quem qui intravere moriuntur (5).* In Lacu Averno *Ædes divinas* fuisse memoratur Strabo (6); In Timpria, Cariæ Vico, *Caronium Specu Sacrum*, pestiferas exalationes emittens, Idem meminit (7); In Acarara Vico, inter Nixam, & Tralles, Junonis, & Plutonis *Delubrum*, necnon & *Antrum Caronium, natura sua admirabile*, ab eodem Strabone didicimus (8); ut cætera prætermittam. Sed quoniam Mephitim, seu Junonem aëri infecto præsidere, ut diximus,

L 2

cre-

(1) Cic. de Nat. Deor. Lib. 2.

(2) Virgil. Æneid. 7. V. 312.

(3) Simulacr. de' Dei.

(4) De Vita Antiquitat. Benev. p. 64.

(5) Plin. Hist. Nat. Lib. 2. Cap. 93.

(6) Strab. Lib. 5.

(7) Strab. Lib. 14.

(8) Idem Lib. eod. 14.

credebant Majores ; Florentissimæ Orbis Terrarum Civitates, ad aërem noxium averrucandum, fetenti huic, ridiculoque Numini, Tempia, Sacerdotesque dedicarunt: Sic Cremona, Vespasiani temporibus, incensa: *Cum omnia Sacra, Profanaque in igne consedissent, solum Mephitis Templum stetit ante mœnia, Loco, seu Numine defensum: ut Tacitus scribit (1).*

§. VII. Jam diximus in Lacu Averno Majores nostros Ædes sacras venerasse, auctore inter cæteros Strabone, qui ibi Oracula Homerica, sive Mortuorum testatur excepta, at fraude Sacerdotum a Rege quodam detecta, sive, ut idem Strabo loquitur, cum illi nequaquam successisset Oraculi fides, *Cimerios deletos*; sic enim appellabantur homines habitantes ibi, in subterraneis cavernis; & *Ædem ipsam divinam in alium translata locum permanere (2).* At quoniam Regis istius nomen reticetur, nec Locus, ubi Ædes illa divina fuerit translata designatur; hic opinando dicerem, subterraneis accensionibus Ædificia deleta, Cimeriosque, ibi habitantes in subterraneis, & inter se communicantes oppressos, ut Ephorus a Strobone relatus ait (3); quæ omnia in Regem eos opprimente crederem designata; Oraculum Mortuorum translatum in Ædes Mephitis Anxanti; sive tunc temporis Lacum Anxanti exurgisse, cum in Lacu Averno Ædes ejus Sacræ ruinas pallæ fuerunt, quæ quidem accidere debuerunt plerosque ante Urbis conditæ annos, jam enim Trojanos adversata Juno, Furias infernales in illorum ruinam excitaverat, ut Homerus (4), & hunc sequutus Virgilius fabulantur (5); & in Lacu nostro Mephitico Erimnym conditam idem Virgilius subjungit (6):
Por-

(1) *Tacit. Histor. Lib. 3. Cap. 33.*

(2) *Strab. Lib. 6.*

(3) *Idem Lib. eod.*

(4) *Homer. Iliad. φ &c.*

(5) *Virgil. Æneid. 7. Vers. 312.*

(6) *Idem Æneid. 7. Vers. 570.*

Porro idem conjici potest ex eodem Poëta describente, Regem Latinum oracula in Lacu nostro Mephitico expentem --

*At Rex sollicitus monst'ris, oracula Fauni (1) ed
Fatidici genitoris adit, lucosque sub alta
Consulit albunea, nemorum quæ maxima sacro
Fonte sonat, sævumque exalat opaca Mephitim (1).*

Scio Cl. P. La Rue, de Silva Albunea credidisse Poëtam fuisse loquutum, quæ Tiburim prope est, ubi Lacus excurrit aquarum sulphurearum, ad Anienem confluentium, quique vulgo dicitur *La Solfataja*: item Lactantius subdit, Silvam istam dictam Albuneam, ab Albunea Sibilla Tiburtina: Super altura Montis Tiburis ostendunt alii Silvam istam fuisse (2); quam Horatius etiam memoratur

*Nec me Larissæ perculsit campus Opimæ
Quam domus Albuneæ resonantis
Et preceps Anio, & Tiburis Lucus, & uda
Mobilibus pomaria rivis (3):*

At Lacum nostrum Mephiticum in supra relatis verbis a Virgilio designatum contenderem: Jam enim exploratum est, vocabula *Albuneam*; *Leucoteam*; *Mephitim*; *Junonem*, indiscriminatim fuisse usurpata, ad indicandum Deum, sive Deam aëri præsentem, quod Servius testatur; quo pacto Lacum nostrum Albuneam dictum quoque, Mephitim, Junonem, & Leucoteam fateri posse, quis dubitabit? Porro si Topographiam perpendamus, de Lacu nostro Poëtam scripsisse, statuendum est: Ait enim, quod *Albunea sonat maximo Nemorum sacro fonte*: At supra monuimus, quod Lacus noster nemoribus cingitur; juges edit fragores; sævamque exalat Mephi-

(1) Idem *Æneid.* 7. V. 81.

(2) Vid. *Ambrog. Sup. Virgil. Æneid.* 7.

(3) *Horat. Lib.* 1. *Od.* 7.

(4) *Serv. super Æneid. Lib.* 7.

phitim; infestam hominibus ad necem usque, necatque suis alitibus volucres continuo, quod & in Lacu Averno aliquando accidisse, *indigenarum rumor erat*, ait Strabo (1).

Subdit inde Poëta, quod Locus, de quo scribebat frequentabatur ab Italis, & ab Oenotriis,

Hinc Italæ gentes, omnisque Oenotria Tellus

In dubiis responsa petit. (2)

& inferius ait, quod fama orta super Fauni responso, terebatur per Urbes Ausonias:

Hæc responsa Patris Fauni, monitusque silenti

Nocte datos, non Ipse suo premit ore Latinus;

Sed circum late volitans jam fama per Urbes

Ausonias tulerat (3):

Ex quibus verbis conjicerem, Oraculum fuisse datum in Ausonia, circa cujus Urbes fama volitans percrefcebat: Scimus enim, hanc florentissimam Europæ partem, quam nunc Italiam dicimus, varios fines, variasque denominationes, pro temporum, & Incolentium variate, fortitam fuisse (4). At hic antiquam Italiam Poëta memorans, Illam fecernit ab antiquis *Oenotria*, & *Ausonia*: Quippe sub nomine gentium Italarum: *Italæ gentes*: Latinos, & Etruscos populos designavit, quos antiqua Italia complectebatur (5); sub nomine Oenotriorum: *Omnisque Oenotria tellus*: designavit Populos habitantes a fretu Siculo, usque ad Sinum Tarentinum & Possidoniatem (6); Et sub nomine Ausonum: *Per Urbes Ausonias*: gentem Hirpinam, sive Samniticam indicavit, qui antiquitus Medii, inter Italos, & Oenotrios, incoluerunt eam

(1) *Strab. Lib. 5.*

(2) *Æneid. 7. Vers. 85. &c.*

(3) *Idem ibid.*

(4) *Vid. Ptolom. Lib. 7.: Strab.: Alicarn. Leandr. Albert. &c.*

(5) *Strab. L. v.*

(6) *Strab. L. 5.*

eam regionem , quam dicimus Campaniam , montesque ei conterminos (1). Ut igitur Oraculum æque posset a gentibus sic designatis frequentari in dubiis, debuit certe venerari in loco, qui commodus omnibus esset, & quidem nullus alius Lacu nostro commodior, utpote qui in medio populorum istorum erat, ut idem Poëta inferius cecinit --

Est Locus Italiæ in medio, sub montibus altis,

Nobilis, & fama multis memoratus in oris

Anxanti valles (2)

Nec alia de causa *Nobilem, & multis in oris memoratum* crederem, nisi ob Oracula, quæ ibi dabantur: Hac igitur, fabulatur Virgilius, venisse Regem Latinum, expectante oracula Fauni Genitoris; cujus responsum, etsi Ipse reticuerit, (sic exponerem Virgilium edicentem *non ipse premit suo ore Latinus*; quasi nullum de accepto responso Ipse, suo ore exprefferit, licet hæc alii aliter explicent (3)) fama tamen dati responsi, circum adjacentes Urbes Ausonias volitans ferebatur, nempe per Urbes Samniticas: Cur autem Samnites dicerentur Auxones, sive Ausones, multi multa dicunt; quibus Ego adderem ita dictos ab Audacia, juxta illud Horatii: *Audax Iapeti genus omnia perperi* (4): & verè Audaces fuerunt Samnites, ut ea, quæ de ipsis extant Historiarum fragmenta testantur.

§. VIII. Sed quod ad rem, de qua loquimur facit, non spernendum crederem, id quoque conjici posse ex nummis æreis, & argenteis, qui continuo effodiuntur, signanter in alveo Torrentis, quem diximus juxta Lacum Mephiticum, tortum excurrere; Frequentiores quidem sunt Nummi ærei Romani, cum solito Jani bicipitis tipo, in parte una; & in altera, Navis pars dimidia: nec desunt quadran-

(1) *Idem Strab. ibid.*

(2) *Æneid. Lib. 7. Vers.*

(3) *Ambrog. super Æneid 7.*

(4) *Horat. Lib. 1. Od. 3.*

drantes ænei, & trientes, quin imo & æs librale in meo Museulo habeo, in loco eodem repertum; de quorum nummorum varietate, & præstantia tam erudite nuper scripsit Eminentiſſimus Zelada (1), quem conſule: præterea antiquarum Italicarum Urbium nummos non paucos ex locis iſtis adeptus ſum Ego: nempe Cumæ, Nolæ, Neapolis, Tarenti, Turii, Velinæ, Caſſinæ, Teani Appuli, Teſſinæ, Locrorum, aliarumque Italicarum Urbium; ibique frequentiores ſunt Nummuli argentei, quorum centum & ultra habeo in meo Muſeuſulo: Caput unius ex Furiis portendunt omnes, in parte una, & Leonem ſiniſtrorſum fugientem in parte altera: nonnulli exhibent Leenam, buccæ aperta fugientem, ſub cujus pedibus ſerpentem, pari modo fugientem, abſque ulla inſcriptione; inter quos, in uno exhibetur Leo ſiniſtrorſum fugiens, inverſus reſpiciens Vulcani pileum, inſculptum in ſuperiori parte nummi; quos incidi curavimus in Tab. IV. N. XX., & XXI. Hos crederem nummos peculares Loci, quos Sacerdotes excipiebant, atque offerebant Charonti, pro Manium inferiis; quos Græci dicebant *Δαμῶνες*, ſive *quadrantes* (2); licet melius nummulos iſtos, *ſeſtertiiis* æquipararem. Hos igitur peculiares Loci fuiſſe crederem ex ſimbulis, quæ portendunt: nam in capite Furiæ designatur Lacus Mephiticus, qui Inferorum porta credebatur, & Furiarum domicilium: In Leone, & Serpente fugientibus, effectus Loci naturalis indigitatur, qui ſuis alitibus animantes enecat, ut diximus; quin imo ex Leone fugiente, qui inverſus reſpicit Vulcani pileum, ut Tab. IV. N. XX., dijudicarem aliquando ignitas lavas, Lacum Mephiticum eructaſſe, ut ſupra notavimus; ac proinde Ipſum Leo, & Serpens aufugiunt: Nec indifferenter crederem Furiam ſignatam in nummo, interſectis labiis, ut præfertur; ſed
Me-

(1) *Eminentiff. Card. Zelada Ad Eminentiff. Cardinal. Archinto.*

(2) *Virgil. Æneid. 6. Verſ. 298. Juvenal. Lib. 3. Verſ. 267.*

Mephiticam ipsam Voraginem, in medio tot Mineralium concretionum exurgentem, indicatam autumarem. At si tempus, & otium habuero, de Museuli mei nummis, aliqua scribere mecum statui; & Deo dante perficiam.

§. IX. Certum igitur est, inter Deos malos, five Infernales, Mephitim, Leucoteam, five Junonem adnumeratam fuisse; utpote quæ credebatur aëri infecto præfidere: Quo autem ritu colebatur; Servius ait, quod in Lacu nostro *victimæ non mactabantur, sed ad Lacum applicatæ suffocabantur, & hoc erat genus litationis* (1): At Ego crederem, quod pro diversitate votorum, diversis ritibus utebantur. Illud tamen certum est, quod in Locis istiusmodi noctu sacra fiebant, qui quidem ritus servabatur in sacrificiis Plutonis, Furiarum, five etiam earum Matris Noctis: Sic Uliſſes Cumæ sacrificaturus, dum ibi apud Cimerios adhuc stabat Oraculum, ait Homerus,

Δύπειτο τ' ἡελίο, σκιδνντό τε πάντα ἀγνιάς

Occidit autem sol, obscuranturque omnes vici (2):

& Æneas in Loco eodem facturus sacra, scribit Virgilius;

Tum Stigio Regi nocturnas incoat aras (3):

& responsum Latino Regi datum nocturno tempore;

Hæc responsa Patris Fauni, monitusque silenti

Nocte ditos (4).

§. X. At Victimæ ibi etiam mactabantur, superstitionis certis adhibitis ceremoniis. Excavabatur a Sacrificante fossa cubitalis in girum, five ἔνθα καὶ ἔνθα, inde, & inde, ait Homerus (5): circa eam fundebantur libamina, primo mulsu, secundo vinum, & tertio aqua; dehinc miscbatur mola alba, adhibitisque cum votis, certis precibus, oves nigræ mactabantur juxta fossam, ut sanguis

M

eam

(1) Serv. Æneid. 7.

(2) Homer. Odys. A. Vers. 12.

(3) Virg. Æneid. Lib. 6. Vers. 251.

(4) Idem Æneid. Lib. 7. Vers. 102.

(5) Homer. Iliad. φ Vers. 25.

eam intus flueret, quem animæ mortuorum libare credebantur; & tum demum deglubebantur, & Diis Inferalibus comburebantur, vota precantes, facientesque (1). His addit Virgilius & ritus alios, nempe quod constituebantur in loco Sacrificii, Juvenci nigra habentes terga, iis Sacerdos fronti immergebant vinum, & carpens, media inter cornua, summas setas, ignibus imponebat. sacris, voce vocans Hecatē, sive Lunam hisce in Sacrificiis; nam Hecatē credebant, Lunam esse Cælo, Dianam in Silvis, & Proserpinam in Inferno; alii adstantes supponebant cultros; (quique Cultrarii appellabantur (2)), & alii suscipiebant crucem in pateris, alio nomine *damniis* nuncupatis, ut supra notavimus; Atri velleris agnæ cervix abscindebatur, quod Uliſsem feciſſe Homerus; & Æneam Virgilius testantur: Hæc quidem immolabatur Matri Eumenidum, sive Nocti; quam credebant Matrem Furiarum, & Terræ Sororem; & Vacca sterilis immolabatur Proserpinæ; Tum demum in honorem Plutonis, solida viscera Taurorum imponebant flammis, oleum infundentes ardentibus extis; ritus, quos noctu Æneam servasse Poëta fabulatur: His enim sic expletis, sequitur:

*Ecce autem primi sub limina solis & Ortus,
Sub pedibus mugire solum (3)*

§. XI. Matri igitur Furiarum Nocti, & Terræ ejus sorori, sive etiam Caroneis Terrarum scrobibus, per noctem, atri velleris oves immolabantur; quod & eruditus Ambroggi jam animadverterat -- *Dove vuole avvertirsi, che facendosi Sacrificii agli Dei infernali, tutto è fosco, e nero, e spira orrore* (4). Ideoque ritus eosdem in Lacu nostro Mephitico invaluisse dicendum est. Et licet usque adhuc nulla, quod sciam, ad Sacra pertinsens inscriptio sit reperta; extat

(1) *Idem Odyss. A. Vers. 14. & seqq.*

(2) *Sueton. in Vit. Caligul. Cap. 32.*

(3) *Virgil. Æneid. Lib. 6. Vers. 242., & seqq.*

(4) *Ambrog. Æneid. Virg. Lib. eod. Not. 3.*

extat tamen prope Lacum, lapis quadratus, quatuor pal-
 morum Neapolitanorum hinc inde lata, cui in medio cir-
 cularis cavitas, hunc vulgo dicunt *la fonte*; at Ego cre-
 derem fossiam fuisse artefactam sic, ut ab Homero descri-
 bitur, excavatam $\epsilon\nu\theta\alpha$ $\kappa\epsilon$ $\epsilon\nu\theta\alpha$, hoc est in girum (1), nam
 in girum explicarem, per illud $\epsilon\nu\theta\alpha$, $\kappa\epsilon$ $\epsilon\nu\theta\alpha$ intellexis-
 se Homerum: describens enim anguillas laborantes, spi-
 ritu ignis, inter vortices, $\epsilon\nu\theta\alpha$, $\kappa\epsilon$ $\epsilon\nu\theta\alpha$ laborare scribe-
 bat (2); ubi perspicuum est, laborantes inter vortices,
 in girum agitari: In ipsa igitur reliquus victimarum
 cruor excipiebatur, quem postea suscipientes pateris, su-
 per adstantes, ad emundationem, aspergebant, quod in
 Taurobulio factum, ineptas has ceremonias describentes
 testantur (3). Duo simulacra ænea nuper juxta Lacum
 Mephiticum fuerunt reperta, quæ penes me asservantur:
 exarsa quidem sunt, & rudis fabricæ: ipsa crederem por-
 tendere duos Sacerdotes, & unum quidem *Popam*; veste
 enim brevi superius indutum est, succinctum ad brachia;
 eodem modo, quo Calligula a Suetonio describitur (4); a
 medietate corporis, limo angusto, ad pedes usque, quos
 nudos habet, cooperitur; sinulum succinctum portat, ubi
 literæ exarsæ conspiciuntur, prout in ejus Icone, Tabula I.
 videre est, & quam apposite incidi curavimus, tum ut *Popæ*
 vestes innotescerent, & tum etiam, ut in Mephitis Sacrificiis
Popam interfuisse intelligatur: alterum, acidis sulphureis
 consumptum, nudum est, tantummodo habitu lato, veluti
 casula, usque ad corporis medietatem coopertum: sed utraque
 simulacra prædicta manibus elatis conspiciuntur, tamquam
 si quid Numini pestifero offerrent; quibus aludit Poëta:

..... *Huc dona Sacerdos,*

Cum tulit (5)

M 2

Vota

(1) *Homer. Odyss. A. Vers. 25.*

(2) *Idem Iliad. φ Vers. 354.*

(3) *Illustriss. de Vita Antiquit. Benew. Dissert. 2. fol. 87. & seqq.*

(4) *Suet. in Vita Caligul.*

(5) *Virgil. Æneid. 7. 86.*

Vota igitur Diis Infernalibus dum in Locis istis fiebant, Victimæ non solum applicatæ ad Lacum suffocabantur, sed mactabantur quoque, & signanter dum Oracula suscipiebantur; pellibus enim mactatarum Ovium incumbabant, ut somnia exciperent, sive responsa acciperent; quem insanum ritum Regem Latinum sequutum, idem Virgilius fabulatur:

*Hic & tum Pater ipse petens responsa Latinus,
Centum lanigeras mactabat rite bidentis
Atque earum effultus tergo, stratisque jacebat
Velleribus. (1)*

§. XII. Præterea quotannis, & certis statutis diebus crederem solemnia celebrata in honorem Mephitis; & tunc servatum ritum suffocandi Victimam, ad Lacum applicatam, indicatum a Servio; eodem certe, parique more, quo in Acharaca factum, legimus: *Acharicis solemnia quotannis fiunt*, ait Strabo *Tunc enim juvenes, & ephebi ex gymnasio nudi, & uncti taurum quemdam festinanter in antrum ducunt: qui dimissus paulum progreditur, postea mortuus ad terram cadit* (2); quin imo autumarem in loca ista ægros olim profectos, ad curas captandas, prout in prædicta Acharaca, ductu Sacerdotum fiebat; idque conjicerem ex Loco, immediate Lacui contermino, quem *Vicoli* vulgo dicunt, ut supra notavimus, & quem apposite in Mephitis Figura II. designare N. 9. curavimus: Idem enim Strabo ait: *Tradunt agrotos, qui horum deorum curis vacant, eo (nempe in Acharaca) proficisci, atque in VICO. SPECUI VICINO, apud Sacrorum peritos immorari* (3); dicerem igitur, hic quoque ægros, in *Viculis*, apud Sacrorum peritos, immorasse; quod cæteroquin conjici quoque potest, ex frequentia virorum, & mulierum, quotannis venientium ad Villamaniæ balneos,

(1) *Virg. Æneid. Lib. 7. Vers. 92. &c.*

(2) *Strab. Lib. 14.*

(3) *Idem Ibid.*

neos, qui ex Lacus Mephitici aquis, ut diximus, non procul componuntur; & quod hi, pro sua quisque affecta valetudine, a mineralibus aquis, & earum effectibus expetunt, illi a Diis Infernalibus, & superstitiosis Sacerdotum cantionibus exoptabant.

§. XIII. Quo autem anni tempore, vel etiam quo die in honorem Charoneæ istius, Sacra fierent, statuere auderem, tempore æstivo, & Mense Julii percurrente: idque conjicerem ex eo quia, cum noctu sacrificari debuisset, id in hieme difficillimum erat in locis istis, sat nive rigidis; ideoque tempore æstivo sacra facta dicerem; & Mense Julii si dixerim; id quidem credidi, evinci, non nimis audacter posse, ex Festo, quod in Loco eodem quotannis celebratur, die nona, & decima Julii, in honorem septem Fratrum Martirum, Divæ Felicitatis Filiorum, cui jam diximus Ædiculam dicatam in Loco venerari: Tunc temporis quippe, tamquam ad frequentissimum emporium, ex omni fere Regni parte, ibi confluit multitudo, immoraturque in Loco, juxta Sacras Ædes prædictas, per noctem integram, & sub Jove frigido, a primis vespers diei noni Mensis Julii, usque ad Meridiem subsequæ diei decimi: Idcirco autumarem, quod Majores nostri, in fide Catolica a Divo Felice, Presbytero tunc Nolano, modo inter Divos relato, & Patriæ meæ Patrono Inclito; ut constans traditio est; Mephitico insano cultu abdicato, & forsan Templo ejus subverso; in honorem septem Fratrum Martirum, & Divæ Felicitatis, Matris Eorum, Ædes Sacras excitarunt; ibique, qui prius ad Mephitim fiebant Sacrilegi congressus, Sacros deinde in honorem Martirum fieri statuerunt; Quem morem & priscos Christianos in aliis Mundi locis servasse, sat nos Historiæ docent.

§. XIV. Diximus, auctore Plinio, supra relato, Ædes divinas Mephitim Anxanti habuisse; quod certum, & exploratum quidem est: ad Lacus enim meridiem, ejus ruinæ,
quæ

quæ prius erant in totum sepultæ, nunc in partem contemplantur: sedulo enim cum per loca inquisivissem, si quæ ædificiorum vestigia possent recognosci; lapidem quadratum, & in girum effossum, de quo diximus, perperdens; nec non & Locum descriptum a Plinio, juxta Mephitis ædes, ajente, *quem qui intravere moriuntur* (1); qui, ut notavimus, tortus, ut in Fig. II. N. 6. Torrentis est vortex, diciturque vulgo *Vado Mortale*; item & terram super vertice isto immediate adjacentem, inæqualiter dispositam, velut tot Monticulos efformantem, contemplatus; ipsam in partem effodiendam curavi: vereque, ut opinaveram, antiquorum parietum reliquiæ apparuerunt; quas Templi istius esse, mecum Viri eruditi, qui Lacum Mephiticum inviserunt, unanimiter statuerunt; inter quos Abbas Fortis, & Eques Klarche.

§. XV. Restat denique, ut de certo Vallium Anxanti situ dicatur, de quibus Poëta cecinit,

*Est Locus Italiæ in medio, sub montibus altis
Nobilis, & fama multis memoratus in Oris,
Anxanti Valles* (2):

& de quibus fermocinati sumus.

Jam diximus, quamplurimos, clarique neminis Scriptores Valles istas commemorasse: Nonnullorum auctoritates, prout res exposulabat, retulimus: Sed quoniam de Vallium situ non omnes conveniunt, quid super re ista sit statuendum, demonstrabimus.

Petrus Valeriani, Altus Manutius, Franciscus Floridus, Lodovicus a Cerda, Flavius Blondus, & Leander Alberti crediderunt, per Valles Anxanti, designatum a Poëta Lacum Velinum, in Sabinia (3), sed perperam; ut dicemus.

Do-

(1) *Plin. sup. relat. §. 29.*

(2) *Virgil. Æneid. 7.*

(3) *Fl. Blond. Verb. Velinus Amnis: Leand. Albert. pag. mihi 100.: Vid. Pratill. Via App. IV. Cap. IV. fol. 460.*

Donatus relatus a Servio de Vallibus a Poëta descriptis hæc habet : *Lucaniæ esse qui describitur Lacus , circa Fluvium qui dicitur Calor* (1).

Barthius Claudianum commentans : *Anxantus , Lucaniæ Lacus , cujus halitus volucres necat* (2) : idemque sentit Vibius Sequester (3).

Nuperrime tandem Rodolphinus Venuti dissertationem edidit, super situ Vallium Anxanti, quam insertam habemus in Tertia Parte Virgilii, tipis Romæ dati in A. 1765, cum Versione Cl. Viri Patris Antonii Ambroggi Florentini : Contendit laudatus Venuti, Valles Anxanti, a Virgilio designatas, in Territorio Sabino esse, & proprie in Loco parum distito a Terra, vulgo dicta *Poggio Catino*, quæ possidetur a Romana perillustri Familia Marchionum Olciatorum; commemoraturque Locum ibi dictum *Valli Sante*, quem circum antiquorum ædificiorum ruinae admirantur, & parum distitus a Loco eodem ait, quod excurrit tortuosus Torrens, cujus aquæ, cum fragore non modico immittuntur in cavernam, ibi in duro Saxo naturaliter efformatam : Locum, subdit, mediterraneum esse, vel ideo *Nobilem* a Poëta dictum, ex antiquis scilicet ædificiis Urbis Casperiæ, quam ibi olim fuisse credit; & *fama Notum*, nempe ob cladem Romanorum, ibi a Gallis receptam; quæ omnia, etsi erudite conscripta, atque excogitata; nihil tamen habent commune nostris *Anxanti Vallibus*, a Poëta designatis.

§. XVI. At Servius hæc habet : *Hunc Locum Italiæ Umbilicum Cosmographi dicunt : Est autem in latere Campaniæ, & Apuliæ, ubi Hirpini sunt, & habet aquas sulphureas, ideo graviores, quia ambiuntur silvis : Ideo autem aditus ibi dicitur Inferorum, quod gravis odor juxta accedentes necat* (4). Et

(1) Serv. Æneid. 7.

(2) Barth. in Claudian. de Rapt. Proserp. Lib. 2. Vers. 348.

(3) Vib. Seq. de Lac.

(4) Serv. sup. Æneid. Lib. 7.

Et Cluerius: Porro supra Taurasium, sub Fricento Opido, est dirus Anxantus Lacus, Ciceroni, Plinio, & Claudiano memoratus; dicitur adcolis Musiti (1): quos sequuntur Leonardus de Capua (2); Canonicus Pratillus. (3); laudatus Pater Ambroggi (4) & Facciolatus in Verbo Ansanctus, etsi dicat Frequentinas esse Valles, quæ in districtu Roccæ S. Felicis, Patriæ meæ, vere sunt, ut diximus: His igitur libenter adstipulamur, sequentibus ducti rationibus.

Cicero enim supra relatus, disertis verbis Anxantum fatetur esse in Hirpinis -- *Quid enim non videmus, quam diversa sunt Terrarum genera, ex quibus mortifera quædam pars est, ut & Anxanti in Hirpinis, & Plutonia in Asia, quæ vidimus;* (5) Et Anxanti Valles certe vidit Cicero, dum Brundisium ad Pompeum perrexit, ut supra diximus.

Et Plinius supra memoratus, ædes Mephitis Anxanti in Hirpinis designat -- *Item in Hirpinis Anxanti, ad Mephitis ædes* (6).

Ex Ciceronis igitur, & Plinii firmissimis auctoritatibus, *Valles Anxanti* in Hirpinis esse colligitur. Cur autem supra relati Auctores a Plinio, & Cicerone recesserint, nullam aliam invenio causam, nisi quod Poëta, in medio Italiæ, Loca ista descripserit: Adducunt enim Varronis auctoritatem, medium Italiæ statuentis in Lacu Velino -- *In eo autem Lacu* (ait Blondus) *Italiæ umbilicum esse, Marcum Varronem scripsisse refert Plinius,* (7) idenque sentit Leander Alberti, auctoritatem Blondi transcri-

(1) Cluer. Ital. Antiq. Lib. 4.

(2) Leonard. de Cap. de Mephit.

(3) Pratill. Via App. Lib. IV. Cap. IV.

(4) Ambrogg. in Æneid. Vigil. Lib. 7.

(5) Cic. de divinat. Lib. 1.

(6) Plin. Hist. Natur. Lib. 2. Cap. 63.

(7) Fl. Blond. in Umbria. Verbo Velinus Annis.

scribens (1) ; quos eodem ex argumento sequuti sunt & reliqui, sed perperam.

Scribebat namque Virgilius de antiqua Italia, cuius fines extendebantur a Mari supero, usque ad Mare inferum, sive a Tirreno, ad Adriaticum, vel ut loquitur Rosacius, super Ptolomæi Cosmographia, a *Neptuno ad Tarentum* (2); in quorum medio Hirpini venerant -- *Et hunc medium Italiæ Cosmographi dicunt*, ait Servius supra relat-
tus; nisi velimus dicere cum Pratillo, tempore Augusti Italiam stricte sumptam, tales fines habuisse, ut Hirpini, ejus in medio essent (3).

Quod vero Donatus, Barthius, Silius Italicus, Mephitim Anxanti in Lucania esse dixerint, ut supra notavimus; id quidem edixerunt, confundentes Flumen, vulgo dictum *Calore*, quod in Lucania excurrit, cum flumine *Calore* Hirpinorum, ubi vere, ut supra diximus, post varios flexus, aquæ Mephiticæ deportantur (4).

§.XVII. Cur autem Valles istas Anxanti dixerint; Servius, ut supra notavimus, ait: *quasi circum circiter Sanctas* (5): nempe Diis Infernalibus in girum sacras; quod verosimile quidem est; nam supra jam diximus, præter Lacum Mephiticum, in Vallibus istis, & per loca contermina, aggregata Sulphurea abundare; ideoque sicut Lacus tamquam porta Interi, sic & reliquæ congestiones illæ Sulphureæ, spiracula Ditis sævi sancte, & relligiose colebantur; nisi mavis legere *piracula* Ditis, ut Servius animadvertit, cum antiquis Codicibus Virgilianis; *quæ dicta sunt ἀπο τῶν περᾶτων*, hoc est *a finibus Inferorum* (6): at Ego crederem, lapides pyrites, sive aggregata ipsa sulphurea,

(1) *Leand. Albert. in Umbria Fol. M. 100.*

(2) *Joh. Rosac. Tab. 9. Europ. Pag. 61.*

(3) *Pratill. Lib. IV. Via App. Cap. IV. Vide Sigonium de Antiq. Jur. Ital.*

(4) *Vide supra §.*

(5) *Serv. Æneid. 7.*

(6) *Serv. supra Æneid. 7.*

rea, a Poëta indicatos, *piracula* ab Ipso nuncupatos &c. Quibus hic opinando subneſterem, ideo dictas *Anxanti Valles* iſtas, ad effectum ſcilicet naturalem Locorum indicandum; nempe quia anxantes reddunt viventes, qui ibi incidunt, & ſuffocatos occidunt, ut ſupra notavimus (1). Quod ſi ætimologiam Servii melius approbes, ei adde, vel ideo circum circiter Sancta dicta loca iſta, nempe ob Sepulcrorum frequentiam, quæ ibi paſſim effodiuntur.

§. XVIII. *Valles* igitur *Anxanti*, & ipſarum *Lacus Mephiticus*, quem habes Fig. II. Num. 1., ſitæ ſunt in diſtrictu Roccæ S. Felicis, quam habes Fig. V.; Eas utrinque urget latus Nemoris, vulgo dicto *Migliano*; Fig. II. Num. 8.; & Nemoris laudatæ Roccæ, vulgo dicti *Le Macchie delle Meſſiti*; Fig. II. Num. 7.; In Lacu miratu digna eſt rima exuſſans, Fig. II. N. 2.; & nova Vorago; Fig. II. Num. 19.; Item prope Lacum ad occidentem, Locus vulgo dictus Caccabo; eadem Fig. N. 3.; & locus alter inter Orientem, & Meridiem vulgo dictus *Le Freſſole*. Figura eadem, Num. 4.; nec non & novæ immutationes ad præſens in Loco factæ; ut Fig. VI. N. 1. 2. & 3.: Tortus Torrens Lacum circum excurrit: Fig. II. Num. 5.; in cujus alveo Locus vorticofus, dictus vulgo *Vado Mortale*: ead. Fig. II. Num. 6.; & Locus alter vulgo dictus *Vicoli*: Fig. II. Num. 9.; Nec parum diſſiti ſunt Baſnei *Villemaniæ* Fig. II., Num. 10.; Duæ ad Valles iſtas ducebant viæ; *Appia* ſcilicet; ead. Fig. II. N. 16.; & *Via Domitia*; eadem Fig. II., Num. 17.; Selenites in loco abundant, & gypſum ibi effoditur; Fig. ead. Num. 18.: In locis iſtis Deo, ſive Deæ Mephiti Sacræ fuerunt ædès, quarum veſtigia, per me effoſſa nunc contemplantur: Locus quidem nobilis, & fama multis in oris memoratus, ut dixi, ob Oracula mortuorum: Ejus Lacus, quem nunc Mephitiim loci accolæ, ut ait Cluerius, appellant, fragoſum;

(1) Vid. ſupra §. XX. Lib. 1.

sum, ex jugi ebullitione, dat sonitum: & in girum tot Ditis
 sævi piracula monstrantur: Portæ Inferorum inepte olim
 creditæ, ubi Erimnym conditam perbelle, ut sui moris
 est, Poëta cecinit, Æneidum Libro septimo, non semel
 per nos in hoc, qualecunque sit, opere repetito:

*Est Locus Italiæ in medio, sub Montibus altis,
 Nobilis, & fama multis memoratus in oris,
 ANXANTI. VALLES, densis hunc frondibus atrum
 Urget utrinque latus Nemoris, medioque fragosus
 Dat sonitum Saxi, & torto vortice Torrens.
 Hic Specus horrendum, & Sævi piracula Ditis
 monstrantur, ruptoque ingens Archeronte Vorago
 ætiferas aperit fauces: quæ condita Erimnys
 invisum Numen, Cælum, Terramque levabat.*

§. XIX. Quæ quidem omnia, ut potui, illustrando, &
 Patriæ decori, in ejus vetustate veneranda consulere, &
 Amicis bonis satisfacere, ut præmisi, in mente habui:
 Quod si benigne Qui legitis has meas lucubrationes ex-
 cipiatis; eritis mihi magnus Apollo, & huc usque enar-
 rata pro munere reddam; Viro inclito Nicolao Capasso
 mecum vobis edicente;

Munere pro Magno tenuis datur hostias Divis:

Muneribus vestris, sint mea dicta satis:

sin secus: caveat, rectus, & albus sit, si qui forsan me
 loripidem, aut Etiopem dixerit, ne & ipse a cæteris
 rideatur.




1. The first thing I noticed when I stepped
out of the plane was the fresh air. It felt like
I had been in a bubble for hours. The sun was
shining brightly, and the birds were singing.
I had never felt so alive before. The world
was so beautiful, and I was so lucky to be
here. I had heard so much about this place,
and now I was finally seeing it with my own
eyes. The people were so friendly, and the
food was so delicious. I was in heaven.
I had found my home. I was so happy.
I had found my purpose. I was so proud.
I had found my love. I was so in love.
I had found my life. I was so grateful.
I had found my soul. I was so blessed.
I had found my destiny. I was so chosen.
I had found my God. I was so saved.



FIGURA. I.







- | | | | | | | |
|----------------------------------|------------------------------------|-------------------------|------------------------|----------------|-----------------|----------|
| 1. Lacus Mephiticus | 4. Fressole | 7. Nemus demaniale Rocæ | 10. Balnei Villæ mania | 13. Iesualdum | 16. Via Appia | 19. Nova |
| 2. Meatus Recipiens et exufflans | 5. Torrens | 8. Nemus Frequenti | 11. Flumen Fredene | 14. Taurella | 17. Via domitia | Vorago |
| 3. Caccabo | 6. Vortex tortus sive Vado Mortale | 9. Vicoli | 12. Frequentum | 15. Villamania | 18. Gypsara | |



1. Mons Echiaus

2. Saxu vulgo La Pietra di Peluso

3. Fons aquae Sulphureae

4. Carbones Fossiles

5. Ruinae ex Subterraneae accensione


6. S. Angel. Lombardor.

7. Guardia Lombardor.

8. Flumen sive Torrens Fredene

9. Via qua iungebatur Appia

11





I.

AVG.L.
HENE CRAT.

III.

C.FIONI.MX

V

XGY

VI.

XGY

II.

AVG.L.
APNE CRATES

IV.

L.BALB

VII

CN.Æ
EROS

VIII.



IX

20CR
ATES

X.

M
MARC

XI.

O.OFIL
EPAPR

XII.

O.FLOR
CHRESIMI

XIII.

VITBLV

XIV.

M.CPR

XV.

CN.TIGI
QVETI

XVI.

VVLER
VIVIV


XX.



XVII.

M.SICILV
C.CICERV

XVIII




XIX.

I.N.DEO.

XXI.







I. Rocca S. Felicis
II. Castrum antiquum





FIGURA. VI




1. Nova Rima exufflans 2. Nova Aggregata Nigerrima 3. Nova Ebullitio aquarum



THE
LIBRARY
OF THE
MUSEUM OF
ART AND
ARCHAEOLOGY
OF THE
UNIVERSITY OF
CHICAGO
1900





SPECIAL

88-B

3082

THE CETH CENTER
LIBRARY

